

دوماری

شیرازہ

پہلا

جموں اینڈ کشمیر اکیڈمی آف آرٹ، کلچر اینڈ لینگویجز

شیرازہ

(پہاڑی)

جلد: ۴۲ شماره: ۲ جون/ جولائی ۲۰۲۰ء

نگراں: منیر الاسلام
(کے اے ایس)

مدیر اعلیٰ: ڈاکٹر مرزا فاروق انوار

مدیر: محمد ایوب میر

معاون: عبدالواحد منہاس

جمن ایسٹ ڈسٹریکٹ آف آرٹ، پکراپٹ ڈسٹرکٹ

سیکرٹری، جموں اینڈ کشمیر اکیڈمی آف آرٹ، کلچر اینڈ لٹریچر - لالمنڈی سرینگر

کمپوزنگ: عبدالواحد منہاس / امتیاز احمد خان / بشیر احمد نجار

چھاپ خانہ:

تعداد: 500

سرورق: معراج الدین

قیمت: 50 روپے

نوٹ:

اس شمارے میں شامل مقالیاں تہ دیگر مشمولات
میں ظاہر کی گئی آراء مال ادارے ناٹھیا جڑو اتفاق
ضروری نیہہ..... (ادارہ)

رابطہ انہاں موبائل نمبراں اُپر کرو:

9596929801, 9469249766, 9622861597

چھٹی اس پتے تے لکھو:

چیف ایڈیٹر

(پہاڑی)

جموں اینڈ کشمیر

کلچرل اکیڈمی

لالمنڈی سرینگر

کنال روڈ، جموں توہی

سَیَر

- ☆ پہلی گل ۶ ڈاکٹر مرزا فاروق انوار
- مقالے :
- ۱۔ رشید ادا دی جوڑی میاں کریم اللہ قریشی 9
- ۲۔ راج بائی خوش دیو مینی 18
- ۳۔ محمد مقبول خان: ہک قومی اثاثہ عبدالرشید لون غمگین 22
- ۴۔ اُم المؤمنین حضرت سیدہ اُم حبیبہؓ احمد مصطفیٰ صدیقی 30
- افسانچے / افسانے :
- ۱۔ کشمیر ناں / دلی نی سیل علی عدالت 50
- ۲۔ واسطہ شیخ آزاد احمد آزاد 53
- ۳۔ پتہ نہماں زلفر کھوگر 55
- ۴۔ کرونا شیخ شبیر احمد 59
- ۵۔ بس حادثہ محمد بشیر شاد 60
- ۶۔ خہر یائی جھیل شبیر احمد خان شمس 63
- ۷۔ بد بخت / خدمت رابعہ کوثر 66

معراج راہی۔ بشیر اختر۔ محمد عظیم خان۔ میر غلام حیدر ندیم۔ نشاط افروز نعیم۔
محمد رفیق قریشی۔ ریحانہ عزیز۔ سید اسحاق تبسم۔ فرح زیدی

رشید قریشی۔ شیخ آزاد احمد آزاد۔ امتیاز نسیم ہاشمی۔ نثار راہی۔ ڈاکٹر جہانگیر دانش۔
محمد منشاء خاکی۔ ملک شفیق عارث۔ سردار جاوید خان جاوید۔ شکور احسن۔ مشکور احمد شاد۔
حمید گل۔ محمد اقبال منجا کوٹی۔ محمد مقبول پیتا۔ بشیر اختر۔ رابعہ کوثر۔ وقار دانش۔
راشد حسین راشد۔ محمد رفیق خان رفیق۔ طارق احمد طارق۔ عبد الجلیل خیالی۔
ادریس احمد ادریس۔ محمد رفیق زخمی۔ مجروح شاکر۔ محمود ریاض زخمی۔ محمد یاسین۔
عقیل عباسی۔ غلام رسول مصطفائی۔ محمد شکیل اعوان ساگر۔ مظفر احمد۔ انعام الحق بسمل۔
اعجاز احمد شاہ۔ سنیل پردیسی۔ ملک توقیر النساء۔ ساحل یوسف۔ جوتی کمار

- | | | |
|-----|---------------------|------------------------------|
| 143 | سوامی انتر نیرو | ۱۔ ڈنگ |
| 145 | پرویز مانوس | ۲۔ اساہڑیاری مقبول |
| 147 | نذیر حسین انس | ۳۔ مہنگائی |
| 150 | نبیلہ احمد | ۴۔ نانی ناگراں رمگی یاد کریا |
| 155 | ماسٹر محمد مقبول | ۵۔ اپنا ہی ٹھنارا |
| 157 | عبد المجید حسرت | ۶۔ پنجرہ |
| 158 | جان ڈن | ۷۔ کفن دفن |
| 161 | حامد عبدالروف قریشی | ۸۔ اللہ ہی اللہ |

163	ادریس احمد	۹۔ بے کار نیمہ اے
165	شکیلہ عزیززادہ	۱۰۔ نہیں
167	جوتی کماری	۱۱۔ فکر
168	میر خوشحال احمد	۱۲۔ ندامت
171	راشد حسین راشد	۱۳۔ اسراں
172	محمد یاسین	۱۴۔ عام نیمہ رہن دتا
173	سینکھی تو گے	۱۵۔ چا پانی نظم
174	محمد مقبول ساحل	۱۶۔ گیت



پہلی گل

الحمد للہ شیرازہ پہاڑی آج اپنے 42 ویں پڑاء اُپر پہنچ چکیا نا اے۔ اس موقعے ور ایہہ گل لازم بنی اے کہ اسیں اپنے چار دہاکیاں نے سفر اُپر اک چھوہانی جیئی نظر ماراں تہ اپنا محاسبہ کرن نی کوشش وی کراں۔

آج تھیں چار دہا کے پہلاں ریاستی کلچرل اکادمی نے اندراک یک نفری شعبہ قائم ہو یا تہ محترم کریم اللہ قریشی ہوراں نی دیکھ رکھنچ پہاڑی زبان نی نشر و اشاعت نا سلسلہ شروع ہو یا۔ ایہہ اوہ دور سی کہ اُس ویلے اُساں کول تخلیق و تحقیق نا سلسلہ سروں ہی نا پوسی۔ اُس ویلے کجھ سر پھرے عاشق اگے بدھے ہور اُنہاں اس سلسلے نی دسم اللہ کیتی۔

محترم قریشی ہوراں جیہڑے اک بیوں محنتی تہ جفاکش انسان ہین اپنی محنت تہ لگن نال چھ ماہی شیرازہ کڈھنا شروع کیتا۔ اک ایتھجی صورت حال بنچ کہ تِساں نے ہتھ بنچ کجھ وی نیہہ تہ نہ ہی تِساں نے آس پاس کوئی ایسا حلقہ موجود ہووے جیہڑا تِساں نامد و معاون ہوئی سکے اُس ویلے تِسیں اک عزم ہور حوصلے نال اگے بدھنے نا حوصلہ کرو تہ یقیناً رستے اپنے آپ پدھرے ہونا شروع ہوئی جانیں۔ کریم اللہ قریشی ہوراں نال اگے جانی جناب ظفر اقبال منہاس جڑے تہ ایہہ جوڑی ہور بڑے جوش جذبے نال اگے بدھی۔ جدوں سیکشن نی باگ ڈور پورے طور اُپر ظفر صاحب سمہالی تہ اُنہاں اس

تحریک کی اک نویس تہ انوکھے انداز بچ عوامی حلقیاں بچ متعارف کرا لیا۔ ایہہ اوہ دور سی کہ جس دور بچ نو جوان تہ تازہ دم لکھاڑی پہاڑی ادبی تحریک ناہصہ بننا شروع ہوئے۔ ایہہ اک انقلاب آفرین تہ سُنہرہ دور سی۔ اِس دور بچ پہاڑی سیکشن نے اندر ٹیم سپرٹ (Team Spirit) نا اک نرالا انداز پیدا ہو یا تہ اُج تکر ماشاء اللہ موجوداے۔

ویلے نے پھیر پرت آنے جانے رہنیں ورا ایہہ پھیر پرت اپنے نال نال بہوں کجھ بدلی وی چھوڑ مین۔ 90 نے دہاکے بچ اک بڑا انقلاب موبائل فون نی صورت بچ باندھے آیا۔ ہولیاں ہولیاں اِس جادوئی ڈبی نے اندر اتنا کجھ آئی گیا کہ پورا معاشرہ عالمی سطح اُپر اِس نے جادو بچ گرفتار ہوئی گیا۔ اِس ایہہ گل بخوبی جاننے آں جے ہر چیز نے اپنے فائدے وی ہو مین تہ نقصان وی۔ ایہی کجھ اِس جادوئی ڈبی نال وی جُویا سی۔ اِس نے بے شمار فائدے وی اَساں ڈٹھے تہ بے شمار نقصان وی برداشت کرنے پئے۔ اِس ناسب تھیں بڑا نقصان ایہہ ہو یا کہ معاشرے تھیں کتاب کلچر ختم ہونا شروع ہو یا ہور تحقیق تہ تخلیق نے سلسلے اُپر روک جیئی لگنا شروع ہوئی، خاص طور اُپر نو جوان نسل اِس نا شکار ہوئی تہ اِس نے واضح ثبوت موجود ہین۔

دُنیا نے اک عالمی گراں بننے نال بہوں ساریاں سہولتاں دستیاب تہ ہو یاں مگر اس نا اک ماڑا اثر مقامی زباناں تہ ثقافت اُپر پین لگا۔ زباناں کی ہون والے نقصان بچوں اک بڑا نقصان ایہہ ہو یا جے نو جوان اپنے اپنے رسم الخط تھیں دُور ہونے شروع ہوئی گئے ہو ر اُنہاں عمومی طور اُپر Roman بچ لکھنا شروع کیتا۔ ایہہ اک ہنگامی تہ خوفناک صورت ہے۔ رسم الخط اپنے نال اک خاص ثقافت تہ کلچر کی جوڑنا وی اے تہ ٹورنا وی اے۔ ور کدے ایہی صورت حال قائم رہی تاں بلیہار ہی اک خوفناک صورت حال نا اَساں کی سامنا کرنا پئیسی گا (اللہ بچائے)۔

نویں نسل اپنی ماء بولی تہ اپنے کلچر تھیں دُور ہونا شروع ہوئی چکی اے تہ اِس نا
 سِدّھا اثر اُساں نیاں زباناں اُپر محسوس کیتا جارہیا اے۔ زباناں نے حوالے نال ہونے
 والے اک عالمی سروے پنج اِس گل نا اعتراف کیتا گیا اے کہ ہر روز کہنوں کہنٹ اک
 زبان اِس دُنیا تھیں غائب ہوئی ریہی اے تہ اُساں کی اُس دِن تھیں ڈری تہ رہنا چاہی نا
 کہ جس دِن اِس لسٹ پنج خُدا نہ کرے اُساں فی ماء بولی وی شامل ہوئی جاسی۔ ایہہ گل
 غور طلب اے تہ آؤ ذرا سر جوڑی تہ بھواں تہ کجھ سوچ و چار کراں۔

ڈاکٹر مرزا فاروق انوار

کنال روڈ، جموں

۲۱ نومبر ۲۰۲۰ء



.....میاں کریم اللہ قریشی 

رشید اں دی جوڑی

پہاڑی لفظ ”رشید اں“ واماخذ ”رشید“ ہے تہ ”رشید“ اللہ رب العزت و اصفاتی ناں ہے۔ رشید دے لغوی معنی ہدایت یافتہ ہو رسدھی راہ دہسنے والا ہے۔ ماہڑے خیال پنج ماہڑے نالوٹساں کو بھی لفظ ”رشید اں“ دے اس طلسم داہر تہیان نہ گیا ہوسی جے ”رشید اں“ پہاڑی پنج واحد بھی ہے تہ جمع بھی۔ ماہڑے نالوٹساں اتہیان یقیناً اُس پاسے بھی نہ گیا ہوسی جے واحد کرنے استعمال ہوندے تہ جمع کسراں استعمال ہوندا ہے۔ ”رشید اں“ کو جدوں اسیں واحد دے صیغے پنج استعمال کراں تہ اسدا مطلب اوہ بچی یا گدري ہے جسدا ناں ”رشید اں“ ہے۔ رشید اں کو کدے اسیں جملے پنج استعمال کراں تہ اسیں آکھ سکدے ہاں جے ”رشداں بڑی سگوتھی“ ہے، رشید اں بڑی سلکھنی بچی ہے، رشید اں اُچی بچی دی کڑی ہے تہ کدے اسیں ”رشید اں“ کو جمع دے صیغے پنج استعمال کراں تہ اسدا مطلب ہے دو رشید یا دوواں تھیں زیادہ رشید۔ کدے جملے پنج استعمال کراں تہ آکھ سکدے ہاں ”رشید اں دیاں عیدیاں ساہنجھیاں ہوندیاں ہین، رشید اں دی ٹور دورو سیانے گیندی ہے، رشید اں دی گلوکاری دیاں ساری ریاست پنج تہماں پیاں دیاں ہین“ تہ اندازے تے انسان اتھے توڑیں اگے لنگھ کے گل کردا ہے جے ”یا اللہ رشید اں دی جوڑی کو بُری نظری تھیں بچائیں“ پر میں سخت

حیران ہاں جے رشیداں دی جوڑی کو نظر لائے دی ماہری کوشش ساری زندگی کامیاب نہ ہو سکی تہ ہُن اُکھیاں دی نظری تھیں دور اتھے مظفر آبادے تھیں دِلے دیاں اُکھیاں نال نظر لائے دی کوشش بچ ہاں پر اُمید نیہہ جے ہُن بھی لگے کیتاں جے ریاست جموں کشمیر دے ہزاراں پہنیں پُہر اُنہاں کو نظری تھیں بچائے واسطے دُعائیاں کر دے ہین۔

ریاست جموں کشمیر دیاں پہاڑیاں خاص کر کرناہ دیاں بھناں کو رشیداں دی جوڑی دا تعارف کرالنا ”کُہر وں آواں میں تہ سنیہا دیویں تُوں“ والی گل ہوگیسی کیتاں جے ”اوہ کیہڑی گلی جتھے پہنا بونیہہ کھلی“ دے مصداق ریاست داوہ کوئی پہاڑی پہنیں پُہر اُنہیہہ جسدیاں اُکھیاں رشیداں دی جوڑی کو دکھ کے رجیاں ہوون یا جسدیاں کتاں اندیاں بناں دیاں رُکھاں کو بھی روالنے والیاں گیتاں دے واز نہ پئے ہوون پر کدے میں رشیداں دی جوڑی دے بارے بچ کجھ دہسے بغیر اُگے لنگھ گیاں تہ اوہ نویں نسل نال بددیانتی ہوسی ہور بددیانتاں کو اللہ کدے معاف نیہہ کردا۔ اللہ تعالیٰ اُساں ساریاں کو بددیانتی تھیں بچاوے۔

ریاست جموں کشمیر بچ میں سینکڑیاں رشید ڈٹھے۔ ہکی گراں تہ ہکی بستی بچ ڈٹھے پر رشیداں دی جوڑی جیہڑی راجا کرن دے صدر مقام ”کرانویں“ دے مُنڈھ کرناہ دے مرکزی گراں ”کھاوہ پارے“ بچ پیدا ہوئی اوہ ازلو اللہ تعالیٰ کھاوہ پارے ہی دی قسمتی بچ رکھی دی آسی جس تے سارا کرناہ فخر کردا ہے۔ اللہ تعالیٰ کرناہ دا ایہہ مان سدو قائم رکھے۔ رشیداں دی جوڑی بچ جیہڑے دور رشید شامل ہین اُنہاں بچو ہک رشید قریشی ہے تہ دُوار رشید لون ہے۔ رشید قریشی کھاوہ پارے دے اپنے وقت دی معروف تہ انتہائی معزز شخصیت محمد حسین قریشی صاحب دے فرزند ہین جد کہ رشید لون کھاوہ پارے دے لون خاندان دے سرپرست عبدالرحیم لون صاحب دے فرزند ہین۔

رشیداں دی اس خصوصی جوڑی دے درمیان اتفاقات دی ہک لمی فہرست ہے۔ پہلا اتفاق ایہہ ہے جے دوئی کھا اور پارے دے گراں بچ پیدا ہوئے۔ دُوا اتفاق ایہہ ہے جے دوئی ہانی ہین۔ تریا اتفاق ایہہ ہے جے دوئے شعری ہور نثری ذوق دے مالک ہین۔ چوتھا اتفاق ایہہ ہے جے دُواں کرناہ دے ابتدائی ہور تاریخی ہائی سکول ”کنڈیاں“ تھیں میٹرک پاس کیتی، پنجماں اتفاق ایہہ ہے دوئے جوانی دی شیڈی تے چڑھے تھیں پہلیاں ہی پدري شفقت تھیں محروم ہو گئے۔ اُن دے اتفاقات دی فہرست دے درمیان سب تھیں اہم ہور بڑا اتفاق دھسا اچلاں اوہ ایہہ ہے رشیداں دی جوڑی سُن ۱۹۷۰ء دی دھائی دی ابتدا ہی بچ اپنی ماء بولی ”پھاڑی“ دی ترقی واسطے کرناہ تھیں اوڑی تکر جیہڑی تحریک شروع کیتی وقت سُن ثابت کیتا جے محمد نور اللہ قریشی ہوراں دی زیر قیادت ”آل جموں و کشمیر پھاڑی کلچرل اینڈ ویلفیئر فورم“ دی تحریک دی کامیابی بچ اسدا ہک اہم ہور تاریخی رول ہے ہور مستقبل دادیہ نہہ اس حقیقت کو بیان کرنے بغیر آگے نیہہ بدھ سکدا۔ اوہ دور پھاڑی دے ذوق و شوق ہور قربانی دے جذبے دا دور آسا، اُس دور دے ہر دن ہر رات ہور ہر کردار تے الگ ہک ہک کتاب لکھی جل سکدی ہے پر اتھے اتنا ذکر کرے بغیر آگے لنگھ گینا بدیانتی ہوسی جے اُس ویلے جتھے کرناہ دے ”بڑے غلام علی خان“ جناب عالم قریشی ہوراں دی سرپرستی بچ مایہ ناز موسی کار تہ گلوکار جناب مقبول خان چک جنہاں مخلص مُجباں دے عملی تعاون سُن رشیداں دی جوڑی دا حوصلہ بدھایا اتھے کرناہ دے صاحب نظر معززین دی بھی عملی خاص کراخلاقی حمایت تہ مدد رشیداں دی جوڑی دا اہم سرمایہ ثابت ہوئی۔ ایہی اوہ اخلاقی حمایت آسی جس سُن محمد نور اللہ قریشی ہوراں کو بھی منزل تے پہچے توڑیں سدھا کھلیا رکھیا۔ پھاڑی زبان دی ترقی دی تحریک کو صحیح ہور جائز تسلیم کرنے والیاں ہور

اسدی اخلاقی ہور عملی حمایت کرنے والیاں ہستیاں پنج قاضی غلام حیدر صاحب مرحوم جناب سیف علی خان سیٹھی مرحوم، جناب نور احمد قریشی مرحوم تہ شاعر کرناہ (عزیز خان صاحب مرحوم) دے بڑے فرزند رفیق خان صاحب مرحوم شامل ہین۔ ۱۹۷۰ء دی دھائی پنج رشیداں دی جوڑی نال گورے دے لحات کو چالی، پنجتالی سال گزر گئے ہین پر اہجاں لگدا ہے جے کل دی گل ہے پر ماہڑا خیال ہے مٹو ایہہ ساریاں گلاں رشیداں دی جوڑی تھیں دورہ کے فراقے دی تنگی سن یاد رکھالیاں دیاں ہین۔ دلاں دے پھیت اللہ ہی جان دا ہے پر مٹو مید ہے جے کجھ گلاں رشیداں دی جوڑی کو بھی یاد ہون تہ کدے واقعی ہی انہاں کو ماہڑا نال ٹرنا یاد ہے تاں مٹو اپنی خوش بختی تے فخر کرے پنج کوئی ہرج نبیہ۔

اللہ تعالیٰ سیف علی صاحب ہوراں کو جتناں پنج جاء دیوے ہک واری دی گل ہے اُندی سر پرستی پنج کرناہ کچل کلب دیاں فنکاراں دا گروپ جس پنج جناب عالم قریشی، رشید لون، رشید قریشی، مقبول خان کھاوہ پارے دے غلام نبی (نبی) تہ جناب قاضی عبد الحمید ہور میں (میاں کریم اللہ قریشی) شامل آسیاں۔ ثقافتی دورے تے اوڑی پہچیاں جتھے غلام نبی صاحب (نیپے) قاضی عبد الحمید صاحب دی شان پنج کجھ گستاخی کر چھوڑی جس تو قاضی صاحب کو سخت دکھ لگا ہور اُنڈیاں اکھیاں پنج اتھروں آگئے۔ جناب سیف علی خان صاحب ہوراں ایہہ دکھے بغیر جے اس کول کوئی کراہیہ پہاڑہ ہے یا نہ غلام نبی کو سخت بے عزت کر کے واپس پہنچ چھوڑیا۔ رشیداں دی جوڑی ہور آساں ساریاں کو اس اعلیٰ کردار ہور قوت فیصلہ رکھنے والیاں شخصیتاں دی سر پرستی حاصل رہی ہے۔

گلے پنجو گل نکلی تہ خاصہ آگے نکل گئیاں رشیداں دی جوڑی دے درمیان چھیمی اتفاقی گل ایہہ ہے جے دوئے آگے کچھ محکمہ تعلیم پنج مدرس پھرتی ہوئے ہور باعزت طور تے ملازمت دی مدت پوری کر کے نالو نال ریٹائر ہوئے۔ اندی سستی اتفاقی

کیفیت ایہہ ہے جے کہیں دوئے نال ایہجے اوکھے تہ ننگے مذاخ کرن جے سُننے والے کو انگلیاں دنداں تلے دینیاں پیندیاں ہین۔ ایہہ کوئی پنج چھ تہیاڑے ہو گئے میں اتھو مظفر آباد واپس پہنچے زراعت افسر ظہور لون کو واٹس ایپ تے کال کر کے آکھیا جے مگو رشید قریشی تہ رشید لون صاحب نال کانفرنس کال ملا دے ماہڑے واسطے دوئے آکھیاں دی لوء ہور حد درجہ احترام دے قابل ہین پر جود و دوئی ویڈیو کال دے ذریعے ماہڑے سامنے آئے تہ رشید لون صاحب ہوراں جیاں سرے تے سوئے دی سٹ کڈھ ماری جے ”تساں ایہہ کُتی چیز کُتھو پکڑ آندی۔“ اُس ویلے ماہڑا جیاں ساہ بند ہو گیا پر حقیقت ایہہ ہے جے دُکھاں دی اِس دُنیا پُچھتے خوشی انساناں نال ورس گئی دی ہے رشیداں دی جوڑی دی گفتگو دا ایہہ انداز زندگی جینے دی بہترین علامت ہی نیہہ بلکہ بہترین ہور تقلید دے قابل مثال ہے۔ گل خاصی لمی ہو گئی مگو قاری دی بوریت دا احساس ہے پر رشیداں دی جوڑی دے درمیان ہک ہور نایاب اتفاقی کیفیت جس تے ماہڑے سمیت اندے سارے سنگی ساری عمر سڑ دے پہنچدے رہے ایہہ ہے جے رشیداں دی جوڑی کدے کسے کُہلائی تہ لسی ڈاہڈی ہوندیاں نیہہ دُکھی کدے اسیں حقیقت تھیں نظراں فیر کے اِس حقیقت کو محض اتفاق سمجھاں تہ بددیانتی ہوسی۔ مگدی گل ایہہ ہے جے ایہہ رشیداں دی جوڑی دی اِس مزاجی عظمت ہور فارسی اصطلاح پنچ ”غفو در گور“ دے جذبے دا نتیجہ ہے ایہہ نکلیاں تھیں کہن کے بڑھیمے کو پُچھنے تکر کدے نیہہ کُہلے ہور ایہہ نہ صرف قریشی ہور لون خاندان دی نویں پود و واسطے ہک سبق ہے بلکہ ریاست جموں کشمیر دیاں ساریاں پہاڑی نو جوانان کو اپنے آپے کو رشیداں دی جوڑی دے اِس خصوصی رنگ پنچ رنگا چا ہیدا ہے۔

رشیداں دی جوڑی نال مگو اپنی نکلوی عمری دی جیہڑی پہلی ملاقات یاد ہے اوہ

ایہہ ہے جے اُسدے کھر ”کچاڑیاں“ کوئی بیاہ شادی دا پروگرام آسا گویاں گیتاں
بولدیاں آساں۔ رشید قریشی صاحب سُن رشید لون صاحب سمیت ہک گیت گائی
جسدے بول ایہہ آسے۔

اُنکے دی گلی دا سوداگر آیا

پونچھے دی گلی دا پاری آیا

چُن چُن چھینٹاں میں مل اوچکیدی آں

بیرے دے بوہے اگے چانن لایا!!

اس گیت بچ صرف رشید قریشی صاحب ہی داواز سُنے گیندا آسا جس بچ جادو دا
جیاں اثر آسا۔ رشید لون صاحب دے مونہوں نکلی عمری اپنے کھر کچاڑیاں جیہڑی
پہاڑی لوک گیت سُنی اُسدے بول ایہہ ہین۔

کس وے کھڑائیاں توہڑیاں کتاں دیاں بالیاں

کس وے کھڑایا توہڑا ہار وے

بابل کھڑائیاں ماہڑیاں کتاں دیاں بالیاں!!

بیرے وے کھڑایا ماہڑا ہار وے

مکو لگدے کے رشیداں دی جوڑی دیاں دلاں دے پہیت سمندر تھیں بھی
ڈھنگے بین رکیاں جے پنچی، تری سال تکر ایہہ سمجھدار ہیاں جے پہاڑی دا پہلا ڈرامہ
”کریم“ رشید قریشی صاحب ہوراں لکھیا بلکہ میں ”پہاڑی ہور اُر دو ایک ثقاہلی
جائزہ“ دے عنوان تے پنے ایم فل اُر دو دے تحقیقی مقالے بچ بھی ایہی گل لکھی ہے
پرہن پتہ لگا جے ”کریم“ رشید لون صاحب دی تخلیق ہے۔ اس تھیں انہاں دونواں
رشیداں دا ہکی دوئے دی چندتہ جان ہونے دا پتہ لگدا ہے۔

رشید قریشی صاحب دے سُریلے دازے بچ ماہڑی پہاڑی توالی سُن رار پار
 تہماں باہیاں جسدا طرحی مصرعہ ”اکھ مستانی یاردی“، مکو رشید قریشی صاحب ہوراں ہی
 دتا آسا اسدا اعتراف میں اپنے تحقیقی مقالے بچ بھی کر کے حق دی ادائیگی دی کوشش
 کیتی ہے تہ اسی طراں اُنہاں ماہڑی پہاڑی شاعری دی کتاب ”پہنگ“ بچ شامل
 گیت ”نکی نکی لوئی توں بول کاگا گا کے ماہڑی عزت بدھائی ہے تہ اس تھیں بھی
 چار قدم اگے تحقیقی مقالیاں دے مجموعے تے مشتمل اپنی کتاب ”لکھتاں پیاردیاں“
 دے سرنانویں بچ جناب نور احمد قریشی صاحب تہ جناب عالم قریشی صاحب ہوراں
 دے ناں نال آساں دونواں پُہر انواں دے ناں شامل کر کے جس قلبی روحانی تہ خوشی
 رشتے دا اعتراف کیتے اوہ آساں خاص کر کے ماہڑے واسطے ہک بڑا اعزاز ہے۔

رشیداں دی جوڑی نال گزرے دے تہیاڑے تہ اُنہاں تہیاڑیاں دیاں
 یاداں ماہڑی زندگی دا خوبصورت سرمایہ ہن ہور ٹہا کے دا کہا ہن۔ کدے سال بھی
 لکھتا رہواں تہ ممکن نیہہ لکیاں۔ رشیداں دی جوڑی پیارے عالم قریشی صاحب تہ
 مقبول خان صاب دی رفاقت بچ جموں کشمیر کلچرل اکیڈمی سرینگر بچ پہاڑی شعبے دے
 قیام دے بعد ماہڑے آکھے تے قومی جذبے دے تحت معمولی اجرت تے ضلع سرینگر
 تہ آنت ناگ (اسلام آباد) دیاں دور دراز پہاڑی علاقیاں ”پہلگام، رکھ براہ، ہاپت
 ناڑ تہ داراناگ بل تکر پیدل ٹر کے پُچدی رہی۔ ہاپت ناڑ تحصیل پہلگام بچ پہاڑی دے
 ہکی متوالے موج الدین (ہُن مرحوم) دے کُہر جناب عالم قریشی، جناب عبدالرشید
 قریشی، جناب عبدالرشید لون تہ جناب مقبول خان ہوراں موج الدین صاحب دیاں
 نوںہاں تہیاں (اکیلیاں پہاڑناں) سمیت گُفتاں تھیں لوء ہوندیاں تکر پہاڑی لوک
 گیتاں دا جیہڑا رنگ جمایا اوہ مکو تہ مردیاں تکر یاد ہی رہسی پر عالم قریشی صاحب تہ

مقبول خان صاحب ہو ریں بھی مردیاں تکر نہ پہلے ہوسن تہ نہ ہی رشیداں دی جوڑی
اوہ محفل کدے پھیل سکدی ہے۔

”رِزقے دے کم ڈاہڈے بیڑے پٹے ہزاراں دے“ دے مصداق رِزقے
دی چھک مگو اپریل ۱۹۸۷ء بمظفر آباد کہن آئی تہ اُساں کو لہناں پچھوڑا پئے
گیا۔ ۲۰۰۰ء دی دھائی بچ رشیداں دی جوڑی مختصر دورے تے مظفر آباد آئی تہ میں
راولپنڈی تھیں اُنہاں کول مظفر آباد پچیاں۔ دیگری تھیں سوتے ویلے توڑیں اپنے کبر
منظر آباد اُنہاں نال گزریاں دیاں اوہ ساعتاں بھی ماہریاں حسین یاداں بچ شامل
ہین۔ ۲۰۱۸ء بچ جدوں اسیں دوئی پہر مختصر وقت واسطے کرناہ آیاں تہ اُنہاں بجاں
نال بتریاں ۲۳ سالان بچ دوئی ملاقات ہوئی۔ اس دوران رشیداں دی پیاری جوڑی
دی رفاقت بچ جناب نور احمد قریشی صاحب مرحوم (نور احمد پہاچی) دی قبر تے حاضری
نصیب ہوئی۔ ۲۴ اگست کو ٹنڈلہار دے ڈاک بنگلے بچ رشیداں دی جوڑی دی خصوصی
توجہ نال کرناہ کلچرل کلب دے طرفوں اسدے اعزاز بچ ہک خوبصورت استقبال
پر وگرام منعقد ہو یا جسدی صدارت ایم ایل اے وقت راجا منظور احمد خان ہوراں کمیٹی
جد کہ سابق ایم ایل اے کرناہ جناب کفیل الرحمن تہ کرناہ دی معمر ترین خوش بخت
شخصیت جناب اختر علی خان صاحب خصوصی مزماناں دی حیثیت بچ شریک
ہوئے۔ ڈاک بنگلے دے آنگن بچ منعقد ہونے والے اس نمائندہ اجلاس بچ کرناہ
دے معززین، دانشور ہور ادیب تہ شاعراں دے علاوہ نوجوان سیکڑیاں دی تعداد بچ
شریک ہوئے۔ سٹیج سیکڑی دے فرائض نعیم کرناہی صاحب ہوراں انجام دتے،
اسدیاں کرناہی مہجاں تہ بجاں اُساں نال گزریاں دیاں تہیاڑیاں دیاں یاداں نویں
سرے تازیاں کر کے محفل بچ اوہ ہجاء رنگ جمایا جے رُہوے نام سائیں دا۔

رشیداں دی جوڑی اپنے مخصوص انداز پنچ اُساں تے محبتاں دے اوہ پھل
 سٹے جند ابیان مشکل ہے۔ صرف ایہی نہ بلکہ کلچرل کلب کرناہ دے طرفوں خوبصورت
 کشمیری شالاں دی صورت پنچ خلعت فاخرہ تھیں بھی نوازیہ ہور جناب رشید قریشی
 ہوراں اس تھیں علاوہ اُساں دونواں پہر انواں کو خوبصورت تہ قیمتی سوتاں دے تھے
 بھی دتے۔ مختصر ایہہ جے رشیداں دی جوڑی سُن شاید ایہہ سمجھ کے جے ہوسکدا ہے
 ایہہ آخری ملاات ہووے رنج کے حُسد بنڈیاں۔ سٹنج سیکریڈی لیم کرناہی ہر وقفے
 دے دوران اُساں تے محبت دے پھل سدے رہے تہ جناب حیدر ندیم ہوراں
 اُساں خاص کر ماہڑے تے تحقیقی مقالے دی صورت پنچ جیہڑی تفصیلی گل کیتی اوہ بھی
 ماہڑیاں نہ پھلنے والیاں یاداں پنچو ہک یاد ہے۔ صرف ایہی نہ بلکہ ندیم صاحب ہوراں
 اُسدے کرناہ دے دورے ہور اس خصوصی اجلاس تے اُردو ہور پہاڑی پنچ تفصیلی
 مضمون لکھے جیہڑے سرینگر دے روزنامہ ”کشمیر عظمیٰ“ تہ زیر قریشی دے پہاڑی ہفت
 روزہ وائیس آف ہلز پنچ چھپے۔ میں (میاں کریم اللہ قریشی) اپنی تقریر دے آخر تے
 اپنی ایہہ غزل نما نظم ”اج یاد پرانی آئی ہے“ تہ ”جس اگ کلیجہ لائی ہے“ قربان طیبیا
 سونہیاں تہ آج سینے پنچ سگی لائی ہے۔ پڑھی تہ کنیں لوک اپنے اتھروں نہ ڈک
 سکے۔ اللہ جانے رشیداں دی جوڑی دے عنوان تے ماہڑیاں ایہہ گلاں کوئی پڑھسی
 بھی جے نہ پڑھسی پر میں کرناہ دیاں انہاں دونواں معزز شخصیاتاں (رشیداں دی
 جوڑی) تے اپنا نظریہ پیش کر کے خوشی محسوس کرداں۔





راج بائی

راجوری فی تاریخ نے ڈانڈے پنج ہزار سال پہلے ملنے ہیں۔ تاریخ نے ہر دور
تہ ہر حال وچ اُتھوں نے بانکے تہ بہادران تاریخ کی اپنے اپنے خون سنگ رقم کیتا
ہے۔ مہابھارت تہ دو جیاں ہندو کتاباں نے موجب راجوری تہ پونچھ نے علاقے کی
پانڈواں نے دور وچ پانچال دلش آکھیا جانا سا۔ مہابھارت فی جنگ عظیم ویلے
اُتھوں ناناں پانچال دلش ساتھ تھے نے درجے کی پانچال نریش آکھنے سن جس فی تہی
ناناں پانچالی سا۔ پانچالی نابیاہ ارجن پاوڈ نال ہو یا سا۔ ارجن پاوڈ و نے جنگی اُستاد
ناناں دراو ن سا جس نے ناں ور علاقہ راجوری وچ دراو قبائل آبار ہوئے ۳۲۵ء ق م
وچ جدوں سکندر نے ہندوستان ور حملہ کیتا اُس ویلے علاقہ راجوری نے دراو تہ پونچھ
نے ابھیسار ساری نہایت جنگو تے مڑدی بڑدی آلے قبائل منے جانے سن جنہاں نا
مقابلہ کرنے ویلے سکندرنیاں فوجاں وی چمکدیاں سن ۶۶۳ء وچ جدوں ہیون سانگ
کشمیر تھیں ہندوستان دار جانے ہوئے راجوری وی آئے سن اُنہاں اُتھوں نے
لوکاں کی جرات مند لکھیا ہے۔ اٹھویں صدی عیسوی وچ راجوری ور ہندو کھش قبیلے نا
غلبہ سا جنہاں نا مرکز علاقہ بدھل منیا گیا ہے۔ ۹۸۰ء نے کول کال راجہ پر تھوی پال نے
راجوری ریاست فی بنیاد رکھی تہ اس کی بکھر لا تشخص عطا کیتا پال خاندان نے ۱۱۹۲ء

توڑیں راجوری و حکومت کیتی۔ ۱۱۹۲ء وچ کلانور پنجاب تھیں آئے نے ہک نو مسلم راجہ نور الدین عرف نیل سینہ نے پال خاندان ناتختہ پٹی اپنی حکومت قائم کیتی جیہڑی جرال خاندان نی حکومت نے ناں نال مشہور ہوئی۔ جرال خاندان نے ست سوسال توڑیں یعنی ۱۱۹۲ء تھیں یعنی ۱۸۴۶ء توڑیں ریاست راجوری ہو رہی درپہڑی حکومت کیتی، جرال خاندان نے عہد وچ ہی کشمیر وچ افغاناں کی شکست ہوئی تہ مغل دور قائم ہويا۔ اس دور وچ جدوں راجوری و راج تاج الدین عرف چتر سینہ (۶۰۴ تا ۱۶۴۸) تاج ساتاں شہنشاہ جہانگیر۔ شہنشاہ شاہجہاں تہ شہنشاہ اورنگ زیب نے کنیں وار کشمیر جانے ہوئے راجوری ڈیرے لائے تہ اتھے گہما گہمیاں پیاں رہیا۔

تاریخ راجگان راجور نے مصنف مرزا ظفر اللہ لکھنوی ناکہ اُس زمانے وچ راجگان راجوری وچ دختر کشی نی روایت جاری سی۔ راجہ تہ اُس نے نزدیکی رشتہ داراں نے کمر جیہڑی وی پکی جمنی سی اُس کی ماری دتا جانا سا۔ کیاں جے راجوری نے جرال راجپوت دو جے خاندان وچ تھی نارشتہ نیہہ سن دینے۔ راجہ تاج الدین عرف چتر سینہ دل تھیں اس رواج نے خلاف سن۔ اس واسطے جدوں انہاں کمر گڑی جی تاں راجہ نے کمر خاندان نی رسم نے مطابق اُس کی مارنے واسطے صلاح سوتر ہون لگا و راجہ تاج الدین ہوراں آکھیا کہ کڑی مارنے تھیں پہلاں مگی اپنے پیر مرشد حضرت شاہ دولہ سنگ مشورہ کرن دیو۔ پیر شادولہ کی جدوں پتہ چلیا کہ راجہ نے کمر تھی جی اے تاں انہاں فال پالی کیہہ ہدایت کیتی کہ ایہہ لڑکی بڑی خوش نصیب ہے اُس نے بطن بچوں شہنشاہ تہ بادشاہ پیدا ہوسن گے۔ اس واسطے کڑی کی مارنا بہت پہنارہ گناہ ہوسی گا۔

بلکہ اس بچی نی حفاظت کیتی جائے تہ لاڈاں سنگ پالیا جائے اس راہ مرشدنا حکم منی راجہ تاج الدین نے بچی نی جنگلی طراں پرورش کرنی شروع کری دتی تہ اُس بچی

ناناں راج بانی تجویز ہو یا۔ بچی ناناں رکھی راجہ پورے خاندان نال اپنے مُرشد کی ملنے واسطے گجرات چلے گئے راجہ کنیں تہیاڑے مُرشد نے کُہر رہیا تہ اپنی تھی راج بانی کی اُنہاں نی چھو لی وِج پالی دتا۔ پیر صاحب ہوراں گنوی کی چُمنے ہوئے آکھیا کہ ایہہ دُختر اختر شاہواں نامال ہے اِس تھیں کنیں بادشاہ تولید ہوسن گئے۔ کرنے کرنے دن تہیاڑے لنگے رہے راج بانی جوان ہوئی گئی۔ اِسے دوران ۱۶۴۴ء وِج ہندوستان نا مغل شہنشاہ شاہجہاں اپنے صاحب زادے اورنگ زیب سنگ کشمیر نے دورے ور چڑھے تہ شاہی کاروان راجوری بچی کے گجھ تہیاڑے بسہو لگا۔ راجہ تاج الدین نے نذرند رانے پیش کیے تہ نہایت اعلیٰ قسم نا انتظام کیتا جس ور شہنشاہ شاہجہاں بہوں خوش ہو یا تہ شہنشاہ اتنا متاثر ہو یا کہ اُس راجوری نے راجے سنگ اپنا رشتہ جوڑنے نا فیصلہ کری لیا اُس ویلے اورنگ زیب اُنہاں نے نال سا۔ شہزادہ پہانویں بیاہیا نا سا ۱۶۳۶ء اُس نا بیاہ بڑے ٹھول ٹہما کے نال ہو یا سا۔ اِس نے باوجود شہنشاہ شاہجہاں نے راجہ تاج الدین کی آکھیا کہ اوہ اپنی تھی نارشتہ اورنگ زیب لے دے۔ شہنشاہ نا حکم راجے کر متھے ور قبول کیتا۔ اُس ویلے تاریخ نکاح شہزادہ مقرر ہوئی تہ راج بانی نا نکاح شہزادہ اورنگ زیب سنگ پڑھایا گیا۔ مرزا ظفر اللہ لکھنے ہین کہ اُنہاں نے خاندان وِج ایہہ گل مشہور ہے کہ شہزادہ اورنگ زیب شاہی کاروان نالوں نکھڑی کہ راجوری نے شہر وِج راجہ تاج الدین ہوراں نے محل وِج آئے تہ جرال خاندان نیاں ساریاں رسوماں ادا کرنے

۱۔ راجوری نے اندر روایت اے کہ شاہجہاں ایہہ رشتہ اپنے واسطے منگیاسی تہ راجہ تاج الدین عرض کیتی کہ ایہہ بچی میں حضرت شاہ دولہ ہوراں کی دتی فی اے تہ اِس نارشتہ اوہی طے کرن۔ شاہجہاں چونکہ حضرت شاہ دولہ نا عقیدت مند سی اُس سوچیا کہ حضرت شاہ دولہ ایہہ رشتہ ٹھکران نیہہ لگے۔ اُنہاں ایہہ پیغام اپنے مُرشد تکر پُچھایا۔ حضرت شاہ دولہ ہوراں فرمایا کہ ایہہ رشتہ میں اوگک زیب واسطے رکھیا ہو یا ہے تہ اسراں راج بانی نا نکاح اورنگ زیب نال پڑھایا گیا

مگروں نکاح پڑھن ہو یا۔ بعد وچ ہک عرصے توڑیں محل نے اُس حصے کی جتھے اورنگ
 زیب بیٹھے سن استعمال وچ نہ آندا گیا تہ اُس کی یادگار نے طور ور محفوظ کری لیا گیا۔
 راج بال مغل خاندان نی بیگم بنی کی راج محل بیگم نے لقب نال دہلی چلی گئی تہ اُس نے
 بطن نے شہنشاہ بہادر شاہ سلطان محمد تہ معظم شاہ پیدا ہوئے جنہاں ہندوستان نے تخت ور
 راج کیتا۔





محمد مقبول خان: ہک قومی اثاثہ

اول اللہ نوروں پایا قدرت دے سب بندے

اک ہی نور توں سب جگ اُپچیا کون پہلے کون مندے

خالق کائنات سُن انسان کو اشرف المخلوقات دا درجہ دے کے پیدا کیتا، تمام

مخلوق تھیں اُتم درجہ اسی واسطے دتا کہ ایہہ خداوند کریم دی بڑھائی کرسی۔ بچھے ہوو

بُرے دی تمیز کرسی۔ نیکی تہ بدی بچ فرق کرسی۔ خداوند تعالیٰ دی بنائی دیاں چیزاں دا

استعمال جائز طور کرسی۔ رب دیاں پہنچے دیاں پیغمبراں دی ہدایت دے مطابق زندگی

گزاری۔ بقول علامہ

فرشتوں سے بہتر ہے انسان بننا

مگر اُس میں لگتی ہے محنت زیادہ

انسان بننے واسطے بہت ساری محنت دی ضرورت ہے۔ سیانے آکھ دے ہین

”باغاں بچ اگر پھلاں نال کنڈے نہ ہوون تہ پھلاں دی نرمی دا کے احساس ہوئی۔“

انساناں بچ بھی اگر کوئی لوک بچھے نہ ہوون تہ بُریاں کو کون بُرا آکھسی۔ رنگارنگ مخلوق

دی پیدائش ہی ماہرے رب دی قدرت دی تصدیق کردی ہے۔

ہر دور بچ بچھے لوک بھی آئے چلے گئے یعنی دُنیا چھوڑ گئے بُرے بھی دُنیا چھوڑ

گئے ہچھیاں کو ہچھا ہی یاد کیستے گیندا ہے تہ بُریاں کو لوک بُرا ہی آکھدے ہین۔ اگر بے ایمان نہ ہوں تہ ایمان والے دی کے قدر ہو سی۔

مرحوم سیف علی خان سیفی ہوراں دا ہک شعر اس گلا دی صحیح عکاسی کردا ہے۔

بڑے بڑے سلطان بھی آئے

پیر پیغمبر ولی بھی آئے

اس دُنیا دی مٹی کھا گئی بڑے بڑے سردار

دُنیا تھوڑے چر دی یار

ہر دور بچ کوئی آدمی ایسا بے مثال صلاحیت والا اپنے معاشرے بچ آیا تہ فر جس ویلے دُنیا توں رخصت ہو گیا اُس معاشرے کو بچ بڑا تہ کا لگا ہو ر اُس دی کمی کو دُوا کوئی پورا نہ کر سکیا۔

دُنیا چلائے واسطے اللہ تعالیٰ انعم البدل دیندا ہے۔ اس بچ کوئی شک نہیہ۔ جموں و کشمیر بچ ضلع کپواڑہ تحصیل کرناہ دا علاقہ سرحدی علاقہ ہے۔ ایہہ کچھڑیا دا علاقہ ہے سیالے دے چھ مہینے سارے مُلک تھیں کٹ کے رہ جُلدا ہے۔ اتھا دے لوک نہایت ہی غیور تہ اصول پسند ہین۔ اس علاقے بچ صرف دوزباناں بولیاں جُلدیاں ہین یعنی دو قوماں آباد ہین۔ جنہاں کو گجرتہ پہاڑی آکھیا جُلدا ہے ہین۔ پہاڑی آبادی زیادہ ہے تہ گجرتہ آبادی کل آبادی دا ۱۵% فیصدی ہے ہے۔ ہک گراں سکھ برادری دا بھی ہے۔ جیہڑا پہاڑی زبان ہی بولدہ ہے۔ اس نکلی جی تحصیل بچ چھ لعل پیدا ہوئے۔ جنہاں پہاڑی زبان کو فروغ دتے واسطے جموں و کشمیر دیاں پہاڑیاں کو کھٹھا کرنے دا عزم کیتا۔ انہاں بچ سرفہرست جیہڑے لوک آسے اُن دے گھناں میں کہنتا بچ فخر محسوس کرداں۔ اتھا ہک پہاڑی ویلفیئر فورم دی بنیاد رکھی۔ اس فورم دے نمایاں ادا

کار۔ ایڈوکیٹ محمد نور اللہ قریشی۔ عبد الحمید خان۔ نور احمد قریشی۔ کریم اللہ قریشی سیف علی خان۔ خواجہ عرفان عارف تہ گچھ ہور سگی آسے۔ اُنڈیاں مختاں تہ کاوشاں سُن ہک پلیٹ فارم تیار کیتا۔ ادھروں ہک ہور ہیر و تیار جس سُن اپنیاں سنکیاں تہ ساتھیاں نال مل کا ہک ڈرامنک کلب دا قیام کیتا دا آسا تہ اس کار خیر یعنی ماء بولی دے باہدے واسطے فورم نال جُؤ گیا۔ اس ہیر و دانان مرحوم محمد عالم قریشی آسا۔ عالم قریشی مرحوم سُن عبدالرشید قریشی، محمد مقبول خان، شیخ غلام بنی (ریٹائریشن جج)، نصیر احمد مرچال (مرحوم)، عبدالمجید خان، ماسٹر غلام سرور میر، ماسٹر سمندر خان سمندر ناچیز عبدالرشید لون، غلام بنی چک، غلام محی الدین چک، مرحوم خورشید انور، غلام حسن ڈار، قاضی محبوب الہی، بشیر باغاتی، جہانگیر دانش، عبد الحمید خان، رحمت اللہ خان، محمد صادق خان، میر حیدر ندیم، محمد رفیع چک، غلام ربانی اعوان، راجہ غلام حیدر خان، محمد فاروق چک، محمد سلیم شیخ، محمد شریف خان وغیرہ نال مل کا اس کلب کو پہاڑی زبان دے فروغ واسطے سٹیج شودینے شروع کیتے۔

اس کلب دی بنیادی وجہ پہاڑی زبان تہ اُسدے بولے والیاں نال وقت دی حکومت دا استحصال آسا۔ گجر برادری کو وقت دی حکومت سُن مچ ساریاں مرعاتاں دتیاں جہاں پنج سکولی بچیاں کو وظیفہ تہ نوکری دی ریزرویشن ہک اہم حیثیت رکھدی ہے جیہڑی اج بھی جاری ہے۔ جدکہ پہاڑی زبان بولے والیاں کو اس تھیں محروم رکھیا گیا۔ گجراں پہاڑیاں دا جن دھینہہ دارشتہ ہے دوئے قوماں ٹرائب ہین۔ یعنی پہاڑی گجر قبائل نال تعلق رکھدے ہین۔ اندے مسائل تہ مصائب ہک ہی جے ہین۔ دوئے نکھڑے دے قبائل ہین۔ ہک ہی دیس ہے۔ ہک ہی علاقہ۔ ہک ہی جیاں مشکلاں تہ ہکی جیاء رہنا سہنا عمراں جمران تھیں چلا آ رہیا آسا۔ پہاڑی قوم دیاں

انہاں جیالیاں سُن مل کا اپنی مانگاں حکومت کولوں منگے واسطے پہاڑی ویلفیئر فورم ہک غیر سیاسی تنظیم بنائی تہ اُسی نال پہاڑی کلچرل کلب سُن پہاڑی زبان دی شناخت واسطے پہاڑیاں کولوک گیتاں تہ ڈرامیاں نال بیدار کرنا شروع کیتا۔ ایہہ سلسلہ اسی کرناہ علاقہ تُوں شروع ہویا۔ ہولیاں ہولیاں پورے جموں کشمیر دے کُوئے کُوئے پہاڑیاں کو جگالے واسطے ایہہ ٹیم فرن لگی۔ تاں جُل کے کا جموں کشمیر دے پہاڑی کھٹھے ہوئے تہ اپنی مانگ پوری کرالنے واسطے حکومت وقت کو مجبور کیتا۔ راجوری پونچھ، اوڑی، باندی پورہ، جتھا بھی گُری پہاڑی زبان بولنا والا ملیا، ایہہ کرناہ کلچرل کلب دا گُرپ اُتھا پچیا۔ شاعر کے خوب آکھیا۔

میں اکیلا ہی چلا تھا جانب منزل

لوگ آتے گئے اور کارواں بنتا گیا

کرناہ کلچرل کلب سُن ہک ڈرامہ کریمہ تیار کیتا جس پنج نمایاں کردار۔ عبدالرشید قریشی۔ مقبول خان۔ عبدالرشید لون۔ راجہ غلام حیدر خان مرحوم۔ ماسٹر محمد صادق خان دے آسے۔ محمد مقبول خان جیہڑا اس دُنیا تھیں چند ہی تہیاڑے ہوئے رخصت ہو گیا۔ اج دامقالہ اُسی دیاں یاداں کو گھنیر گھنیر کا کڈھے واسطے لکھیا جُل رہیا ہے۔ تفصیل نال اندی زندگی ہو ر خدمات بارے لکھنے دی کوشش کرساں۔ پہاڑی کلچرل کلب کرناہ دی ریڑھ دی ہڈی یعنی محمد مقبول خان مریانیمہ، ایہہ پہاڑی قوم دے دِلاں پنج ہمیشہ زندہ رہسی۔ جس طراں عالم قریشی۔ نور احمد قریشی۔ غلام ربانی اعوان راجہ غلام حیدر خان محمد لقمان راہی محمد اقبال میر سیف علی خان خواجہ عرفان عارف وغیرہ جے لوک اُج اسدے درمیان نیہہ مگر اُن دیاں یاداں اُسدے دِلاں پنج ٹھاٹھاں مار دیاں ہن۔ اس طراں مقبول خان بھی اُساں کو چھوڑ کے اپنے خالق حقیقی

نال گچھ ملے۔ جد کہ بحیثیت اداکار، گلوکار موسیقار، کھلاڑی، پولیس آفیسر یا سماجی کارکن اندے ایہہ تمام ہنر یا فن ہور کارنا مے ساری قوم ہور بالخصوص سنکیاں ساتھیاں تہ فنون، لطیفہ نال رغبت رکھنے والیاں لوکاں واسطے کسے انمول خزانے تھیں کہٹ نیہہ۔ ہک فنکار کو اُسدا فن مرن نیہہ دیندا بلکہ فنکار دی موت تھیں بعد ہی اُسدا فن اُسکو زندہ جاوید کر چھوڑ داہے۔ قریبی ساتھی ہونا دی حیثیت بچ راقم مقبول خان مرحوم دے ہر پہلو تھیں واقف ہاں۔ دورانِ ملازمت ایہہ جتھا بھی رہیا اسیں سارے اُسدے قریبی ساتھی آسیاں اُسکو ملنے واسطے اِس کول پُچیاں۔ اُس علاقے بچ مقبول خان دی پئی پئی تہ تھوم آسی۔ راقم دی ریٹائرمنٹ تے عبدالرشید سُن ہار مطابق رواج نہ کھریا دا آسا۔ جد کہ اپنی تقریر بچ ہک ایسا لفظ آکھ گیا کہ شاید ہی کوئی ہور ہمدرد آکسی۔ اُسدے بول آسے ”دُتسیں لوک آکھدے ہو سو کہ میں یعنی رشید قریشی سُن رشید لون کو ہار نیہہ بایا۔ میں بذات خود رشید لون دے گلے دا ہار ہاں تہ رشید لون ماہڑے گلے دا ہار ہے، سُننے والے حیران رہ گئے۔ بالکل مقبول خان دی مثال بھی اتہی ہے کہ اُسدے مَنواں تھیں اُسدی خوبیاں نکلیاں اپنے مَنہہ مٹھو بنے دے برابر ہین۔ جد کہ حقیقت کو چھپا بھی نہ سکدے۔ سال ۱۹۴۷ء اپریل دے مہینے بچ حاجی یاسین چک دے کُہر لونٹھے کرناہ دے گراں بچ محمد مقبول خان دا جنم ہويا۔ اِس تھیں پہلاں دو پھینیاں آسیاں۔ آکھدے ہین زیارتیاں شمر شمر کے اللہ کولوں منگ کا کہندا اپتر مقبول خان آسا۔ ایہہ جہاں ستویں جماعت بچ پڑھدا آسا تہ کُہر یلو مجبوریاں دے تحت اندی شادی کرا ل چھوڑی۔ عمری تھیں کچا تہ نا سمجھی بچ بیاہ ہو گیناں اِس واسطے کوئی معنی نہ رکھدا آسا۔ اٹھویں پاس ہوکا نویں بچ داخلہ کہندا آسا کہ پولیس دی پھرتی آئی۔ چونکہ مقبول خان خوبصورت نوجوان تہ نہایت ہی پھر تیتلا

ہونا دی وجہ نال پولیس محکمے پنج بغیر کسی وقت دے پہرتی ہو گئے۔ ایہہ سال ۱۹۶۹ء دا واقع ہے۔ محمد مقبول خان CID برانچ پنج بحیثیت سپاہی پہرتی ہو گئے۔ شروع شروع پنج ہی اس اپنی چھاپ ایسی بنائی جے بڑے بڑے آفسر اسدی وفاداری تہ لیاقت کو دکھا کہ اس نال پیار کرن لگے تہ بچھی توں بچھی جانی مقبول خان دی تعیناتی کر دے رہے۔ اپنی وفاداری تہ ڈیوٹی دا پابند ہونا دے ناطے اُچیاں اُچیاں لوکاں نال اسدا تعلق پیدا ہو گیا۔

ہزاروں منزلیں ہوں گی ہزاروں کارواں ہوں گے

یہ دُنیا ہم کو ڈھونڈے گی نہ جانے ہم کہاں ہوں گے

ایہہ محفلاں مقبول خان کو ٹھونڈن۔ ایہہ قوم ٹھونڈی۔ ایہہ برادری ٹھونڈی دوست یار ٹھونڈن مگر مقبول خان ہُن نہ تھہنسی۔ پہاڑی قوم دا ایہہ چراغ جیہڑا ہمیشہ ہمیشہ واسطے بجھ گیا۔ اس چراغ دے بجھنے نال مقبول خان اپنے احباب، دوستاں تہ یاراں دے دلاں پنج ہک دائمی انہیر پیدا کر گیا۔ اسدی موت نال ہک ایسا خلاء پیدا ہو یا جسکو پر کرنا نہایت ہی مشکل ہے۔ چند ہک خاص خاص پہلوں تے گل کر دیاں ہو یاں عرض کر ساں۔ مقبول خان بحیثیت ڈرامہ اداکار ایسا کردار آسا کہ اسدا رول کوئی دُور اساتھی نہ کر سکدا آسا۔ اسدے بولنے دا طریقہ ایکشن لہجہ ہی ایسا آسا جیہڑا دوائے کسی ساتھی پنج لہھنا مشکل ہے۔ اکثر ایہہ مزاحیہ رول نبھیندا آسا۔ اگر کسی وقت کوئی سنجیدہ کردار دی ضرورت پے جلدی آسی تہ اُتھا بھی کامیاب اداکار ثابت ہوندا۔ ہک دفعہ کریے ڈرامے پنج ہک اداکار اچانک بیمار ہو گیا اسدا رول مزاحیہ رول آسا مگر اُمید نہ آسی کہ دُور کوئی ساتھی نبھاسکسی۔ ڈرامہ سرتیگر دے ٹیگور ہال پنج پیش کرنا آسا۔ ڈرامے دے ڈائریکٹر مرحوم عالم قریشی پریشان حال کلب ممبراں داواری

واری ٹیسٹ کہندے رہے لیکن لا حاصل۔ مقبول خان کو اسی ڈرامے بچ ڈوارول
 آسا۔ جس ویلے اس کو ٹرائی دتی ایسا لگدا آسا کہ پہلا اداکار اسدے مقابلے بچ گجھ
 بھی نہ آسا۔ ساریاں کو جان بچ جان آگئی۔ ہک بہت بڑی پریشانی دور ہوگئی۔
 پہلاں تھیں بھی زیادہ کامیاب ڈرامہ ہوگیا۔ لوکاں کو جہاں پہلاں بھی کئی وار ایہہ
 ڈرامہ دکھیا آسا مزید رشک کرن لگے وجہ مقبول خان دی اداکاری آسی۔ اسی طراں
 جتنے بھی ڈرامے پہاڑی کلچرل کلب کرناہ دے اج تک پیش کیتے گئے مقبول خان دا
 رول نمایاں رہیا۔ بحیثیت گلوکار پہاڑی گیت دی خود طرز بنیندا آسا۔ گیناں دا طریقہ
 بھی منفرد آسا پہاڑی لوک گیت عبدالرشید قریشی تھیں بعد محمد مقبول خان دی آواز بچ
 ریڈیو تھیں نشر ہوئے۔ ریڈیو پروگرام ۲ اکتوبر ۱۹۸۰ء کو شروع ہو یا تہ اُس بچ مقبول
 خان دا ہک اہم کردار آسا۔ اس دی دُجو تے ہی سنگنچر ٹیون کمپوز ہوئی آسی۔ دُجو
 بجائے دا بڑا شوقین آسا ہور مرحوم نور احمد قریشی توں بعد پہاڑی لوک فنکاری دافن
 مقبول خان کول کمال دی حد دا آسا۔ اُردو غزلاں، قوالیاں بچ بھی بچھی مہارت رکھدا
 آسا۔ بڑی تھیں بڑی محفل بچ مقبول خان چھا گیندا آسا۔ جس محفل بچ مقبول خان بچ
 نہ ہوندا آسا اوہ پھکی پھکی جی لگدی آسی۔ مزاج دا عنصر اُنہاں بچ کٹ کٹ کے
 پہر یا دا آسا۔ محفل بچ ہا سے بکھیر دا تہ روندیاں کو بھی ہسنے تے مجبور کر چھوڑ دا آسا۔

مقبول خان استوں علاوہ نہایت مہمان نواز ہور خنی آدمی آسا۔ اکا دکا مزمان تہ
 روزانہ ہی اس دے کمر ہوندے آسے پہاری شعبے دی طرفوں جد بھی کوئی پروگرام کرناہ
 تحصیل بچ ہوندا آسا تہ مقبول خان دے کمر ٹھکانہ رہندا آسا۔ ریڈیو ٹی وی والیاں دی
 ٹیم بھی جد کدے ایندی آسی مقبول خان دا کمر ساریاں کو نزدیک لگدا آسا۔ بڑی گل
 آسی کہ اسدا متھا گھلا دکھ کا ہر ہک چہیندا آسا جے مقبول خان دے مہمان

بنائے مقبول واقعی مقبول آسا۔ اسطراں کئی محفلاں سال بچ لکیاں رہندیاں آسیاں، کھر یلو کوئی دعوت وغیرہ بھی اگر ہوندی آسی تہ اپنیاں سنکیاں دوستاں یاراں بغیر کدے مکمل نہ سمجھدا آسا۔ پہاڑی کلچرل کلب دیاں ممبراں کو خاص کر اپنے کھر دا فرد سمجھدا آسا۔ اسدے علاوہ ہک انسان شناس، دوست ہمدرد تہ خوش اخلاق ہونے دے نال نال لسیاں ماہڑیاں دی مدد کو ہمیش تیار رہندا۔ جد خوبصورت شخصیت داما لک مقبول خان لباس زیب تن کر کے باہر نکلداتہ لوک دکھدے رہ جلدے۔ غصے ہور بداخلاقی دا وقت اُس (خان) تے آساں کدے نیہہ دکھیا۔ بر حال چنگے تہ خوبصورت لوک ہی اللہ کو جلدی قبول ہوندے ہین۔ مقبول تاحیات اسدے دلاں بچ امر ہے تہ رہسی۔ عجیب شخص آسا، اللہ مغفرت فرمائے۔ امین



..... احمد مصطفیٰ صدیقی راہی 

اُم المومنین حضرت سیدہ اُم حبیبہؓ

پندرہ سال دے بعد پئے تہیو دے کبر گچھ پُچدا۔ تہی پئیو کو دکھ دیاں ہی
احتراما اُٹھ کے بڑے خلوص تہ خوشدلی نال استقبال کردی ہے۔

ہک لے عرصے دے بعد تخت چکر کو اپنے سامنے دکھ کے پیو دی پداری شفقت
سمندری لہراں تہ چٹکھڑ بچ لگی چھو نیاں کھیں۔ اس اُبلدے خوشی دے جذباتاں بچ
اُس دیاں اکھیاں تھیں اتھروں چھلک کے لگے ڈہلن۔ نال ہی چار پائی تے صاف
ستھرا بستر ہنچھیا دا ہے۔ پیو دے قدم کھٹے تے پئے دے بسترے تے اجنہ واسطے
اُٹھے پر تہیو سُن پہلاں ہی بسترہ بٹیل کے ٹھپ چھوڑیا۔ تہیو دی ایہہ حرکت پیو کو سخت
ناگوار ہوئی تہ غصے بچ بولیا، کیا تگو ماہڑاں بسترے تے اجنا ناگوار ہے؟ تہیو سُن بڑے
ہی ادب تہ احترام نال عرض کیتی۔ ”ہاں مگو ایہہ پسند نیہہ کہ تئیں اس مقدس تہ پاک
بستر تے بیٹھو، ایہہ اللہ دے پیارے رسول پاک دا بستر ہے ابا جان! ماہڑی غیرت
ایمانی ایہہ گوارہ نیہہ کہ رسکدی کہ توحید دا درس دینے والے مقدس و پاک پیغمبر ﷺ

دے پاک ہو رہا برکت بستر تے ہک مُشرک تہ نجس بیٹھ کے اُس کو اپنے شرک دی گندگی نال دا غدار کرنے دی جُرأت کرے۔ پئیو اپنی تہیو دیاں گلاں سُن کے لہو دا گھٹ پیر کہند اہے تہ غصے بچ باہر نکل گیندا ہے ایہہ آکھ دیاں ”توں مچ پگڑ گئی ہیں۔“

اپنی اس تہیو دے کھر طویل عرصے دے بعد اپنے والا پئے شہر مکہ داسر دار ابو سفیان آسا۔ جیہڑا پورے عرب بچ اسلام دا کٹر دشمن اللہ دے برحق پیغمبر دا بھی جانی دشمن آسا۔ جس دے جاہ و جلال دا دبدبہ تہ چرچا پورے عرب بچ آسا، جیہڑا قریش دا سردار غزوات دیاں جنگاں بچ رسول ﷺ دا مخالف تہ مُشرک و کافر فوجاں (عسکری) دا چیف کمانڈر آسا ہو رہا اُس دے تجارتی، سماجی تہ سیاسی تعلقات نہ صرف عرب دے طاقتور قبائل ہی نال نہ بلکہ پڑوس بچ واقع بڑیاں بڑیاں بادشاہاں تہ سلطاناں نال آسے۔ اس ابو سفیان دی ایہہ تہی حضرت اُمّ حبیبہؓ سی، جس دے ظاہری حُسن و جمال ہو رہا جس دی شائستہ عاداتاں تہ خصلتاں تے پئیو کو بڑا ہی ناز تہ فخر آسا مگر اُس سُن اُمّ (حبیبہؓ) قدیم جاہی روایات تھیں بغاوت کر کے حق و صداقت دے نور تھیں اپنے سینے کو متور کر کہند آسا۔ اسی جُرأت مندانہ اقدام دی بنا تے اُس دے آبائی شہر مکے دی زمی اُس تے تنگ ہو گئی ہے۔ اپنے بگانے ہو گئے۔ محافظ تہ سرپرست خون تہ رتو دے ترہیہائے ہو گئے۔ اُس حالات بچ اُس کو اپنا وطن چھوڑنا پیا۔ مگر اسلام تہ علم دار اسلام دی اس عظیم حوصلہ مند تہی سُن تمام مصیبتاں کو خوشی نال گل لایا۔ تمام خوف و ہراس تنگیاں ترشیاں دکھاں تہ کرباں رنگ رنگ دیاں سختیاں تہ اذمانشاں دے دباؤ تہ خوف دے باوجود نور ایمان نال متور راہ حق و صداقت تھیں ہرگز چکھے نہ ہئی اسلام ہو رہا علم دار اسلام کو اپنی زندگی وقف کر دتی۔

حضرت سیدہ اُمّ حبیبہؓ دی ولادت: واقع فیل دے تریہہ ۳۰ برس بعد قریش دے ہک معزز قبیلے بنی اُمیہ دے سردار ابوسفیان دے کھر ہک لڑکی پیدا ہوئی جس داناں ماؤ پیو سُن ”رملہ“ رکھیا۔ ماؤ داناں صفیہ بنت ابوالحاص آسا۔ عرب بچ تہیو دا جمنہ ماؤ پیو واسطے رنج و غم تہ افسردگی دا پیغام کہن کے ایندی آسی۔ مگر اس بچی دے جمنے تے نور دے چکارے دکھ کے پیو دا دل بڑا خوش ہويا۔ خوشگوار تہ باوقار ماحول بچ بچی دی پرورش ہوئی۔

شادی: ابوسفیان دی ایہہ لاڈلی بچی جد جوان ہوئی تہ اس دی شادی عبید اللہ بن جحش نال ہوئی۔ عبید اللہ بن جحش دے خاندان دا تعلق بنو اُمیہ دے خلیفیاں بچو آسا۔ اس واسطے ایہہ خاندان بھی قریش بچ معزز تہ محترم آسا۔ جحش دے نکاح بچ بنو ہاشم دے سردار عبدالمطلب دی تنہی یعنی حضرت رسول اکرم ﷺ دی پھمھی حضرت اُمیہ بھی آسی، شادی دے کجھ عرصہ بعد اللہ پاک سُن اس جوڑے کو ہک لڑکی عطا فرمائی جس داناں حبیبہؓ رکھے گیا۔ اس بچی دی نسبت تھیں حضرت رملہ دی کنیت اُمّ حبیبہ مشہور ہوئی۔ اس کنیت دی شہرت نال اُن دے اصل ناں تے غلبہ ہويا کہ تاریخ تہ سیرت دی کتاباں بچ اُن دے تشخص تہ پہچان دی علامت بن گئی۔

حضرت اُمّ حبیبہؓ سُن اہجاں اپنی کتاب زندگی دے ستاراں اوراق ہی پر تے آسے کہ خُرادی چوٹی تھیں نبوت محمدیؐ دا آفتاب حق و صداقت، امن و سلامتی ہوو مسافات انسانی دا انقلاب آفرین پیغام کہن کے ظاہر ہويا۔ حالات دے تقاضیاں دے پیش نظر حق دا داعی اپنی دعوت تو حید نہایت خاموشی ہوو احتیاط دے نال معتبر لوکاں تکر پہچاندے رہے اس واسطے اُس زمانے کا تاریخ اسلام بچ خاموش ہوو خفیہ دعوت دے دور دے ناں نال یاد کیے گیندا ہے۔

اس خفیہ دعوت دے ترے سالہ دور پنج شمع رسالت دے نور نال اپنے سینیاں کو منور کرنے والے اوہ خوش بخت اصحاب آسے جندی تعداد یک سو تینتری ۱۳۳ افراد تے مشتمل آسی۔ جنہاں پنج مرد بھی آسے تہ عورتا بھی۔ آزاد بھی تہ غلام بھی با حیثیت اصحاب بھی بے بس افراد بھی آسے جیہڑے عالی حوصلہ انسان آسے۔ انہاں ہی بلند کردار افراد دی جماعت پنج حضرت سیدہ اُمّ حبیبہ بھی شامل آسی تہ ایہہ اُندی خوش قسمتی آسی جے اُندے رفیق حیات حضرت عبید اللہ جش بھی راہ حق دے اس سفر پنج اُندے شریک ہو گئے۔ اسطراں اس جوڑے کو قدیم الاسلام ہور سابقون الاتولون دا شرف حاصل کرنے دی سعادت حاصل ہوئی خفیہ دعوت دے بعد حکم خدا وندی نال دعوت عام دا سلسلہ شروع ہویا تہ اس دے آخری رسول محمد رسول اللہ ﷺ ہوراں اپنی دعوت تہ مشن کو بندگان خدا تک پہنچانے واسطے ہر محفل ہر جمعے ہور ہر میلے پنج کھلے عام تبلیغ دا سلسلہ شروع کیتا تہ کُفر و شرک دے علمبردار اپنے مذہبی سیاسی ہور سماجی قوت نال اس تحریک داراہ روکنے واسطے کمر بستہ ہو گئے۔ اسراں شہر مکے دی پُر امن بستی حق و باطل کُفر و اسلام ہور شرک و تو حید دی بڑھ انچار و چٹنی بن کے رہ گئی تہ جیہڑی کمزور تہ بے بس غلام ہور بے سہارا باندی حق دی اس دعوت کو قبول کر کہندی انہاں واسطے تعدیب تہ جیلاں دے دروازے کھل گیندے آسے۔ انہاں تے ظلم و ستم واذیت و تشدد دے اوہ پہاڑ چا ہڑے گیندے جندے انصو رہی تھیں انسانی روح لرز اٹھدی آسی۔ انہاں ستم زداں پنج حضرت بلالؓ، حضرت یاصرؓ، حضرت عمارؓ، ہور حضرت سمیہؓ سرفہرست ہین تہ اوہ بھی جیہڑے صاحب حیثیت ہور آزاد آسے ہور جند اعلق طاقتور قبائل نال آسا اوہ بھی بُری طراں متاثر ہو گئے۔ مکے دی زی شمع رسالت دے پروانیاں تے بُری طراں تنگ ہو چکی آسی۔ انہاں ہی حالات اں پنج ہادی اعظم ﷺ

ہوراں اپنے انہاں ساتھیاں تہ جانثاراں کو اجازت دتی کہ اوہ اپنے دین و ایمان دی حفاظت دی خاطر جش دی طرف ہجرت کرن۔ چنانچہ نبوت دے پنجویں سال یاراں مرد ہور چار عورتاں تے مشتمل ہک قافلہ مکے شریف تھیں نکل کے شعبیہ دی بندرگاہ دے راہ جش پچے پنج کامیاب ہو گئے۔ جد کہ پندراں مسلماناں دی اس ہجرت سن کفار مکہ دے غیظ و غضب دی پہڑ کدی اگی تے تیل سٹ چھوڑیا۔ چنانچہ اُن دیاں ستمناں ظکماں پنج کئی گناہ اضافہ ہو گیا چنانچہ اگلے سال یعنی نبوت دے چھویں سال اہل اسلام اپنے وطن کو چھوڑ کے اللہ ہور اُس دے رسول ﷺ دی خوشنودی واسطے جش پنج غریب الوطنی دی زندگی بسر کرن لگے تہ اُدھر نکل گئے۔

انہاں اولو لعزم مہاجرین دے قافلے پنج حضرت سیدہ اُم حبیبہؓ بھی اپنے شوہر سمیت شامل آسی جسدا تعلق بنو اُمیہ دے خاندان تھیں آسا اسی خاندان دے درج ذیل افراد بھی اس سفر ہجرت پنج شریک آسے۔

۱: حضرت عثمان بن عفانؓ سمیت اپنی بیوی حضرت سیدہ رقیہؓ۔

۲: عمر بن سعید بن العاصؓ مع اپنی بیوی فاطمہ بنت مفاوان۔

۳: خالد حسن سعید بن العاصؓ مع اپنی بیوی حمیہ بنت خلف۔

۴: سیدہ اُم حبیبہؓ اپنے شوہر عبید اللہ بن جش جس دا تعلق بنی غنم نال آسا جیہرے بنو اُمیہ دے خلیفیاں پچو آسے۔ اس خاندان دے عبداللہ بن جش بھی اللہ دے راہ پنج نکل گئے۔ اس تحریک ہجرت پنج مکے دے ہر قبیلے کو نمائندگی حاصل آسی اس تحریک ہجرت سن مکے دے تمام مشرک خانداناں کو ہلاک کر کے رکھ چھوڑیا تہ اس فرمان رسول ﷺ دی ہجرت سن ہر خاندان تہ ہر قبیلہ متاثر کر چھوڑیا تہ شرک و جاہلیت دے نشے پنج بدست ہر شخص ایہہ سوچنے تے مجبور ہو گیا آسا کہ آخر جناب محمد رسول

اللہ ﷻ دی ذات۔ اُندی شخصیت اُندی سیرت و کردار ہو ر اُندی مقدس تہ پاک تعلیمات بچ اوہ کیمڑی مقناطیسی کشش ہے جے اُندے نو جوان پُتر تہ تہیاں اس تحریک تھیں متاثر ہو کے اپنے آبائی مذہب تہ عقیدے کو لت مار کے باغی ہو گئے تہ اس نویں نظام زندگی تے ہو ر اُس دیاں اصولاں تے قائل ہو ر فریفتہ ہو گئے تہ ہُن انہاں کو نہ خونی رشتیاں دی پرواہ ہے ہو ر نہ اپنے وطن دے عیش آرام تہ سہولتاں ہو ر رنگ برنگیاں راختاں دی لوڑ ہے اوہ صرف اپنے اس دین اسلام ہو ر ہر ہنما و مرشد دے حکم تے بڑے تھیں بڑا ایثار ہو ر بڑی تھیں بڑی قربانی تے بخوشی آمادہ ہین تہ ہجرت کو بخوشی گل لاکھندا۔ دوئی طرف ہجرت حبش دی اس عالمگیر تحریک ایشیاء دی حدود تھیں نکل کے براعظم افریقہ دے وسیع و عریض خطے بچ داخل ہو گئی تہ تاریخ شاید ہے کہ براعظم افریقہ بچ دین اسلام دی اشاعت تہ بنیاد اس ہجرت دے واقعے دے نال ہی پئے گئی دی آسی۔

”اس ہجرت بچ سیدہ اُم حبیبہؓ دی شمولیت دی اہمیت:

جد مکہ معظمہ بچ حق و باطل دی کشمکش اپنے زوراں تے آسی۔ اگر اُس وقت دے سیاسی ہو ر انتظامی امور ہو ر ڈھانچے دا جائزہ رکھندے جلے تہ واضح ہو گیندا ہے کہ قریش سُن مکے دی ریاست دا انتظام چلانے واسطے ہو ر اُس کو ہر قسم دیاں تعزیمی کارویاں تھیں محفوظ رکھنے واسطے تقسیم کار اصول اپنائے دے آسے جدے تحت ریاست دیاں مختلف ذمہ داریاں مختلف قبائل دے سرداراں دے سپر دیکیتے دے آسے۔ جس دی تھوڑی جی تفصیل اسطراں ہے: خون بہادے فیصلے داشعبہ حضرت ابو بکرؓ دے ذمے آسا۔

۲: سفارت دی ذمہ داریاں خاندان بنی عدی دے حضرت عمرؓ بن خطاب دے

سپر دآسیاں۔

۳: شعبہ مالیات: خاندان سہم دے حرث بن قیس دے کول آسا۔

۴: کعبے دی کلید کنجی برادری ہور تو لیت دا شعبہ عثمان بن طلحہ دے کول آسا۔

۵: حاجیاں کو پانی پیلانے دی خدمت دا محکمہ خاندان بنی ہاشم دے حضرت

عباسؑ کول آسا۔

۶: فوجی سوار افسراں دی ذمہ داری خاندان بنی مخدوم دے والید بن مخیرہ دے

دے آسی۔

۷: قریش دی فوج دی علمبرداری خاندان بنی اُمیہ ابوسفیان بن حرب دے

سپر دآسی۔

ظاہرے جے قریش دے قائم کردہ نظام ریاست بچ ابوسفیان کو نہایت اہم ہو

کلیدی منصب تہ حیثیت حاصل آسی۔

دوئے لفظاں بچ اوہ قدیم نظام جاہلیت دا دفاع کرنے والی عسکری قوت دا

سربراہ ہور کمانڈران چیف آسا۔

اُس دے علاہ اُس دور بچ جیہڑے لوک قریش دے روسائے اعظم آسے ہور

جندی عزمت تہ اقتدار دا اثر مکے دی پوری سوسائٹی تے آسا، مورخین دے نیڑے

انہاں بچ سرفہرست ابوسفیان داناں آسا، جس رسالت محمدیؐ دی عاشق تہ جان نثار

خاتون حضرت سیدہ ام المومنین حبیبہؓ آسی تہ جس دی جرات مند خصائل پھری غیرت

سُن اپنے قابل احترام پر مُشرک والد کو پندرہ سال دے بعد ملاقات دے دوران

اپنے سرتاج شوہر مقدس تہ پاک سرکار دو جہان دے اطہر بسترے ہور کھٹے تے نہ

بیٹھن دتا۔ اسی ابوسفیان سردار دی بیٹی حضرت سیدہ ام حبیبہؓ بن پیغمبر خدا حضرت محمد

رسول اللہ ﷺ دے حق و صداقت دے مشن دا ساتھ دیکے ہور اس مشن دی باہدے

واسطے اپنا کھربار چھوڑ کے ہجرت کرنے والے قافلے پنج شامل ہو کے عملی طور اس امر دا گھلا اعلان کرتا ہے موجودہ جاہلی نظام جس دے بقاء ہو رتخفظ واسطے اسدا والد اپنی تمام تر توانائیاں تہ طاقاں صرف کر رہیا ہے اوہ نہ انسانی فطرت دے تقاضیاں دے ہم اہنگ ہے ہو ر نہ انسانی فلاح وسعادت واسطے اس پنج کوئی ضمانت ہے اُس دے برعکس جناب محمد ﷺ دا پیش کردہ دین سراسر حق ہے حق ہے ہو ر حق ہے ہو ر انسانیت واسطے اس پنج امن وسلامتی دی مکمل ضمانت ہے۔

حق وباطل دی اس جنگ پنج ہو ر اس مرحلے تے سیدہ اُم حبیبہؓ دی ایہہ جرأت مندانه شہادت ہر سلیم الفطرت انسان ہو ر ہر سوچنے والے شخص واسطے بڑی فکر والی گل آسی ہو ر حوصلہ افزائی بھی۔ مکے دے ۲۰ قبیلیاں ہو ر خانداناں نال تعلق رکھنے والے افراد ہجرت دے اس سفر پنج شریک آسے۔ حالانکہ اندے ہی قبیلے تہ خاندان دے سردار اسلام دشمنی پنج پیش پیش آسے۔ انہاں قبیلیاں دیاں سرداراں دی اسلام دشمنی دے باوجود انہاں ہی قبیلیاں تہ خانداناں دے نوجواناں دا اسلام دے دین کو قبول کرنا ہو ر فرپوری ثابت قدمی نال اس تے جم گینا اس گلے دا واضع ثبوت ہے جے ایہجے لوک سیرت و کردار دے بلند ترین مقام تے فائز آسے۔ انہاں ہی اعلیٰ تہ بلند وبالا کردار تے باہمت جفا کشاں دے قافلے وکارواں پنج سیدہ اُم حبیبہؓ دی شمولیت اندے ایمان دی پختگی ہو ر سیرت و کردار دی مضبوطی دا واضع ثبوت ہے۔

حبشہ پنج مہاجرین نال سلوک:.....

حبشہ قریش دی قدیم تجارت گاہ آسی۔ اسی وجہ تھیں اتھے انہاں کو کوئی بھی تکلیف تہ دقت نہ ہوئی دوئی گل ایہہ کہ اسلام دے فروغ تہ داعی اعظم جناب سرکار دو جہان دی زبان مبارک تھیں نکلیا دا فرمان کہ حبشہ دے ملک پنج نکل جلوئند ادین

وایمان محفوظ رہوے دی دُعا مبارک شامل حال آسی جس دی وجہ نال مہاجرین اُتھے محفوظ آسے۔ اپنے دین سمیت محفوظ رہئے۔ پوری آزادی نال بقول اُنڈے اسیں اللہ تعالیٰ دی عبادت کردے آسیاں کوئی بھی رُکاوٹ نہ آسی تہ نہ کسے دی بھی کوئی بدکلامی تہ ناگوار گل سُنی۔

سیانیاں دا آکھنا ہے کہ دُشمن ہر وقت زندہ تہ جاگدا ہے۔

قریش سُن جد دیکھا کہ کلمہ توحید پڑھنے والے مسلمان امن نال ٹک گئے ہین تہ اُنڈے سرداراں سُر جوڑے تہ متفقہ فیصلہ رکھندا کہ عمرو بن الحاص ہور عبد اللہ بن ربیعہ کو قیمتی تحائف نال حبشہ جو لے گچھے تانجے ایہہ حبشہ دے بادشاہ کو اصل گل تے راضی کرن کہ اوہ انہاں مہاجراں کو مکہ واپس کرے۔

قریش دا ایہہ نمائندہ وفد حبشہ پُچھا۔ پہلے اوہ وفد دربار دے اعیان و ارکان کو ملیا ہور انہاں کو لہر سارے تحفے پیش کر کے آپے نال رلان دی کوشش کیتی اُسدے بعد ایہہ وفد شاہی دربار بچ حاضر ہویا ارکان وفد پہلاں شاہ حبشہ نجاشی کو سجدہ کیتا تہ فر اُسدے آگے جنوں پہن کے بیٹھ گئے ہور فر اپنی عرضداشت پیش کیتی۔

”اُسدے کچھ لوک اُسدے ملک بچ آئے دے ہین اوہ اُسدے ہور اُساں دے دین تھیں الگ ہو گئے ہین۔ اس واسطے انہاں کو اُساں نال واپس کرو۔“

شاہ نجاشی سُن وفد دیاں گلاں سُنیاں تہ مہاجرین دربار بچ بلائے۔

چنانچہ مہاجرین حضرت جعفرؓ دی سربراہی بچ دربار حاضر ہوئے ہور ایہہ مہاجرین بادشاہ کو سجدہ کرنے بغیر سلام کر کے اپنی اپنی جانی بیٹھ گئے۔ بادشاہ درباری اداب دے مطابق سجدہ نہ کرنے دی وجہ پچھی تہ حضرت جعفرؓ اپنے ساتھیوں دی ترجمانی تہ نمائندگی کر دیاں پوری بے باکی ہور جرات نال آکھیا۔ ”اُسیں خدادے

بغیر کسے کو بھی سجدہ نہ کر دے۔“ شاہ نجاشی سُن حضرت جعفرؓ کو رسول اللہ ﷺ دی ذات بابرکت آپؐ دی تعلیمات ہو ر حضرت عیسیٰؑ دے بارے پنج مسلماناں دے عقیدے بارے پنج سوال کیئے۔ جندے جواب انہاں بڑی وضاحت نال دتے جنہاں کو سُن کے نجاشی پہرے دربار پنج اعلان کتیا۔ خدا دی قسم تئیں لوک اِس تھیں زیادہ گُجھ نہ آکھدے ہو ر جو اسیں عیسیٰؑ دے بارے پنج آکھدے ہاں۔ مرحبا تئساں کو ہو ر اُس ہستی کو جسدے وطن تھیں تئیں آئے ہو میں گواہی دینداں کہ اوہ اللہ دے رسولؐ ہین جن دا ذکر اسیں انجیل پنج پڑھدے ہاں اوہ اوہی رسولؐ ہین جند دی بشارت عیسیٰؑ ابن مریم سُن دتی آسی۔ خدا دی قسم اگر میں بادشاہی دی ذمہ داریاں پنج پھسیانہ ہونداتہ اُن دی خدمت پنج حاضر ہوندا۔ اندیاں جوتیاں چنیدا ہو ر اُنہاں کو وضو کر اندا۔“

شاہی دربار پنج مہاجرین دی حق گوئی ہو ر راست بازی سُن ثابت کر چھوڑیا کہ جس دین حق تے انہاں ایمان آندا ہے اتنے مخلص ہین کہ اسدی خاطر کھر بارشتہ دار کار بار ہو ر ملک و وطن چھوڑ کے غریب الوطنی دے اثرات برداشت کرنے واسطے تیار ہو گئے بلکہ ایہہ بھی ثابت کر دتا کہ اِس جلا وطنی دی حالت پنج بھی جد کہ اوہ ہر قسم دے مادی سہاریاں تھیں محروم آسے اوہ حق دے معاملے پنج کوئی مذہب اختیار کرنے ہو ر کسے طراں دی کمزوری دھسالنے واسطے تیار نہ آسے۔ شاہ حبشہ سن مہاجرین دے خلوص ہو ر اُن دے ایمانی قوی ارادے تھیں متاثر ہو کے قریش دے وفد کو اُن دے پیش کردہ تحائف سمیت واپس کر دتے ہو ر نال ہی اپنے ملک پنج رہنے والے مہاجرین کو اُن دے حوالے کرنے تھیں انکار کر چھوڑیا۔

حبشہ پنج سیدہ اُم حبیبہؓ دی کڑی آزمائش:.....

مکہ مکرمہ تھیں حبشہ دی طرف ہجرت کرنے والیاں پنج سولاں گڑیاں ایسیاں

آسیاں جیہڑیاں اپنے مسلمان شوہراں نال اس مقدس سفر تے نکلیاں آسیاں اس خو
ش نصیب تہ خوش بخت قافلے پنج حضرت سیدہ اُم حبیبہؓ بھی آسی۔ جیہڑی اپنے خاوند
حضرت عبید اللہ بن جحش تہ اپنی بچی حبیبہؓ سمیت جحش پہچی آسی۔ اُس سر زمین تے
مہاجرین کو امن و سکون بھی نصیب ہويا ہوو عزت تہ احترام بھی۔ مہاجرین گڑیاں
مطمین آسیاں کہ اس دُنیا دی زندگی دے سفر پنج شریک اُن دے شوہر بھی اُن دے اس
اخلاقی تہ روحانی سفر پنج برابر دے ریک ہن۔

مگر سیدہ اُم حبیبہؓ دا معاملہ اُس دے برعکس آسا۔ اس دیاں ازما نشاں پنج
اضافہ ہو گیا۔ اُس وجہ نال اُن دے خاوند عبید اللہ جحش حبشہ آکے بری صحبت تہ سوسائٹی
دے مندے پیڑے جال پنج پھس گئے۔ اُن دا اُٹھنا بیٹھنا ہوو ملنا جُلنا ایسے بدر کردار
تہ اوباش لوکاں نال ہو گیا جیہڑے مذہب اُعیسائی آسے ہوو شراب دے رسیا۔
بُریاں محفلاں تہ بُرے سنگ دا ایہہ رنگ عبید اللہ تے بھی اثر انداز ہو گیا تہ اوہ بھی اس
بلدی اُگی دے لمبے دی لپیٹ پنج آگئے۔ بدھدیاں بدھدیاں اوہ شراب دے ہی
چوئے تے بیٹھ گیا تہ فراس بدستی تہ مدھوشی سُن آخر کار اُس کو ایمان تہ اسلام دی
پاکیزہ دولت تھیں محروم کر چھوڑیا۔ اُس عیسائیت اختیار کر کھدی۔ رفیقہ زندگی سُن اس
کو سمجھائے نہجھائے تہ راہ راست تے آنے دے سارے حربے جتن پنج کوئی کسر باقی
نہ رکھی مگر بے سُو عبید اللہ دا طرز عمل جارحانہ ہوو اہل ایمان دیاں دلاں کو تکلیف
پہچانے والا ہو گیا دا آسا۔

عبید اللہ دا ایہہ رویہ سیدہ اُم حبیبہؓ واسطے کس قدر تکلیف دہ ہوو اذیت ناک آسا
ہوو اُن دے دل تے کس قدر تیز دھار والے آرے چلن لگے اسدا اندازہ اوہ ہی شخص
کر سکدا ہے جس کو اللہ نہ کرے اس قسم دا واسطہ پیا ہووے۔ مگر سیدہ موصوفہ کو اس قسم

دا ہلاکت خیز صدمہ تہ حادثہ تقریباً دس برس دے طویل عرصے بچ برداشت کرنا پیا۔ جلا وطنی بچ ماء پئے ہوو دوئے محبت تہ شفقت کرنے والیاں تھیں دور ہک شریف ہوو با حیا خاتون واسطے اپنے شوہر دی بے وفائی بد مستی ہوو فتنہ انگریزی کسی طراں بھی قیامت دے منظر تھیں کہٹ نہ آسی۔ اُس دی شخصیت کو تروڑ دینے ہوو اُس دے مزاج دے اعتدال کو تباہ و برباد کر دینے واسطے کسی ہوو حادثے دی ضرورت نیہ رہی مگر ایہہ سیدہ اُم حبیبہؓ دے کردار دی عظمت دا اوہ لاثانی شاہکار ہے جے اُس انہاں ساریاں سخت حالات دا مقابلہ بڑے صبر و تحمل نال کیتا۔ اللہ ہوو اُس دے رسولؐ تہ ایمان و نور سُن جیہڑی نورانیت اُن دی فطرت ہوو اُن دی شخصیت بچ پیدا کر دتی آسی۔ اُس دے سہارے زندگانی دی تنگ ہوو تاریک گذرگا ہاں بچ بھی اپنے قدم راہ مستقیم تھیں ادھر ادھر ٹھلن نہ دتے۔ بے چارگی دی انتہا اگے تکر پچ گئی خاوند دے کثرت شراب نوشی سُن اُس دے جسم و جان کو پہن تروڑ تہ مروڑ کے سٹ چھوڑیا۔ آخر کار ۶ھ بچ اسی خستگی تہ شستگی دی حالت بچ اوہ اس دُنیا کو چھوڑ گیا۔ اس دی موت سُن سیدہ کو پردیس بچ بالکل بے یار و مددگاہ بنا چھوڑیا۔

رحمت اللعلمین ﷺ دی رحمت داسہارا:.....

جدتحر یک اسلام دے قایدے سرور کو نین رحمت اللعلمین ﷺ کو اپنی ہک قدیم مخلص ہوو جاشا رپیہ و کار خاتون دی بے بسی و بے چارگی دا علم ہوو یا ایہہ بھی پتہ لگا کہ اوہ اپنے وطن تھیں دور پردیس بچ عدت دے تہیائے گزار رہی ہے۔ تہ عدت دی مدت ختم ہوندیاں ہی بحکم ربی آپؐ ہوراں نے اپنے ہک صحابی عمرؓ و بن عمیہ صغریٰ کو اپنے نکاح دا پیغام دے کے حبش روانہ کیتا۔ سیدہ اُم حبیبہؓ سن اسلام دی خاطر جیہڑیاں سختیاں تہ تکلیفاں بڑی بردباری نال برداشت کیتاں آسیاں اوہ بارگاہ

خداوندی بچ اسرائیل مقبول ہوئیاں کہ اُن اوہ ویلہ بھی آگیا کہ اوہ ایمان و ہجرت د
سعادت دے نال اُم المؤمنین دے شرف تھیں بھی مشرف ہوئی صحابی پیغام سُن شاہ
حبشہ کو جناب دا پیغام پہنچایا۔ شاہ حبشہ سُن پیغام ملدیاں ہی اپنی ہک خاص باندی
”ابرہ“ نامی کو سیدہ ام حبیبہؓ داہر جولی تانجے اوہ حضور پاک ﷺ دی طرف موصول شدہ
پیغام نکاح اُس تک پہنچا وے، اِس بارے سیدہ پہلاں ہی بذریعہ خواب باخبر آسی۔
جس بچ ہک شخص اُس کو اُم المؤمنین دے پاک ناں نال پکاردا آسا۔

ابرہ باندی دے اِس مبارک تہ مقدس پیغام بچ اپنے اِس مبارک خاب دی تعبیر
سمجھ کے سیدہ دی روح پھل گئی سیدہ سُن اس خوشی دے موقعے تے اپنے دل
دیاں گہرائیاں نال خداوند حقیقی دی بارگاہ بچ سجدہ شکر ادا کیتا پیغام ہو ر آنے والی
باندی کو بطور انعام اپنے گلے تہ جسم دے تمام زیب و زیبائش (زیورات) کڈھ کے
پیش کیتے۔

تقریب نکاح سیدہ ام حبیبہؓ.....

حضرت سیدہ ام حبیبہؓ دی طرف پیغام نکاح دی منظور دی اطلاع ملنے دے فوراً
بعد نجاشی شاہ حبشہ سُن ہک باوقار تقریب نکاح دا انتظام کیتا جس بچ حضرت جعفرؓ ہو ر
حبشہ بچ موجود تمام مسلمان مہاجرین کو مدعو کیتے گیا، سیدہ دی طرف حضرت خالد بن
سعد بن الحاص سُن وکالت دے فرائض انجام دتے۔ ایہہ حضرت سیدہ دے ہم قبیلہ
آسے ہو ر ہجرت کر کے اُن دے نال آئے دے آسے۔ بادشاہ نجاشی خود خطبہ نکاح
پڑھیا۔ جس دا ایہہ مفہوم تہ متن آسا:

”ساریاں تعریفاں صرف اُس اللہ واسطے ہن جیہڑا بادشاہ ہے۔ نہایت مقدس
سراسر سلامتی، امن دینے والا نگہبان، سبھاں تے قادر تہ غالب، اپنا حکم بزور نافض

کرنے والا ہے۔ میں گواہی دینداں ہاں جے اللہ دے سوا کی کوئی معبود نیہ، ہور گواہی دیندا ہاں کہ محمد ﷺ دے رسول ہین۔ جندی بشارت عیسیٰ ہوراں دتی آسی۔“ رسول ﷺ ہوراں اپنے ہک مکتوب گرامی دے ذریعے ملکو ہدایت کیتی ہے کہ میں اُم حبیبہ بنت ابوسفیان د نکاح اُنہاں دے نال کراں:

چنانچہ میں اُندی خواہش تے چار سو دینار دے عوض ایہہ نکاح پڑھیا۔ نجاشی دے بعد حضرت سیدہ دے وکیل خالد بن سعید سُن اپنے خطبہ نچ حمد و ثناء دے بعد فرمایا کہ رسول اللہ ﷺ دے پیغام نکاح کو قبول کر دیاں ہوئیاں میں اُم حبیبہ بنت ابوسفیان کو اُندی روجیت نچ دے چھوڑیا ہے اللہ اپنے رسول ﷺ تے برکتاں نازل فرماوے۔“

بادشاہ نجاشی نے جملہ حاضرین دے سامنے مہر دی رقم چار سو دینار حضرت خالد بن سعید دے حوالے کیتے۔ ہُن لوک اُٹھن اُس تے نجاشی اعلان کیتا کہ ولیمہ تمام انبیاء دی سنت ہے اس واسطے کوئی بھی شخص کھانا کھینے بغیر نہ جُلے کیا نکہ کھانا آگیا ہے۔ جیہڑا سبھاں کھا ہدا۔ اس تقریب نکاح دے بعد حضرت خالد بن سعید سُن مہر دی رقم اُسی باندی ”ابرہ“ دے ہتھ حضرت اُم المومنین سیدہ اُم حبیبہ کو پہنچ دتی۔ حضرت سیدہ ایہہ مہر دی رقم وصول کر کے اُس بچو پنجہ دینار بطور انعام ”ابرہ“ کو دتے پراس کہننے تھیں انکار کر چھوڑیا ہور فرمایا کہ بادشاہ سُن ملکو کوئی بھی چیز کہننے تھیں منع کر چھوڑیا ہے اُس حضرت سیدہ دے دتے دے زیورات بھی واپس کر چھوڑے تے فرمایا:

”میں محمد ﷺ کو دل و جان تھیں اللہ دار رسول مندی ہاں“

اس واسطے تئیں جد اُنہاں کول تشریف آور ہو سوتہ میں ناچیز دا سلام آپ دی خدمت نچ پیش کر یو۔ ایہہ ہی ماہر اسب تھیں بڑا انعام ہے۔

مدینے کو روانگی:.....

حضرت عمرؓ و بن اُمیہ سفری جو رسول اللہ ﷺ دی طرف شاہ حبشہ دے ناں سیدہ اُم حبیبہؓ واسطے نکاح دا پیغام کہن کے آئے دے آسے تہ نالے اُن دے ایسے دا ہک مقصد ایہہ بھی آسا کہ اوہ بادشاہ کو اس گل تے آمادہ کرن کہ اوہ اپنے مُلک بچ موجود مہاجرین کو مدینہ منورہ پہنچانے دا انتظام کرن۔ کیا نکہ بادشاہ سُن دُواں کشتیاں دا انتظام کیتا حضرت جعفرؓ دی قیادت بچ مسلمان مہاجرین دا ایہہ قافلہ جُتھ تھیں روانہ ہو یا ویسے تہ اُم المؤمنین حضرت سیدہ اُم حبیبہؓ کو اس سفر بچ اپنے تمام روحانی بیٹیاں دی سنگت تہ ساتھ حاصل ہو یا جد کہ شاہ حبشہ سُن حضرت شرجیل بن حسنہ کو خاص طور تے حضرت سیدہ دی دیکھ پھال تہ خدمت واسطے مقرر کیتا، ایہہ دو کشتیاں جنہاں بچ اُم المؤمنین سیدہ اُم حبیبہؓ دے علاوہ سولاں ہور مسلمان سوار مدینے بندر گاہ تک پہنچیاں۔ اُس دے بعد ایہہ مسافر اونٹاں تے سوار ہو کے مدینہ منورہ پہنچے۔ اُس وقت رسول اللہ ﷺ اپنے ۱۴ سو جاثاراں سمیت خیبر دی جنگ تے گئے دے آسے۔ اُم المؤمنین حضرت سیدہ اُم حبیبہؓ مدینے آئیں۔ اس قافلے بچ کجھ مرد اپنے محبوب مُرشد دی زیارت کو اُسی وقت خیبر روانہ ہو گئے اُنہاں بچ حضرت جعفرؓ بھی آسے تہ اندی ملاقات اُس وقت ہوئی جد خیبر دی جنگ پوری کامیابی نال حضور پاک ﷺ فتح کر کہندی آسی، خیبر دی فتح محرم الحرام ۷ھ بچ ہوئی آسی۔

جناب محمد الرسول اللہ ﷺ خیبر دی مہم دی فتح تھیں فارغ ہو کے مدینہ منورہ تشریف فرما ہوئے۔ حضرت سیدہؓ کو اپنی عقیدتاں تہ محبتاں دی مرجع شخصیت دی خدمت بچ کامیابی تہ باریابی حاصل ہوئی۔ گویا ہُن اُس کو دین و دنیا دی سب تھیں بڑی دولت نصیب ہو گئی آسی۔

حرم بنوی دی صورت حال:.....

حضرت سیدہ اُم حبیبہؓ بحیثیت اُم المؤمنین جد مدینے منورہ حرم نبوی ﷺ دی پاک تہ مقدس تہرتی بچ تشریف اشرف رکھی تہ اُس وقت درج ذیل خوش قسمت اُمہات اُم المؤمنین حرم مقدس بچ موجود آسیاں: حضرت سیدہ سودہ بنت زمعہ سیدہ عائشہ صدیقہؓ سیدہ حفصہؓ سیدہ زینبؓ بنت جحش: سیدہ اُم سلمہؓ سیدہ جوہرہؓ بنت حارث سیدہ صفیہؓ۔

رسول اللہ ﷺ دا ایہہ کہر انہ سادھگی دا بے مثال نمونہ آسا۔ ہر اہلیہ واسطے الگ مکان یا حجرہ آسا جد کہ ایہہ سارے کچے آسے چھتاں کھجور دیاں شاخاں تہ ڈالیاں دیاں آسیاں دروازیاں تہ ٹاٹ دے پردے لٹکدے آسے۔ سبھاں دا گذارہ کھجور، دودھ تہ جوں دی رُٹی تہ آسا۔

فتوحات تہ مال غنیمت دے باوجود فقر و قناعت تہ توکل ہی اُندا امتیازی نشان آسا۔

سیدہ اُم حبیبہؓ جد اُم المؤمنین دے اعزاز تھیں سرفراز ہوئی تہ اُس دی عمر تقریباً ۷۳ سال آسی۔ اُس دی تنہی بھی اُس ناں آسی۔ جس کو رسول اللہ ﷺ دے کہر تعلیم و تربیت دے سارے ذرین مواقع میسر ہوئے۔ سیدہ موصوف ہک سمجھدار، بلند ہمت ہوو سلیقہ شعار خاتون آسیاں تہ رسول اللہ ﷺ ہوو راں بھی اُس دی دلجوئی ہوو خبر گیری بچ کوئی کثر باقی نہ رکھی۔

حضرت سیدہ اُم حبیبہؓ دے کردار دا اُن دے خاندان تہ اثر:.....

سیدہ اُم حبیبہؓ سلام دے ابتدائی دور بچ جد حق و صداقت دی تحریک ناں وابستہ ہوئی تہ اوہ اپنے خاندان بچ واحد خاتون آسیاں ماء پئے پھر اء سب مخالف کیمپ بچ

آسے ہور دین حق دے کٹر دشمن تہ مخالف آسے۔ جس دی وجہ تھیں سیدہ موصوفہ دی جان دے دشمن ہو گئے سیدہ موصوفہ دا کبر انہ کوئی معمولی کبرانہ نہ آسا۔ اس دے خاندان دے افراد پنج قیادت ورہنمائی ہور تدبیر و فراست تہ بہار دانہ صلاحیتاں دے علم بردار آسے۔ جد تکر اوہ کفر و شرک نال وابستہ رہے ہور دین حق ہور تحریک اسلامی دے خلاف اپنی ساری صلاحیت تہ قوت کو استعمال کر دے رہے تاں تکر جے اُندے دل اسلام دی صداقت نال منور ہوئے تہ اُندیاں ساریاں سرگرمیاں اسلام دی بالا دستیاں واسطے وقف ہو گیاں۔

ابوسفیان والد سیدہ اُم حبیبہؓ دا کردار:.....

ابوسفیان سیدہ اُم حبیبہؓ ام المومنین دا والد تہ قریش دا سالار اعظم آسا۔ غزوہ اُحد ہور غزوہ احزاب دے موقعے تے اوہ رسول اللہ ﷺ دے مقابلے پنج مخالف فوجاں دا کمانڈر انچیف آسا جد کہ فتح مکہ تھیں دو دن پہلاں اسلام دی نعمت تھیں بہرہ وار ہويا ہور غفونبویؐ دے جلوے تہ مناظر اکھیاں نال ڈٹھے تہ حضور پاکؐ دی عظمت دا دل تھیں قائل ہو گیا ہور اپنے ولی تاثرات دا اسطراں اظہار کیتا:

”یا رسول اللہ ﷺ! اج تھیں پہلاں آپؐ دی ذات ہور آپؐ دا دین ماہری نگاہ پنج زیادہ ناپسندیدہ آسا۔ جد کہ اج آپؐ دی شخصیت ہور تعلیمات ماہرے نزدیک سب تھیں زیادہ محترم تہ محبوب ہے۔“ اسدے بعد جنگِ حنین ہور جنگِ طائف پنج حضور ﷺ دی زیرکمان اسلامی سپاہ پنج شامل ہو کے داد شجاعت دتی۔ رومیاں دے خلاف پر موک جنگ پنج بڑھ چڑھ کے حصہ کھند اہور مسلماناں کو دلیری ہور بہادری دی لڑنے دی تلقین و ترغیب دتی اس جنگ پنج ہک تیر آکے اُسدی اکھی پنج لگاہ جس نال اکھی دی لوء چلے گئی حضرت یزید بن ابوسفیان:.....

ایہہ بھی فتح مکہ دے موقعے تے ایمان نال سیراب ہوئے جیہڑے حضرت سیدہ اُم المومنین اُم حبیبہؓ دے سکے پہرے آسے۔ شجاعت تہ بہادری دی صفات دے نال نال عسکری قیادت دیاں صلاحیتاں تھیں پورے مالا مال آسے جیہڑے قیصر روم دیاں ٹڈی دل فوجاں دے مقابلے واسطے خلیفہ رسول حضرت ابوبکر صدیقؓ ہوراں سُن مسلماناں دے سرفروش ہو پڑ جوش مجاہدین دے جتھے ملک شام جو لے تہ انہاں کو چار حصیاں بچ تقسیم کیتا ہر جتھے دا ہک ماہر جرنیل تہ مکانڈر بنایا جہاں جرنیلاں بچ ہک حضرت یزید بن ابوسفیان بھی آسا۔ اسی طراں حضرت معاویہ بن ابوسفیان بھی حضرت سیدہ اُم حبیبہؓ اُم المومنین دے پداری پہرے آسے جیہڑے اپنے والد دے نال ہی اسلام دے علم تلے آگئے آسے۔ حضور ہوراں سُن انہاں کو اپنا کاتب وحی بنایا دا آسا ابوسفیان دے خاندان تے حضرت اُم حبیبہؓ دے ایمان صادق ہو کر داراثر آسا۔ ۱۸ھ ہجری بچ جد اسدے پہرے اویذ دا انتقال ہو یا تہ حضرت عمرؓ خلیفہ وقت ہوراں نے حضرت معاویہ بن ابوسفیان کو دمشق دا حاکم مقرر کیتا۔

الغرض ابوسفیانؓ تے اسدے خاندان سُن آغاز اسلام بچ اللہ پاک دے رسول دی دشمنی دی روش اختیار کر کے اپنے اعمال نامے بچ جیہڑی سیاہی جمع کیتی دی آسی اُس کو تھو نے ہو را اپنی غلطیاں دا کفارہ ادا کرنے واسطے اُسی رسول خدا ﷺ دے مشن دی آبیاری تہ تکمیل واسطے اپنیاں تمام صلاحیتاں تہ قوتاں وقف کر چھوڑیاں۔ اس انقلاب حال بچ جتھے دوئے معاشرتی تہ سیاسی عوامل کار فرما آسے۔ اسدے نظریے تہ نزدیک انہاں بچ سب تھیں اہم ہو ر سب تھیں مؤثر ہو ر طاقتور وسیلہ اُم المومنین سیدہ اُم حبیبہؓ دامثالی ہو پڑ عزم کر دار آسا۔ سیدہ دے مسلسل ایثار ہو ر مستقل ثابت قدمی سُن اُس دے خاندان والیاں دیاں اکھیاں کھول کے اسلام کو حید تہ

ایمان دی لوء دہ سال کے جہنم تھیں بھی آزاد کرا ل رکھدا۔

حضرت اُم المومنین سیدہ اُم حبیبہؓ دی زندگی دا آخری وقت:.....

اُم المومنین حضرت سیدہ اُم حبیبہؓ دا جد آخری وقت آیات اُنہاں سُن اُم المومنین حضرت سیدہ عائشہؓ ہور اُم المومنین حضرت سلمہؓ کو اپنے کول بلایا تہ فرمایا۔

ماہرے ہور تُسدے درمیان سوکناں دارشتہ آسا۔ جس دی وجہ اُسدے درمیان کدے کچھ خفگی دِل ملوی نوک جھونک ہوئی ہوسی تہ میں جو کچھ آکھیا سُنیا ہوسی خدا واسطے معاف کرو؛“

دوناں ہک زبان ہو کے فرمایا:.....

اَساں معاف کر چھوڑیا، اُس تے حضرت سیدہ فرمایا: تِساں مگو خوش کیتاں خدا تِساں کو بھی خوش رکھے۔“ آمین۔

ایہہ آسی اوہ عظیم خوش قسمت تہ خوش بخت خاتون جس سُن توفیق لم یزل دی توفیق نال توحید تہ اسلام دے قاعدے تہ تعلیمات دے علمبردار و اسلامی تحریک دی شروعات نال ہی کلمہ پڑھیا تہ اپنے آپ کو وقف کیتا جس دا صلہ رب اعظیم سُن اُم المومنین دے اعلیٰ مقام تے جائز فرمایا۔ اسلام دی بے لوث خدمت تہ اُسدے قائد دی شریعت دی دل و جان نال پیروی کرنے دے صلے پنج سیدہ موصوفہؓ دے معظم تہ محترم خاندان کو بھی بشرف اسلام کیتا جیہڑا قریش خاندان دا سالار اعظم آسا ہور تحریک اسلام تہ اُسدے قائد تہ علمبردار ہور اُسدیاں پیروکاراں تہ جانثاراں دا کٹر مخالف تہ دشمن آسا تہ جیہڑا اپنیاں تمام تر صلاحیتاں تہ قوتاں کو تحریک اسلام تہ اُسدے سالار اعظم دے مشن خلاف دے لک بنھ کے تہ برسرِ پیکار آسا۔ جد کہ حضرت سیدہ موصوفہؓ دی سیرت تہ کردار دے طفیل کُفر جہالت تہ شرک دے چنگھڑ تھیں کڈھ کے

نور اسلام نال روشن تہ منور فرما کے مخلوق خدا تہ اُمت محمد الرسول اللہ ﷺ واسطے آگہی تہ ہدایت دے رہنما اصولاں تے ٹرنے دی مثال قائم کیتی۔

سیدہ موصوفہ ۳۷ برس دی عمر کو پچ کے بمقام مدینہ منورہ وفات پائی اِنَّا لِلّٰہِ
وَ اِنَّا اِلَیْہِ راجِعُوْنَ

اُم المؤمنین حضرت سیدہ اُم حبیبہؓ قدیم الاسلام آسی۔ اسلام دی خاطر اُنہاں
سُن سخت تھیں سخت مصائب چہلے تہ برداشت کیتے۔

اوہ نیک فطرت تہ صالح خاتون آسی۔ ایمان تہ استقامت ہور اتباع رسول دا
والہائے جذبہ اُندی روشن سیرت دا جوہر آسا۔ اُندی پوری زندگی شریعت ہور فرمان
رسول دی پیروی دی ہک متور قندیل تہ شمع تابان آسی۔ جس تھیں قیامت تکر آن والی
نسلاں لوہ تہ روشنی حاصل کر دیاں رہسن بقول حضرت میاں بخشؒ:

میں شوہدا مرخاکو رلساں جھل ہجر دی کانی
جے رب سچے رحمت کیتی رہسن سُخن نشانی
بقول مرزا غالبؒ:

سب کچھ کہاں لالہ وگل میں نمایاں ہو گئیں
خاک میں کیا صورتیں تھیں کہ پہناں ہو گئیں
(اُردو تھیں ترجمہ: محمد شفیع خان صابر)





کشمیر ناں

سردی ناں جان نکلنی..... دلے جبالائی ڈرے بچ اگ پہنکھائی اگے چکھے
تکنا..... مدے کوئی گرا ہک پھتسی جائے۔

اک پُرانا بٹ سروں گنجا..... افغانی ٹوپ لائی پہنکم چیری وچوں آئی رہیاسی
تہ اوہ تاولیاں تاولیاں لگاپیا جانا..... دلے اُس کی تکی کہندا.....!

دلہ..... ”صاحب ادھرا چھوٹے کہہ تہساں نادل وی پہنکھی جاسی۔“

تاجر..... ”چھوڑ..... چھوڑ بکواس نہ کر۔“

دلہ اپنا بجا چائی..... کھڑپ کھڑپ کرنیاں پیراں ناں دوڑیا..... ”سرگل
تہ بچھو۔“

تاجر..... ”کہہ گل بچھاں..... مگی پتہ تہساں تڑکیاں، افغانی بڑھیاں
اتھہ روکیاں ہوئیاں نے۔“

دلہ..... نہ..... جی..... سر..... اوہ زمانے لکھی گئے اچھی تکو تہ
 سہی..... کچیاں دُده جیاں..... ہتھ لائیاں میلیاں ہونیاں.....!“
 تاجر.....“کیاں توں جنتاں چوں آندیاں ہین؟“
 دلہ..... کھی..... کھی کر نیاں..... نہ جی..... میں.....
 میں پہنگم وچوں کشمیر ناں آندیاں ہین۔“



دلی نی سیل

قابلی پٹھان مغلاں نی بادشاہی وچ دلی پھرن آیا..... اک حلوائی مٹھائی نا
 تھال رکھی بیٹھا گاہکاں کی ڈپکنا سی۔
 پٹھان..... حلوائیے نیاں اکھیاں اگے ہتھ ہلائی ہلائی سہی کرنا.....
 سوچیاں حلوائی اٹھا اے۔
 حلوائی.....“آپ کیا کر رہے ہیں؟“
 پٹھان.....“خوچہ..... دیکھتا ہوں..... تمہیں مٹھائی نظر نہیں آتا۔“
 حلوائی.....“نظر آتا ہے۔“
 پٹھان.....“تو فر خوچہ کھاتا کیوں نہیں؟“
 حلوائی.....“خان صاحب! اگر میں کھاؤں تو میرا بیڑا غرق ہو جاتا ہے۔“
 پٹھان..... سارا تھال چٹی گیا..... ڈکار مار نیا بولیا“خوچہ ہمارا بیڑا غرق

ہونے دو۔“

حلوائی..... ”خان جی پیسے دو۔“

پٹھان..... ”پیسہ کس چیز کا؟ ہمارا بیڑا غرق ہونے دو۔“

حلوائی قاضی کو ل شکایت کی جی تہ قاضی پٹھانے کی سزا سنائی..... ”اُس کی منہ

کا لاکری، کھوتے اُپر بہائی، بچے کچھے لائی دلی بد رکرو۔“

قابل و ج بندے پٹھانے کو لوں..... ”دلی کیسا ہے؟“

پٹھان..... ”دُنیا کا بہترین شہر ہے۔“






واسطہ

اُنہاں بے رحم ہواواں تہ مشکل کھڑیاں نالے پوہریاں تہ کھکھر توں تہیاڑیاں
 ڈنڈولاں تہ پھانڈیاں نیاں موج مستیاں ظالم پلاں تہ مصیبتاں نے ریلیاں پھنگھ تہ نگ
 نیاں کالیاں راتاں اپنیاں تہ پرائیاں نیاں ڈوہنگیاں چالاں جبر تہ دبد بے نیاں تہیاڑیاں
 زور تہ بردستی نے کالے چہڑاں پیٹھ گزاریاں ساعتاں انسانیت نے ناں ورجیواناں تھیں
 وی اگے ہوئے ظلماں نے تکے بے بسی نے نظاریاں تہ فراس حال بچ وی تہاڑے
 معصوم تہیاڑیاں نیاں اَن مٹ یاداں نے پل تہ کھڑیاں نیاں کلجے پیاں ٹھنڈاں
 خوشیاں تہ غماں نے رلے ملے جذباتاں اکھیاں نے ٹھنڈیاں دِلے نے ارماناں سپنے
 نے سینکاں اُمیداں نے آہلنے بسانے نے خیالاں خوشیاں تہ غماں نے رلے ملے
 جذباتاں تہ ہور بہوں سارے خیالاں خواہشاں سیکاں ڈنجیاں تہ پتہ نیہہ کیہڑے
 کیہڑے دُنیا نے ہور جھنجھٹاں ناواسطہ دہی تہ ہور بچ سارے ارماناں کی سپنے دبی اوہ شخص
 آخری گل کری ٹری گیا۔

”مہن تہ بخشویرا.....! زندیاں نال چھگڑے، رو سے بے زادیاں، کھوہریاں
 کھیریاں ہونا تہ ہور جو وی آکھو سو بھنا ہے، وراُس نال کہہ رو سے، کھیریاں بے زادیاں،
 کھتے نے چھگڑے، جیہڑا آپوں بے بس تہ بے آسا ہوئی مناں مٹی پیٹھ قیامت نادی نہہ
 چڑھن توڑیں کہنلیاں کالی شاہ کالی اکولی رات نے کھماں پیٹھ سینے واسطے ٹری جائے
!“

ہلائی جلائی رہے، بلائی رہے، منٹاں تہ ہاڑے وی کیتے، نیازاں تہ نذراں منیاں ور
 سب چیلے بیکار، سارے ہاڑے بے سؤ، ساریاں نذراں تہ نیازاں بے اثر..... تہ فر
 سوچاں نے سمندر سن اُنہاں ساریاں کی اپنی ڈونگی سوچ بچ گجھ کھڑیاں سوچنے واسطے
 مجبور کیتا۔





پتہ نماں

ناں اُس نارحمت جان سی، مگر سس نی لمی بیماری نی وجہ تھیں ہُن اوہ زحمت بنی نی سی۔
 بچو بچ کھر والا وی تنگ۔ کھٹ اُپر پئی نی بیمار سس وی سب کجھ سمجھنی تہ بہوں کجھ سُننی وی سی
 مگر آکھی کجھ نیہہ سی سکنی۔ بیماری نے باوجود اجاں اوہ اپنے ہوش و حواس بچ سی۔

اک دن گماہنڈن رشیدہ آکھیا ”ماسی! تُساں کی کجھ کھانے پینے نی طلب ہووے
 تہ مگی دہسیا کرو۔ میں تُساں کی کھر وں پکائی آنی دیساں۔“

ماسی شفاعتتاں رشیدہ کی سمجھایا ”توں مگی پکچر اک کھر وں پکائی کھلاسیں۔ روح
 ماہڑا وی تہ بڑا کجھ آکھنا اے، مگر رحمت کی پتہ لگی گیا تہ اُس کی چوڑھی جاسی گی۔ اوہ
 آکھسی ”بڈھی گماہنڈا اُپروں منگی منگی کھانی اے، توں رہن ہی دے۔ ایہہ گڑی مگی منلوں
 ہی نیہہ تگن لگی۔ ماہڑی کوئی گڑی کدے نے کال اپنے کھر وں کوئی چیز پکائی آنے تہ ایہہ
 لُتھے وی بولی جانی ہے“ اُمتاں کی سوچی سمجھی کجھ کھلایو۔ نالے ایٹھ وی تکیو۔ ہائے! کہہ گل
 پچھنی ایں.....!!“

رشیدہ وی اس گل کی سمجھی ہنداکہ ”چنگا مندا آخرا اپنے کھرنا بندہ ہی کم آونا اے۔

اُس بیمار پٹی ماسی شفاعتاں کی اُس نی قیمت اُپر چھوڑی شوٹیا۔ بس دواں چواں دناں بعد گماہنڈن ہونے نے ناٹے آئی تہ ماسی شفاعتاں نا پتہ کری جانی سی۔ چھٹ کھڑی بھئی اُٹھی، تکی سنی جانی سی، کیاں کہ اپنے دوربچ ماسی شفاعتاں ناوی اپنا اک مقام سی۔ بڑی پہلے پہنائی سی۔ رزق سنگ پہر پاہنگلیا نا کھر سی۔ لوکاں نی کھر بچ آو جانی سی۔ ماسی شفاعتاں وی ڈاہڈی آو بھگت تہ کچھ پر تپت کرنے والی سی۔ نا لے آہنڈ گماہنڈ تہ گراں نال وی چنگا برتن بار رکھیا نا سی، مگر ہن بیماری ماسی شفاعتاں کی ٹھیر کری شوٹیا سی۔ ایو وجہ سی کہ پتلا پینا باہر ناوی کوئی نہ کوئی بندہ آئی تہ ماسی شفاعتاں نا پتہ نماں کری جانا سی۔ نا لے روہڑیئے سنی جانا سی ”ہائے ایہہ دکھی گیا۔ اوہ دکھی گیا۔ راتیں نیند رنیہہ پنی۔ دوائی اثر نیہہ کرنی۔ ہائے ہن میں کدوں جنگاں پہار ہوساں۔ بال بچے کی وی میں تنگ کری چھوڑیا۔ ہن اللہ کدے مگی سامی چھوڑے.....!!“

ادھر ماسی شفاعتاں نی نہہ رحمت جان نے گلے شکوے تہ روہڑیئے وی کچھ کہٹ نیہہ سن۔ ”اُماں تہیاڑی اپنی نیند ر پوری کری پنی اے تہ راتی اُٹھنے بہنیاں تہو ایاں دینی۔ نہ آپوں سنی نہ اُساں کی سنی دینی۔ اُماں کول کوئی بیٹھے کسٹراں تہ اُماں نے کمرے بچ کوئی جائے کسٹراں! ماہڑیاں کڑیاں منہہ اگے دبور کھی تہ چاء روٹی پکڑانیاں ہن۔ مُشک تہ ترکان پیشاب نی، اللہ نہ دہسے۔ راتی بالٹی کول تہر نے ہاں، مگر اُماں سلوار بچ ہی بستر اُپر ہی پیشاب کری چھوڑنے ہن۔ دس واری آکھیا جے آکھ ماریا کرو، میں تُساں کی باہر پیشاب بہالے کراں، مگر مجال کہ ماہڑی گل نا اثر ہووے۔ ہن کوئی کتنی واری انہاں نے کپڑے تہوے تہ سکاے۔ مسّاں جنیا بال بچہ سریریا سی ہن مگی اُماں نا بخت پئی گیا۔ اُماں ٹیم اُپر روٹی نیہہ کھنے بعد بچ ٹھنڈی تتی پر کھن لگنے ہن.....!“

رحمت جان نیاں گلاں سُنی تہ اُنھے کانے وی سمجھی جانے سن جے کُہر نے اندر نے
حالات کچھ ہین تہ اُمتاں نی کتنی خد مت تہ سیوا ہونی ہے۔ کُجھ چُپ چاپ رہنے سن۔
کسے دُورے کی کوئی آکھی گلائی وی کہہ سکنا اے۔ بعض سیانے اشارے کناریاں بچ بھوں
کُجھ آکھی بائی جانے سن ”ایہہ دن ساریاں اُپر آئی جانے ہین۔ آخری عمر بڑی اوکھی
ہونی اے۔ جیسا کر سو ویسا ہی پھل لبھسی۔ جتنی سیوا کر سواتنا ہی ثواب کماسو۔“

مگر ایہہ ساریاں گلاں اُنھے اگے نچنے تہ دُورے اگے گانے نے برابر سن۔ رحمت
جان اپنی ہی سنائی جانی سی۔ کوئی وی گل پردے بچ نہیہ سی رہن دینی..... ”نرس کُہر
سدھی آندی۔ دوواری پیشاب نی پائپ لوائی، مگر اُمتاں پائپ رہن ہی نہیہ دینے۔ چھکی
باہر کدھی شوڑے ہین۔ میں ہُن آکھیا جے تُس اپنی ہی مرضی کرو..... پتر تُساں کی اپنا
اے کپڑے چپڑے تہو نے والا.....!“

بس شکر اے کہ اُمتاں نا پتر کُجھ حد توڑیں چنگا سی۔ اُمتاں نے پیشاب والے
کپڑے تہو ناسی۔ بستر ایلہ چھنڈی چناری ڈاہا ناسی۔ اُمتاں کی بہانٹھا لٹانہ کھانا پلانا دای
سی۔ نال و نال رحمت جان نی گل وی منی ہننا سی۔ ”اُمتاں کی متانہ کھائیو اُمتاں بستر اگندہ
کری شوڑسی.....!“ بس رحمت جان نی اس گل اُپر اوہ اُمتاں کی کھانیاں کھانیاں اپنا
ہتھ چھکی ہننا سی۔ آخر اُس وی اپنے کُہر بچ ہی رہنا سی۔ رحمت جان نے ہتھان نی پکٹی
ہوئی کھانی سی۔ مختصر ایہہ جے بندہ سمجھداری۔ دواں بکھی دواں کی کسراں راضی رکھنا اے
اوہ جاننا سی۔

جس دن کدے رحمت جان شفاعتاں ماسی کی تہوئی بڈھیری رکھنی سی اُس دن
سارے محلے کی پتہ لگی جاننا سی کہ رحمت جان آج اتنا بڑا کم کیتا اے۔ ہُن کیتا ہے۔
اسے محلے بچ ریحان پہنائی نی ماء وی کنیاں سالاں تھیں فالج نا شکار ہوئی نی سی

مگر اُس کُہر نا منظر ہی کچھ ہو رہی۔ لوک ماسی شفاعتوں ناپتہ نماں کری تہ گماہنڈ اُپر
ریحان پہرئی نی ماء کی وی تکی سُنی جانے سن تہ اک واضح فرق وی محسوس کیتا جانی سکنا سی۔
دوئے بیمار بڈھیڑیاں عمر بچ لگ بھگ اک جیسیاں ہی سن، مگر رنگ رونق بچ بڑا ڈاڈا اُفرق
نظری آو ناسی۔

کپڑے تھونے، بڈھیڑی کی نہانا تھونا، کھلانا پلانا، ٹٹی پیشاب کرانا تہ کنگھی چوٹی
کرنی، ایہہ سارے کم ریحان نی ٹبری آپوں کرنی سی..... مگر کیہڑے ویلے.....
.....؟ ایہہ کسے کی کوئی پتہ نہیہ سی لگنا۔ جس ویلے وی جاؤ ریحان نی ماء نہاتی تھوتی نی،
کنگھی چوٹی ہوئی نی، کپڑے تہ کھٹ بستر اصاف سٹھرا، کول بہنیاں کوئی مُشک باس
نہیہ سی آونی۔ پوتری، پوتر اکوئی نہ کوئی دادی کول کال بیٹھانا ہونا سی۔ ریحان نی ٹبری کی
سس نال کوئی لگہ شکوہ نہیہ سی ہونا۔ آئے گئے نی وی ڈاڈی کچھ پر تپت کرنی سی۔ فوٹ
نالے خوشی خوشی چاء یا روٹی پانی کچھنی سی۔ اُس نا آکھنا سی جے ”ایہہ اساہڑی خوش نصیبی
اے جے اُساں کی اللہ اُمتاں ہوراں نی خدمت کرنے ناموقعہ دتا اے۔ آہنڈ گماہنڈ تھیں
لئی تہ آنے جانے والے وی بغیر دہسے ہی سمجھی جانے سن کہ دواں کُہراں نیاں تھواں نے
مزانج تہ کردار بچ زمی تہ آسمان نافرَق اے۔

سچ کسے آکھیا اے کہ ”تھہ کُہراں نی تہ منج کھندانے نی۔“



کرونا

اوہ کالج تھیں نکلی تہ اپنے کبر ادا ہر مڑ گئی۔ پوری شرمک سنسان آسی نہ آدم تہ نہ آدم زاد۔ نہ گرے گڈیاں تہ نہ رکشے۔

لاک ڈاؤن سُن پورا علاقہ سنسان بنایا دا آسا۔ اوہ تیز تیز قدم ٹرن لگی۔ ٹردیاں ٹردیاں اوہ سوچدی آسی امتحان دا فارم پہرنا آسا اُتوں آخری تاریخ ہے ورنہ کون بلا مارے آ۔ خدایا خیری نال کبر بچ گچھاں! اُس چوک پار کیتی تہ اتنے بچ ہک کار اُس کول آکھلتی۔ اُس بچوں دوچار بنڈے نکلے۔ اُنہاں کو دکھدیاں ہی اوہ سہم گئی۔ اُنندیاں شکلاں ہی ڈراونیاں آسیاں تہ اُنندیاں اکھیاں بچ شیطانی فتور صاف نظر پیدا آسا۔ اُنہاں اِس کو پکڑے دی کوشش کیتی۔ اس بے بسی دے عالم بچ آسماناں داہر دکھیا۔ خدایا گر جلاں!!! کدے توں رحم کریں تاں بچ گیسواں ورنہ..... ہک سیکنڈ دے ہزار ویں حصے بچ اُسدے ذہن بچ ہک خیال آیا۔ اُس اُچیاں چینک ماری ”بد بختو! ماہرے نیڑے نہ آئیو..... میں کرونا پازیٹیو ہاں“۔ اتنا سُن دیاں ہی تنڈے ڈر گئے اوہ گڈی بچ بیٹھے تہ گڈی وہا ہو گئی۔ اُس فر آسماناں داہر دکھیا ”خدایا تو ہڑیاں توں ہی جان داہیں۔ اِس کرونے دُنیا کھا چھوڑی مگر مگو بچا گیا!!!“





بس حادثہ

رات نا آخری پہر سا۔ تھلے بستیاں وچ کجھ لوک تہجد تہ نوافل نماز پڑھنے واسطے تے کجھ اپنے ڈنگراں کی کہناہ دانہ کھلانے واسطے جاگ اٹھے۔ اُپر والی سڑک جیہڑی جنگل بچوں گزرنی اے، اجاں اُجاڑ مجاڑ ہی سی اتے جنگ وچ چڑیاں پتنگے اپنیاں اپنیاں مٹھاں سُرّاں وچ گیت گانے سن۔ اتنے وچ پونچھ تھیں آونے والی گڈی کسے کلاء نی خرابی نی وجہ تھیں سڑک تھیں تھلے لڑھک گئی۔ ڈرائیور بس کی بچانے تہ مسافراں نی سلامتی واسطے ہتھ پیر مارنے وچ کوئی فرق نہ کیئا۔ بس نے مسافر چنچن چلان لگے۔ وظیفے تہ آیتاں پڑھن لگے ہور دعاواں کرن لگے پراک کبھڑی وچ ایہہ سب سڑک تھیں گڈی تھلے سُنسان جنگل وچ لڑھک گئی اور فراسکی کجھ پتہ ہی نیہہ کہ مسافراں اُپر کے گزری۔ پر بس کوئی ترے چار پلٹے کھائی دی تھلے کسے جیہڑے نے بڑے بوٹے نال ٹکرائی تے فرہتم گئی۔ بس اپنے پاسے پہاڑ بھیر ہوئی گئی سی۔

ایک آدمی اک کھڑکی تھیں جسراں کسے چُکی دے باہر پھینک دتا ہووے ہور ایہہ بے سُرّت حالت وچ پیا نا سا۔ اک آدمی نی اک لت ٹٹ گئی سی پر اجاں زندگی نے ساہ ہٹنا سا۔ اک گڑی نے چہرے اُپر شائد کسے شیشے ناکٹ لگا سا اتے اس وچوں لہو بکنا سا۔ اک ہور بندہ جس کی ہوش تہ ہے سی پر ایہہ گڈی نے اندر اسراں پھسیا نا سا

کہ اس کی نکلنے والا کوئی رستہ نہیں سالیہنا۔ اک فی لت ٹٹ گئی سی۔ ڈرائیو تے کنڈیکٹر فی حالت وی بُری سی۔ بُرے حال وچ پھسے سن۔ کوئی کسے دوئے فی کوئی مدد کرنے نے لائق ناسا۔ تھوڑی دیر ساہ ہننے تھیں بعد کنڈیکٹر بے چارہ دم توڑی گیا۔ بس نے کوئی چار پنچے گز نے فاصلے اُپر اک بیسی پی فی سی جس اپنے سینے سنگ اپنے معصوم بچے کی دبائی رکھیا ناسا۔ ایہہ بچہ اپنی کوشش نال یا ماں فی کوشش نال اس نے سینے سنگ چمٹیا ناسا۔ اس گل ناگھ پتہ نہیں۔ گھج بندے کراہ رہے سن۔ گھج بے ہوشی فی حالت وچ سن۔ گجھاں کی ہوش تہ ہے سا پر ایہہ گھج وی کرنے نے لائق نہ سن۔ پر انہاں نے شور غل نال علاقے نے گھج لوکاں ایہہ لوکاں سُنی دے سمجھ کھدا کہ حادثہ ہوئی گیا ہے تہ فراہیہ لوک حادثے والی جگہ فی طرف دوڑن لگے۔

ہک ادھ کھڑ جیاء شخص جس نے چہرے اُپر سخت دل ہونے نیاں علامتاں ظاہر سن بڑی چستی نال سب تھیں پہلاں حادثے والی جگہ اُپر پہنچی گیا۔ جیہڑے لوک ہوش وچ سن انہاں سمجھیا کہ کوئی پاک فرشتہ آیا اے ایہہ اساں فی زندگی نا سبب ہوسی گا۔ اک بندے اس کی پکار یا خدا واسطے میکی اس بس تھیں باہر کڈھو میں بُری طرح پھسیا نا آں پر اجاں زندہ آں۔“ دوئے پکار یا میکی چُکی دے اس کھڈے تھیں باہر رکھ دیو اللہ تُساں نا پہلا کرسی۔ ماہڑی لت ٹٹئی فی اے میکی سہارے فی تھوڑی جی ضرورت ہے۔ اسے طراں کسے ہور نے آکھیا ”میں سائی عمر تُساں نا نوکر رہساں میکی بچائی ہنو۔ غرض کہ جہاں وچ ہوش سی اُنہاں اپنیاں اپنیاں آوازاں وچ اس کی منتاں کرنیاں جاری رکھیاں۔ اس بندے پہلے ساریاں اُپر اک تالمی جی نظر بانی جس تھیں ایہہ اندازہ ہوئی سلکنا سا کہ ایہہ بندہ اس آدمی کی تکنا چاہنا اے جس کی مدد ضرورت سب تھیں زیادہ ہے۔ اچانک اس فی نظر اک نویں عمر فی عورت اُپر پی جس نا معصوم بچہ اس فی چھاتی

نال چمٹیا ناسا ہور اوہ بے ہوش پئی نی سی۔ اوہ بندہ اُدھری ٹُریا۔ تکلنے والا کوئی ہونا تے
 اس کی اس نی اس حرکت اُپر شائد ایہہ قیاس آونا کہ اس کی اس پیہی ہور اُس معصوم بچے
 اُوپر ترس آیا ہوسی اسے واسطے اوہ جلدی جلدی پہلاں اُس نی زنجیر اور کتاں وچ بالیاں
 معاملہ اس نے اُلٹ سی۔ اس عورت نے گل وچ سونے نی زنجیر اور کتاں وچ بالیاں
 تے ہتھاں وچ سونے نے کنگن لبھے سن۔ اوہ فوراً اگے ہو یا تے گل وچوں سونے نی زنجیر
 کچھ لئی۔ کتاں وچوں بڑی بے رحمی نال بالیاں کڈھ لیاں تے فر اوہ اس نے ہتھاں
 وچوں کنگن کھچن لگا۔ بے چاری لاچار عورت بچنے واسطے حرکت کے کرنی اس نے
 ہوٹھاں اُپر ذرا حرکت تک نہ آئی۔ ایساں لگ سکنا سا کہ شائد اوہ سوچتی ہووے کہ ایہہ
 بندہ مہاڑا سارا زیور گھنا اتار لیوے صرف میکی ہور مہاڑے دل نے ٹکڑے بچے کی
 بچائی لووے۔ ہتھاں وچوں کنگن اتارنے وچ دقت آئی تے اس جلدی جلدی اپنے
 گوجے وچوں ایک چاقوں کڈھیا تا کہ اس نی بنی کلائی کپی دے جلدی جلدی کنگن لئی
 دے پہلے اس تھیں کہ لوک آئی جان، نس جائے۔ اتنے وچ گجھ دوئے لوک اس کی
 آونے لبھے تے ایہہ بے رحم انہاں لوکاں نیاں نظراں تھیں بچی دے نس گیا ہور اوہ
 نویں سارے لوک انہاں دکھیاں نی مدد کرنے وچ جٹی گئے۔





تریہائی جھیل

پرت کھا کا اس سُن کڑیا پھر یا تہ دو تھ مَنہواں تلے رکھ کا فر سے گیا، مگر چھٹ
ہک ہو یا تہ فر ہک ہو پرت کھد لیس تہ اس واریں اس سُن کڑیا نیہہ پھر یا بلکہ
مَنہواں تھیں گجھ پڑھ پڑھ کیتا ہتھا دیاں مٹھیاں کھوٹیاں تہ لگدا آسا بے آکھدا
ہو وے میں پکڑ کھنڈ اہُن کدے بھی جُدا نہ ہون دیاں، اِسطراں کئیں واریں اس سُن
اِسطراں ہی عجیب قسم دیاں حرکتاں کیتیاں ہوں جُدا حساب ماہرے کول پورا نیہہ،
البتہ اسیں سارے جسے دُکھی ہوندے ہاں تہ شائد اُس ویلے اِسی قسم دیاں حرکتاں
کردے ہوساں۔

الطاف بن ٹھن کا کھر ونگتھا دوئیاں دوستاں نال میدان داہر ٹر پیاء آسا،
کیاں جے اُج اُنہاں کو کرکٹ میچ دوئے گراں دی ٹیم نال کھیڈنا آسا، ہُن ایہہ
الطاف دی ذات داملہ نہ آسا بلکہ ایہہ ہُن گراں دی عزت دا سوال بن گیا دا آسا۔
اِس واسطے الطاف صبح ہی کھلاڑیاں دی مشق دِکھے واسطے اس سُن کلکیاں لائیاں تہ
کھلاڑی مدان بچ لہے آئے ہو ر کھیڈ شروع ہوئی۔ لوک ہولیاں ہولیاں ایسے شروع
ہوئے تہ دِکھ دِکھ دیاں مداناں دے آساں پاساں دی جاء پھرے گئی، نِکے جنڈک،

نوجوان تہ کنیں کڑیاں تہ بڈھے بھی آگئے، ساڑھے دس بجے میچ شروع ہويا، پہلیاں دوئے گراں دی ٹیم کھیڈ کا کُل ۴۰ ارن بنائے تہ ارے آوٹ ہو گئے۔ ہُن دوئی ٹیم کھیڈے واسطے آئی تہ دساں اوڑاں بچ انہاں سُن سو ۱۰ ارن بنا کہندی اسی نال ہی الطاف دے گراں دے جنک نوجوان جوش بچ آکا اپنی ٹیم دی حمایت بچ بڑا زبردست شور شرابا کرن لگ پئی، پہلی ٹیم دے گراں دے گدرے رد عمل بچ شور شرابا کرن لگے، میچ بڑا زبردست رہیا مگر الطاف ہو ریں چھ وکٹاں تھیں میچ جت گئے اس نال ہی گئے، چھلکے تہ کھوڑی دیاں ڈالیاں این لکیاں الطاف سُن اپنی ٹیم دے گدرے بڑی مشکل نال اتھو کڈھے، اتنے بچ الطاف دے گرائیں واپس مڑکا انہاں کو مارن لگے کہڑی ہمیں بچ دوپا سے پانی پت دامان آسا، اتھا سکندر تہ پورس دی فوج صدیاں بعد زندہ ہو گئی ہو رہک واریں اوہ لڑائی فر اس سر زمین تے آج دہرائی جلن لگی۔

معاملہ بڑا التماں ہو گیا جنکاں دے بٹے مارنے ہُن دواں گراواں دی لڑائی دی صورت اختیار کر کہندی دی ہے۔ پولیس تہ فر تحصیلدار دی مداخلت اتھا تکر پہچی کے جیہڑے لوک میچ دکھے واسطے نیہہ بھی آئے ہو رکھ تہ جندر اتے مکئی پیہا لدے آسے ہو رکھ ٹکیاں بچ اٹ چاہڑے دے آسے، تہ گجھ بچارے دکاناں تے یا دفتر اں بچ حاضر آسے اندے خلاف مقدمہ شروع ہو گیا، اتھا گراں دے لمبر دار سُن جیہڑے ناں دتے اوہ سارے اُسدیاں اکھیاں بچ چنبدے آسے تہ اسطراں ایہہ ہک گراں دی عصیت دامسلہ بن گیا۔ گجھ سال پہلاں پہاڑی گراں دی عصیت بچ نہ بلکہ قومی عصیت بچ بدھے آسے مگر ہُن اوہ گراں تہ فر گجھ عرصہ بعد اوہ محلیاں دی عصیت بچ بندھے گیسن۔

الطاف پوری رات سے نہیہ سکیا بلکہ بے قراری تہ بے چینی دی حالت بچ
 کہڑی کہڑی پہڑ ہک کا جاگ گیندا آسا الطاف سوچیا جے ایہہ کے ہو گیا آج دُنیا کو مگر
 آساں سُن جنہاں دے حوالے اپنی تہذیب کیتی، انہاں سُن موڑ کا آساں کو آسدی
 تہذیب دے بدلے ایہجَا نظام دتا جس نال آسیں کہیں دوئے دے دشمن بن
 سکدے ہاں تاں کسی ملک بچ کجھ مسئلے ہوئے تہ فیصلے واسطے اوچے لوک ایندے
 ہین جیہڑے فیصلے دی جانی ہو رنا چاتی تہ فتنہ باہ گیندے ہین۔

پہاڑی دیاں اپنیاں کھیڈاں آپا بچ محبت پیدا کرنے دا ذریعہ آساں مگر آساں
 اُندامنڈھ مہیڑ ہی گال چھوڑیا۔ اس کھولا دا نتیجہ ایہہ نکلتا جے دوئے گراں دے بڑے
 بے عزت ہو دے ہو ر آپا بچ رنجشاں پیدا ہوئیاں، الطاف دی بے چینی ہو ر تڑفراٹ
 بدھدا گیا اوہ کُہر و نکل کا چورا ہے تہ بزاراں بچ لوکاں دی پہیڑا بچ ایہہ آوازاں دیندا
 جلد ا ہے کہ آو سارے رل مل کا بہواں سوچاں آساں کو کے ہو گیا دا ہے ایہہ مقدے
 بازیاں، کُہول کمسہان، بیر تہ عداوتاں چھوڑاں رل مل کے اتفاق نال کُٹھے رہواں،
 رکیاں آسیں آج اپنیاں دوستاں کو ہی دشمن سمجھدے ہاں، لوکاں یا غیراں اگا کُٹڑ بن کا
 چوگ چکن لگدے ہاں کجھ فساد دی آئے تہ آکھن لگے ایہہ ہی ہے بڑا فتنہ اس کو مکاؤ۔
 انہاں سُن اس کو چا کو کندا تو تلاء تہن ماریا۔ جیاں الطاف ٹنگے تو تلاء لگایاں جاگ گیا۔





بد بخت

اَج نسیمو اپنے دواں پُتراں کی جیہڑے اک دلی تہ دُوا بمبئی رہنے سن فون
 کروایا جے تاولیاں تاولیاں کُہرا چھو..... تُساں نا اُتا بہوں ماندا اے۔
 چوتھے روز دوئی پُتر کُہرا آپچے..... مگر بال بچے تھیں بغیر!
 ماسی نسیمو آکھن لگی ”پُتر و! ڈاکٹر آکھنن جے تُساں نے اَبے کی دلی پاہور
 کدھرے چنگے جے ہسپتال بچ لئی جاو..... اتھاں علاج ممکن نیہ۔ ہُن تَس
 دوئی پُتر آپے بچ مشورہ کرو جے پیوکی آپے نال کون لئی جاسی۔“
 دوئی پُتر اکس دُوے واخ تڑتڑ تکلن لگے۔ راتی اس گل ورز بردست بحث
 ہوئی۔ دوئے اپنی اپنی مجبوری دہسن لگ پئے۔ ماسی نسیمو انہاں نیاں گلاں سُننی
 ریہی۔ جس ویلے ایہہ دوئی پُتر آپے بچ چنگون لگے ماسی آکھن لگی ”اوہ بد بختو! تَس
 کیاں آپوں بچ لڑلڑ کے مرن لگیو۔ تَس فکّر نہ کرو! اجاں میں جپندی ہاں۔ میں خود
 انہاں نا علاج کراساں، مگر خرچ.....!“
 ایہہ سُنیاں ہی دواں پُتر اواں سُکھے ناسا ہند اتہ پیسے کڈھ کے ماسی کو دتے
 ہو را سے روز واپس مُڑ گئے۔



خدمت

”بچہ عارفہ! تھوڑا جینیا کھانے کی کچھ مِلسی“ چاچا بشیر کندھے نال ٹپھن لائی
اپنی نہہ کی آکھن لگا۔

عارفہ منہہ ناساں چاہڑی ہندیاں۔ ”ایہہ وی کوئی ٹیم اے کھانے نا؟“
چاچا بشیر..... ”پشلے پندراں سالاں تھیں شوگرنا مریض ہاں۔ بہوں
چراں تھیں دل کھہرانا اے..... سارا جسم تریلیاں نال ترہو گیا اے۔“
عارفہ..... ”دل کھہرانا اے تہ لوک پانی پینے ہین، لیکن تَس تہ جس ویلے
تکو کھانے رہنے او۔ اس عمری بچ لوک اک ٹیم نی رُئی بیہہ کھائی سکئے، ورتس تہ تہیاڑی
بچ بچ واری کھانے او، جسراں کوئی بچ وقت نی نماز پڑھنا اے۔“ رُو ہے نال
پہانڈے پٹا کنیاں عارفہ اُٹھی باہر نکلی گئی۔

دوے ہی روز چاچے بشیر ہور اللہ کی پیارے ہو گئے۔
عارفہ تہ اس واری خدمت نے معاملے بچ ساریاں کی پچھاڑ چھوڑیا۔ برابر
چالیسویں توڑیں اوہ ترے ٹیم غریباں تہ مسکیناں کی کھانا بندنی ریہی تہ سارے
خاندان نے دلاں بچ کھہر کر چھوڑیا.....!





حمد

رت نے لوٹھڑے کی حرکتاں بخشا
نوں نہالاں کی شفقتاں بخشا

نا سمجھ کی سمجھ عقل مندی
ناتواناں کی قوتاں بخشا

اپنے لامحدود خزانے اندروں
بنی آدم کی دولتاں بخشا

آپ ہی ہے مولا بخشہار
جس کی چاہنا ہدایتاں بخشا

ان داتا ہے ساری خلقت نا
دانے دانے بچ برکتاں بخشنا

رنگ والے نے رنگ زوالے نے
فاقہ گشاں کی نعمتاں بخشنا

راہی پرہیزگار اُمت کی
ایہہ بہشتاں جنتاں بخشنا



حمد

(سورہ فاتحہ دا خلاصہ)

اللہ دے ناں تھیں شروع کریئے رحیم تہ بہت مہربان جیہڑا
ساریاں صفتاں اُسے دیاں پالنےہار ہے دوئے جہان جیہڑا

اوہ بہت ہی مہربان ہے، رحم کردا ہے وار و اور سب تے
مالک ہے روزِ حساب دا اوہ جتھا تلسی عمل سامان جیہڑا

اسیں توہڑی عبادت کردے ہاں، توہڑی ہی مدد منگدے آں
راہِ سدا اَساں کو دہس رَبا نالے راہِ سدا ہسے دا تہیان جیہڑا

جہاں تے توہڑی مہر ہوئی اُنڈے راہ تے اَساں کو لا رَبا
اُنڈے راہ نہ لا جو پُہل گئے فر جہاں تے ہو یا غضبان جیہڑا

بیکس، بے بس اختر دی سُن عاجزی تہ فریاد رَبا
قبول کریں دُعا رَبا نالے پورا کریں ارمان جیہڑا



نعت پاک

فتح و نصرت کامرانی نعت خوانی رسول
عیش و عشرت شادمانی نعت خوانی رسول
میں سروں ہاں اٹھا ڈورا کلا تھتھا بے زبان
میں کے کرساں بے زبانی نعت خوانی رسول
پھل تہ بلبل پُہور پکھنوں گنگنا نے صبح و شام
ساری خلقت گلستانی نعت خوانی رسول
دل دماغ کو پھیری انتشاراں کہیر یا
بس ہے کرنی پاسبانی ، نعت خوانی رسول
ہے معطر ایہہ ہوا تہ ایہہ فضاء تہ ایہہ خلاء
ہے سراپا گلفشانی ، نعت خوانی رسول
ہے تمنا بے عقیدت نال ایہہ عادت ہووے
ساری ساری زندگانی نعت خوانی رسول

ہو رصفتاں تھیں علاوہ ایہہ بھی ہے ہک صفت خاص
 مردِ مومن نی نشانی نعتِ خوانی رسولؐ
 آپ مالک تہ ملائیک پیہ ایہہ جنے رہنے سلام
 ہے اصولِ لامکانی نعتِ خوانی رسولؐ
 اس فضیلت تھیں میں پُتے فیضیاب ہونے ڈٹھے
 غیرِ مُسلم تہ گیانی نعتِ خوانی رسولؐ
 حق ادا کر ہی نہ سکسی ایہہ نکمّا ناتواں
 پہاویں عمرِ جاودانی نعتِ خوانی رسولؐ
 کٹھے نالے، تلے نلے، ٹہاکے، بیلے، پتھریاں
 ٹھوک ساری گنگنائی نعتِ خوانی رسولؐ
 منزلِ مقصود توڑیں قافلے نی رہبری
 ہے سرودِ کاروانی نعتِ خوانی رسولؐ
 جے نبیؐ نا عشق نہ ہووے دلاں بچِ موجزن
 تھوڑی بہتی وی نیہہ آنی نعتِ خوانی رسولؐ
 کہہ عظیمیا میں لکھاں، الفاظ نی اٹھکل وی نیہہ
 اس گلوں میں پانی پانی، نعتِ خوانی رسولؐ



.....میر غلام حیدر ندیم

نعت پاک

عرشِ عظیم تھیں وازاں آئیاں
جنت اندر اُچیاں جائیاں
واہ واہ کملی والیا سائیاں
واہ کملی والیا سائیاں
سوہنے گیسو چن جیاء چہرہ
سب دُنیا تُوں مکیا انہیرہ
نہیرے بچ جس لاٹاں لائیاں
واہ واہ کملی والاں سائیاں
گُفر و شرک ہووے سب دُور
سب دُنیا ہوئی تُوروں تُوں
نیکی دیاں فصلاں راہیاں
واہ واہ کملی والیا سائیاں

لکھاں نبی دُنیا تے آئے
 گل آسے آدم دے جائے
 کوئی پُچھا تَسدیاں تھائیاں
 واہ واہ کملی والیا سائیاں
 عملاب باجج ہے چھولی خالی
 در تَسدے دا میں ہاں سوالی
 اُس درتے ہی اُمیداں لائیاں
 واہ واہ کملی والیا سائیاں
 تَساں بُلایا شہر مدینے
 تھنڈے ہووے تہنگھدے سینے
 نیکیاں چُن چُن چھولی بائیاں
 واہ واہ کملی والیا سائیاں



نعت پاک

اوہ شافعی محشر ہے تہ اوہ کوثر دا والی ہے
دو عالم دا آقا اوہ جسدی کملی کالی ہے

ہر جنس جس دے ذکر پنج ، محو ہر ویلے ہے
جس دے در تے شاہ بھی بن کا گیندا سوالی ہے

جس دے صدقے رب سوہنے دُنیا ایہہ بنائی ہے
اُس دا ہر قول تہ فعل ابدی تہ لامثالی ہے

جس دی صحبت پنج رہ کے پُتر پیو کو چھوڑے جی
رحمت دا اوہ دریا ہے اوہ ذات کرماں والی ہے

جس دی سیرت دا احاطہ ممکن نیہہ بس ممکن نیہہ
بعد اللہ دے کمال اُسدا ، اوہ ہجا با کمالی ہے

تُسدَا رستہ چھوڑنا ، رُسوائی ہے دوجہاناں پنج
غافل اُمت کدوں سمجھسی ، کیاں خستہ حالی ہے

تُسدی غلامی پنج نعیم سرفرازی ہوسی محشر پنج
اُس دی اطاعت اندر ہی بس توہڑی خوشحالی ہے



.....محمد رفیق قریشی

نعتِ پاک

دو جہاں تے ایہہ رب دی عطا ہوگئی
تاجدارِ حرم دی نگاہ ہوگئی
عرش تھیں فرشِ رحمت دی برسات ہے
عاجزی ہے کسے دی مناجات ہے
نسلِ آدم بڑی اک سوغات ہے
سوہنے رب سنگ کسے دی ملاقات ہے

فر قبول آج کسے دی دُعا ہوگئی
تاجدارِ حرم دی نگاہ ہوگئی
جس دا دو جگ تہ اُچا مقام ہوگیا
ذکرِ جس دا ایہہ خیر الانعام ہوگیا
جس دا ہر بادشاہ بھی غلام ہوگیا
جیہڑا گلِ انبیاء دا امام ہوگیا

خاکِ پاہ جس دی جگ تے شفاء ہوگئی
تاجدار ، حرم دی نگاہ ہوگئی

مَک گیا دورِ جہالت دے طوفان دا
 ذکر جسدا ہے جذبہ ہر ایمان دا
 چھا گیا ہر کبھی حکم قرآن دا
 ہے مکمل بیتاں ہر اک عنوان دا
 جسدی تعریف ایہہ وصفہ ہوگئی
 تاجدارِ حرم دی نگاہ ہوگئی
 اُندی خیرات جگ کو امامت ملی
 رب دافرمان ہور ایہہ شریعت ملی
 پٹواں یاراں کو دیکھو خلافت ملی
 کربلا وچ جس کو شہادت ملی
 ہور نماز عشق بھی ادا ہوگئی
 تاجدارِ حرم دی نگاہ ہوگئی
 شان اُچی زالی حبیبِ خدا
 ہے یتیمیاں دا والی حبیبِ خدا
 جسدے در میں سوالی حبیبِ خدا
 سبز گنبد دی جالی حبیبِ خدا
 جس بھی پکڑی تہ حاجت روا ہوگئی
 تاجدارِ حرم دی نگاہ ہوگئی
 ظلمتاں کو سکھائی ہدایت دی راہ
 نور چھایہ ہوئی بُت پرسی فنا

عرش تھیں ہک منادی ہے تحت سرہ

مرحبہ مرحبہ مرحبہ مرحبہ

ہر بکھی مرحبہ دی صدا ہوگئی

تاجدارِ حرم دی نگاہ ہوگئی

خالی موڑو نہ چھولی خدا واسطے

ابتداء لازمی انتہا واسطے

میں شرم سار ہر اک خطا واسطے

ہتھ گھلے کتنے زحمتی دُعا واسطے

ساری تہرتی ہی آج کربلا ہوگئی

تاجدارِ حرم دی نگاہ ہوگئی



.....سید خورشید حسین خورشید

نعت پاک

میں تعریف اُندی کراں کے بیان
ہے جندی خاطر زِی آسمان

عقل اُسدی سمجھسی کے اُس ذات کو
رکھے محبوب اللہ تعالیٰ جہاں

واسطے سب جہاناں دے رحمت تُسیں
تُس دے صدقے ہی ہو یا خدا مہرباں

اللہ اللہ ہے کتنا اُچا مرتبہ
جُو گیا نال اللہ دے تُسدا بھی ناں

تُسدے صدے اُساں دین حق مل گیا
تُساں تے فدا ہو گچھے جند جاں

تُساں دتا اُساں کو نظام حیات
تائیں چنگے ہوئے اُسدے دوئی جہاں

رہوے خورشید تے فضل ہر دم توہڑا
ہے توہڑا آسرا تہ تُوں ہی مہرباں



.....سید اسحاق تبسم

نعت پاک

سوہنا پاک محمدؐ پیارا ہے محبوب حقانی
دو جگ اندر چاں لایا سوہنے چن نورانی

غارِ حرا تھیں جاری کیتا چشمہ فیض رب باری
عرش فرش تک روشن کیتا فضل ہو یا رحمانی

مہر نبوت تاج رسالت دتا پاک الہی
ملے سب انعام الیوں روحانی جسمانی

بیٹھے تخت رسالت اوپر پاک محمدؐ پیارے
کھول سائی دُنیا اندر آپ توحید ربانی

خاتم رسالت مہر نبوت آخر نبی پیارے
دو جگ اندر فضل پہنچیا فضل ہو یا رحمانی

دو پھاڑ ہو یا چن آسمانی انگلی دے اشارے
چہڑھ پیاء قدماں اندر سوہنا چن نورانی

عاشق ذات رسول اللہ نے جتنے نبی وی آئے
کرن صفت بیان محمد دی ہوں سب قربانی

طفیل محمد یا رب میرا دور ہووے غم سارا
عرض کرے تبسم ہر دم فضل ہووے رحمانی



.....فرح زیدی



نعت پاک

میں تیری ہی ہاں ملنگ نبیؐ
مکو رنگ دے اپنے رنگ نبیؐ

ایہہ پہنیت دلاں دے کس کو دہساں
راہ تیرے ہی ہاں سنگ نبیؐ

تیرا رمز رمز ہی باطن سب
میں ظاہر ہاں ہک ہی ٹھنگ نبیؐ

سُن آواں تیری بولی میں
دَر تے پھیلاواں چھولی میں

ہک تیرا راگ الاپے ہُن
اندر دی میری جنگ نبی

اَسیں عشقے مارے تیرے ہاں
غم اسی بس کہئیرے ہاں

نفس کو مار مُکا زیدی
اِس نفسا دُنیا مار کھادی





اپنے لئی وی سوچنا بُریائی سوچنا
انسان ذہن کی جدوں گرمائی سوچنا

کپتی ہمیشہ چھام تھپاں نے مقابلے
کس آگ میرے پتراں پہڑکائی سوچنا

پریاں پُرانے زخم ساہ پھونکنا لگے
پہٹھی میرے وجود کس پہنکھائی سوچنا

لپر و لپر عصمتاں مُنصف وی جاننا
لمی باہی تریک کہہ دانائی سوچنا

انسانیت ساہڑے گراں ، گاس چری گئی
فر موسیٰ یا خاب کی ، سرچائی سوچنا

آکھری نے چھنگواں چوں گزونا پیا
کرساں مڑی لباس نی ترپائی سوچنا

چوفا ، قناعت ، غیرتاں نیلام کر جُلے
تہرت پلر کھا گئی فقرائی سوچنا



آکھری..... اک قسم نی بیوں بڑی بیل

تہرت پلر..... تہرتی در غائب ہوئی جانا۔ سُسر ج غائب ہوئی جانا

..... شیخ آزاد احمد آزاد



شروہی بکھ تہ ہوسی جگ نا ہاسا
کھرے نا راز جے دتا توں ماسا

نہ اپنا کوئی سا محفل نے اندر
سمجھ آئی پیّا جس ویلے باسا

بچا سکے نہ اُس کی کوئی چھلّی
جے کندے نی ہووے سازش دلاسا

ٹری گئے سن اوہ واقف کار سارے
بقایا لوک سن ، کردار نہ سا

.....
مسیں آیاں اُنہاں کولوں مڑی تہ
نہ کرساں عُمر ساری ہُن تقاضا

کسے فی یاد بچ آزاد کیاں
مگی لگتا ہے ایہہ دُبا نا خاصا





زندگی ساری گزاری کچیاں آساں نے بچ
ڈر کدے رکھیا، نہ ڈریاں کالیاں راتاں نے بچ

پہپہ بچ پھس کے حرص نی، اپنا رستہ پہل گیاں
ہے سی منزل کول ماہڑے، چنگیاں سوچاں نے بچ

انسان فی عظمت نے رازاں کی سمجھسی کہہ جیہڑا
بٹ کے وی بٹنا رہیا، ساری عمر ذاتاں نے بچ

ایہہ پتہ کہہ سا جے پھلسی باغ ماہڑا جس کہڑی
در بدر ہوساں میں جائی دؤر پردیاں نے بچ

جان ماہری نا سا دشمن راہنما ماہرا ہمیش
آگیا ساں جال نالے اُس نیاں چالاں نے بچ

آج تہ پیراں نے ایہہ چھالے پلپلے ہوئی گئے
کہہ پتہ آزاد ہوئی حشر کہہ خاراں نے بچ



..... اختیار نسیم ہاشمی



دُنیا نا ارمان نیہہ کوئی
پلے ہور سمان نیہہ کوئی

نیچاں سنگ نہ یاری لایاں
نیچاں کی پہچان نیہہ کوئی

ہر قدمے درموت نے پہرے
جینا کم آسان نیہہ کوئی

تنگی بکھ تہ دور میں جانا
ایہہ ماہڑا ایمان نیہہ کوئی

اک ویرانی ٹکراں مارے
اندر ہور سمان نیہہ کوئی

اٹھ نسیمآں شام پئی گئی
رستے نی پہچان نیہہ کوئی





کٹاں بچ چلیساں آیاں کئی واری
ظالم نیاں ہوياں بدھیکاں کئی واری

کدے تہ دتا توں اثاثہ اپنا نہ
باقی رکھیاں میں لکپکاں کئی واری

ایہہ پتہ سی کر کے وعدے پُہلنا تیرا
یاد میں رکھیاں کئی تاریخاں کئی واری

میں نبھایا سارا جھنجھٹ تنگی بچ
مُنہہ متھا سی بچ شریکاں کئی واری

آس رکھی کہ بدل آسن ٹھنڈک ہوئی
ٹہپاں کٹیاں نال رفیقاں کئی واری



.....ڈاکٹر جہانگیر دانش



اَساں اپنی محبت سپنے نال لا رکھی آسی
فر کیاں ہوا دے نیڑے بتی لا رکھی آسی

ذرا تریڑ پئی تہ چھالے چڑھ گئے
ایہہ کبھی تریہہ جگر بچ دبا کا رکھی آسی

چھٹی دے ہولے بچ پھرنا نصیب ماہڑا
مکان دی بُناد زمیں تھیں ہٹا کا رکھی آسی

بے خوف ہو کا راتیں کدے میں سے نہ سکیاں
کیہڑی دولت ربا میں کما کا رکھی آسی

راتیں دے تنبو کل بھی آسے اُداس مَچ
نیڑے بیہڑے اگ اَساں بھی لا کا رکھی آسی

اوہ آخر کہہ آسا کہ نا اُمید ہو کا بھی
اُسی نال آس اَساں بھی لا کا رکھی آسی

ایہہ اَسماں دانٹا کیاں اَساں تے چہڑ گیا
اُڈاری نہ کوئی اَساں بچا کا رکھی آسی



.....محمد منشا خاکی



تکلیاں فر ملاقاتاں ہوں
مِلْسَن لوک جماعتاں ہوں

دُور دفع ایہہ روگ ہو گئی
دین دُنیا نیاں باتاں ہوں

نیکاں نے بچ رَلی جیہڑا
اُس نیاں اُچیاں ذاتاں ہوں

مِلْساں جیکر چنے رہساں
زندگی نال براتاں ہوں

عملوں ولے تکل خورے
غم یتاں کالیاں راتاں ہوسن

ساری دُنیا سوچاں بچ ہے
سکھ سکون یتاں ساعتاں ہوسن

افراقفری توں ہے لگنا
منشا دُکھ آفاتاں ہوسن



.....ملک شفیق عارش



اک سمندر پار کرنے جاوساں
پیار نے دریا کی ترنے جاوساں

جاننا مرساں گا فر وی موت سنگ
اکھیاں کی چار کرنے جاوساں

اس برہیا فر تریلاں واسطے
اگ نا پرچار کرنے جاوساں

تہمدیاں نی چار بونداں آنے
بدلاں سنگ گل کرنے جاوساں

میں اکہلا ہی تریلاں لئی شفیق
ریت نے دریا کی ترنے جاوساں



.....سر دار جاوید خان جاوید



ایہہ دیوا یاد نا بلنا ہوا نا زور وی رہنا
مِگی لگنا دِلے اندر کوئی تہ ہور وی رہنا

کوئی تہ ہے جیہڑا رکھنا زمانے کی سمہالی تہ
ایہہ ڈاہڈے لوک وی رہنے اِتھے کمزور وی رہنا

پکھیر و جان وی دینا زبانوں بولنا گجھ نیہہ
جے می کنڈا پڑے تہ کر بلا نا شور وی رہنا

توں اپنی چال ور مغرور ہوئیں فر وی کہہ ہوئی
میں سُنیا اِسے جنگل وِچ گُریں اک مور وی رہنا

تریبہ ماہری سمندر کی سکاسی فر پتہ لکسی
گرے تسنیم و کوثر نا اجیں اک دور وی رہنا

خزانہ درد نا جاوید لکسی فر کوئی اپنا
کہ ماہڑے چھانو لے نے نال پچھے چور وی رہنا





دُنیا نے چھمیلیاں بچ
سر جانی کڈھیا بیلیاں بچ

پکے کوٹھے ٹہننے پے
اُج پانی نے ریلیاں بچ

کئی سدوتے گئی گئے
تھوہ نیہہ لگنا میلیاں بچ

اس نی گل وی لوہلی اے
جیہڑا بہنا بہلیاں بچ

اِحسن رکھدا سکھ نا ساہ
جگنو تنکی بیلیاں بچ





ماہڑیاں کندھاں مکان پہاڑی ہے
دل دی تہڑکن تہ جان پہاڑی ہے


ماہڑے وہم و گمان پہاڑی ہین
ماہڑا ذکر و تہیان پہاڑی ہے

میں ہاں بسنپک اُچیاں پہاڑاں دا
ماہڑا قومی نشان پہاڑی ہے

ہے ماہڑے پیو دا اثاثہ ایہہ
ماہڑی ماں دی زبان پہاڑی ہے

ہین ہور بھی زبانان دل آویز
سب تھیں مٹھی زبان پہاڑی ہے

شاد لفظاں تے غلبہ اُردو دا
پر شعراں دی کھان پہاڑی ہے



.....مشکور احمد شاد



اِس بھریا بھی بہار دی خوشبو نیہہ لبھی
پہلے پہلے پیار دی خوشبو نیہہ لبھی

بھری ہے کوئی آگ آساں دے شہر اندر
امید سی جس گلبار دی خوشبو نیہہ لبھی

دفن ہوئے تک جس لئی اکھیاں گھلیاں سن
بس اُس دے دیدار دی خوشبو نیہہ لبھی

گناں تہ نازک رشتے سارے ٹٹ گیسن
کس کس دے اعتبار دی خوشبو نیہہ لبھی

مِل کے بھی ہک کھر ہے بلدا دل اندر
شاد کے اُس دلدار دی خوشبو نیہہ لبھی





تیرے در نی فقیری مگی قبول ہے
پہیکھ بچ جے سونا ملے اوہ دھول ہے

تیری سنگت نی ہر کھڑی ماہڑے لئی
کہہ دہساں جے کتنی اوہ انمول ہے

جو وی دُنیا بچ کسے نے کم نیہہ آنا
اُسنا جینا تہ جینا ہی فضول ہے

ووڈ لینڈ، کلرک کی میں کہہ کرنا
چنگی مگی لگنی بابے نی پوہل ہے

ویلے سر جس اپنیاں نی قدر نہ کیتی
ٹہہ پیا تاں فر کرسی وی کہہ مول ہے



.....حیدر گل



اویکھے سوکھے ساہ نی مائے
بیلی بے پرواہ نی مائے

اسیں تہ ہاں نوکر چاکر
ویلا بنیا شاہ نی مائے

ایہہ جتد جاسی، جاسی اک دِن
چار دناں نے ساہ نی مائے

بیلی دل نا بیٹھا ہويا
اندر کھپڑا ڈاہ نی مائے

تیرے میرے پیار نا گل جی
رہسی کون گواہ نی مائے



.....مہرا قبال منجا کوئی



سب کرتوتاں چھاپے چڑھسن
کھمّوں، کنیاں چھالے چڑھسن

سیٹھ نا منڈا، میٹ نا منڈا
ساون پنج اوہ فاتے چڑھسن

لاڑی نے سب ناز تہ نخرے
پہلکے پرسوں ٹہاکے چڑھسن

توہڑے عطر فلیل نی تہمتاں
سب ملکاں، سب علاقے چڑھسن

ماسی اُٹاں آکھن گڑیئے
کچھاں موہنڈے کا کے چڑھسن

جو بن نا جد تہواں ہٹی
اکھاں اگے خاکے چڑھسن



.....مجر مقبول بیتاب



ہنجو پئی تہ ہسیاں اکھیاں
پر پڑاں نہ دہسیاں اکھیاں

ایہجے تیر چوبکھی لگے
بن گئی نے کسیاں اکھیاں

ماہڑے باندے جد اوہ آئے
تک تکلنیاں ای نسیاں اکھیاں

لکھ کروڑ میں کوشش کیتی
مڑ مڑ اُتھے رسیاں اکھیاں





تو ہڑے دل بچ نظر ہک ماراں کون رکھیا ہے اس بچ چھپا
دل لا کے ذری دکھ کہن توں کوئی نیہہ اس بچ خطا

ماہڑا محبوب نظراں بچا کے دُروں دُروں ہی نسن لگا
چھدا کوئی اُسکو جُل کے ہے تہ نیہہ ماہڑے توں خفا

کدے کھسکے راروں پاروں کدے رُس جُلے ماہڑے نالوں
اس نخرے دا ساڑا تہ ہے پر پیار دی نیہہ ایہہ سزا

حُسن اُسدا سدو رہسی نہ جوانی اس نال وفا کریسی
اُسکو کس چیز دا فر نشہ ہے اوہ نیہہ کسے دا خُدا

کھوہریاں نظراں کھٹیاں گلاں انہاں ہی کو پیار من کہناں
ایہہ بدخوئی عادت اگر ہے اس تے نیہہ کسے دا گلا

پیار دے جد تارے بنے ، توہڑا ماہڑا ہک اختر بنیا
جسے پہاویں بکھرے ہوون جان اُسدی نیہہ جدا



..... رابعہ کوثر



دُشمن کی اوہ تار گیا
لگنا ڈنڈی مار گیا

مگری مگری میں وی آخر
دل فی بازی ہار گیا

دجھوں اَسائیں ڈکيا مُلاں
آپے اُس بازار گیا

لوکاں پہنانے ککھ نہیہ ہویا
میرا سب کھر بار گیا

اُس کہہ مڑنا کوثر جیہڑا
ست سمندروں پار گیا



..... وقار دانش



کپر ہجر دا بلدا رہیا
آ آ بڈل ٹلدا رہیا

دیکھدے رہے پتنگ تماشہ
موماں نالوں گہلدا رہیا

آسے پاسے شور کونکارہ
چُپ کر کے اوہ چلدا رہیا

ہک بھی پنچھی ہتھ نیہہ آیا
نت کرکلی چھلدا رہیا

طعنیاں کھا کے تن مکایا
درد کلیجہ سلدا رہیا

قیمتی ویلہ آپ گنوا کے
دانش ~ تلایاں ملدا رہیا





جی کہراوے کہہ بنسی گا
چین نہ آوے کہہ بنسی گا

ماہڑے دلے نے کچے کوٹھے کی
ہر دم ٹہاوے کہہ بنسی گا

ڈلکدیاں ماہڑیاں نیناں کی جے
کوئی نہ سکاوے کہہ بنسی گا

تواہڑے ہجر فراقے اندر
مُنہہ کلیجہ آوے کہہ بنسی گا

پہاری پنڈ غماں نی جے کر
نہ کوئی چاوے کہہ بنسی گا





جیہڑا دل بچ بس جاندا ہے
چین قرار اوہ کھس جاندا ہے

خورے کیوں ماہڑا اوہ دلبر
نیڑے آ کے نس جاندا ہے

جس سپ کو میں دُدھ پیالاں
اوہ ہی آخر ڈس جاندا ہے

اوہ دل ٹوٹے ٹوٹے ہوندا
غم جس دل بچ تہس جاندا ہے

زخماں دکھ کے وی اوہ ظالم
خورے کسراں ہس جاندا ہے



..... طارق احمد طارق



لمی گل جے کر جاسیں گا
جتی بازی ہرے جاسیں گا

عزت تیری ور جس دن آئی
نیزے ار گردن تہر جاسیں گا

سچی گل سنائی جے میں
جہنیاں جہنیاں مر جاسیں گا

سوچی سوچی گجھ نہ بنسی
ہمت کرسیں تر جاسیں گا

اپنے ہی پرچھاویں تھیں طارق
اک نہ اک دن ڈر جاسیں گا



..... ہارنا

..... طارق احمد طارق



پیار نے بچ سوغات ملی اے
بس اک کالی رات ملی اے

دستک دینے رہے بہوں سارے
دل بچ تیری ذات ملی اے

را بچھا ، مجنوں ، فرہاد سبھاں کی
عشق اندر بس مات ملی اے

تواہڑے باہجوں طارق میاں
بس اکھیاں برسات ملی اے





ماہڑے جھٹے آئیاں دو گلاں
زہر ' دوا از مائیاں دو گلاں

پنچے وقت دُعاواں منگ کے، کے لھیا
حاصل آخر آئیاں دو گلاں

ماہڑی زندگی دا ایہہ حاصل ہے
مہر محبت سپنے لائیاں دو گلاں

میں تہ توں کو چھوڑ کے ہک دی گل گراں
لکھاں واری ایہہ سمجھائیاں دو گلاں

دو دو کر کے دو گز دی جاگیر لہی
قبر حشر بس حاصل آئیاں دو گلاں



.....ادریس احمد ادریس



ایویں گل بدھانا رہنا
کپتیاں سب جتنا رہنا

پل پل آپ وی رونا ور
نال مِگی روانا رہنا

ہجرے نا ناگ بنی می
اندرو اندری کھانا رہنا

اج نہیں تہ کل آساں گا
گلاں بچ سرچانا رہنا

اج نہیں میں پہلکے اچھساں
لار پتے لانا رہنا





حیاتی میں ڈھٹی قضاء اوپری ہے
توہڑے شہر دی ہوا اوپری ہے

ایہہ منی طیبیا توہڑی بھی خطا نیہہ
درد ہے پُرانا دوا اوپری ہے


قاتل اوہ ہی ہے، اوہ ہی راہگزر ہے
حاکم نواں ہے سزا اوپری ہے

پہلاں نیہہ ڈھٹی میں رہت جگ دی
آج ابتداء انتہاء اوپری ہے

اُتھے دُور تک کوئی بسدا نیہہ شاید
دو گز ہے تہاری ایہہ جاء اوپری ہے

اُج نرم لہجہ تہ متھے تے بل نیہہ
جفا ہے مُسلسل وفا اوپری ہے

کئی واری پہلاں بھی چہڑیاں میں زخمی
عرش ایہہ تختے سرا اوپری ہے





سارے باغ بہاراں لوڑن
تگو پھل قطاراں لوڑن

شیریں تہ ہیر جئیاں آج
تگو لکھاں ناراں لوڑاں

آوے چن جی جلدی آ جا
پھل کلی مہکاراں لوڑن

تگو خالی میں نہ لوڑاں
تگو لوک ہزاراں لوڑن



.....مجرورح شاکر



نال اُگی میں کھینڈنا رہنا
تاں ہی تہ ہاں ہر غم سہنا

پُہنگھے بچے کہہ کھاسن گے
بس اسے گلے نا معینا

چنے خاطر اس دُنیا ور
دُکھ ' درد وی سہنا پینا

ظالم ' جابر نال وے سنگیو
ماہڑا نیہہ کوئی لینا دینا

پنڈ غماں فی چاء چاء سنگیو
میں رہیا ہاں اُٹھنا ٹھینا





عشق بے چارہ ذات نیہہ تکلنا
ہوئی جائے دن رات نیہہ تکلنا

عشق نچاوے ، عشق رواوے
تھپ ، ٹھنڈ ، برسات نیہہ تکلنا

درد ، بچر ، فراق نیہہ چھلنا
خوشیاں نی سوغات نیہہ تکلنا

آپوں نیہہ مرنا ، مار مکانا
لکھاں نی خیرات نیہہ تکلنا

ہتھیں مہندی لان نیہہ دینا
ڈولی تہ بارات نیہہ تکلنا



.....محمد یاسین



جُلدیاں جُلدیاں اپنی گل سُناساں گا
اپنا عاشق دُنیا کو بنا ساں گا

ہکو واری لوک سیانے ٹھگے گیندے
فر میں کسراں دو جا تہو کھا کھا ساں گا

سچی گل منان لئی جے گر لانا پووے
ایہہ نہ سوچیں اِس گلوں شرماساں گا

رَب کی جے منظور ہو یا تاں دکھ کہنیو
ظلمے نی ہر ہک کندھ میں ہٹاساں گا





اپنے اندر جالے دسدے
اگدے چکھدے جالے دسدے

ہر کوئی ہے پردیسی بنیا
ہر بوہے تے تالے دسدے

باہروں تہ ہین سوہنے سوہنے
پر اندروں ہین کالے دسدے

کنجوسی پنج نمبر ون ہین
پہاویں ہین اوہ لالے دسدے

ارنج میرج بھی اجکل دکھو
لگدا جیاں دھالے دسدے





یاد آئی مٹکو پُرانی کوئی
تیز طوفاں تہ شمع دیوانی کوئی

چار پاسے ماہڑے ہے کوئی مگر
صاف اوہلے ہے شے نورانی کوئی

اِس توہڑے پھر بچ بڑی عمر تک
خوب سڑدی ریٹی جوانی کوئی

آسماناں دے شہر بھناں مٹکو
کر گئی خاک لن ترانی کوئی





جُل مُڑ کا ہُن جُل وے اڑیا
بستی کھر نہ پُہل وے اڑیا

اپنا دیس مُلک نہ پُہلیاں
ورنہ جاسیں رُل وے اڑیا

عزت جیکر مول نہ بچی
کہہ رہی فر مُل وے اڑیا

بُغض ، حسد دی بلدی بتی
کر دے ہاں ہُن گُل وے اڑیا

اپنا مُل ہے اپنے ہتھ بچ
نہ کوڑی پہنا مُل وے اڑیا



..... غلام رسول مصطفائی



کس گل دی ہے یاری لوکو
بس ہے دُنیا داری لوکو

پنڈ درداں دی چائی چائی
جند اپنی ہے ہاری لوکو

تکدیاں تکدیاں میں بھی ہک دِن
جاساں مار اڈاری لوکو

چین سکون فر کدھروں آوے
ظلم جبر ہے ہاری لوکو

ماہڑے کھر تہ گچھ نیہہ رہیا
نہ بوہا نہ باری لوکو





راہزن سی جیہڑا رہبر اوہ ہی ہے
تہہ پہاویں بدلایا ہے پر خنجر اوہ ہی ہے

آکھدے ہین زمانہ بدل گیا، یقین نیہہ آندا
اوہ ہی شام ہت تہ سحر بھی اوہ ہی ہے

چندے جی مر گیا جس کو میں پی کا
آب حیات سمجھیا ایہہ زہر اوہ ہی ہے

قیامت تھیں پہلاں قیامت نیہہ ایندی
مگر نفو نفسی والا منظر اوہ ہی ہے

چنگی کھڑپنچا دی محل بنی آج ساگر
مگر افسوس غریبا دا مقدر اوہ ہی ہے





رَت بَر تے موسم آئے
گیت خوشی نے کُن ہُن گائے

چنگی فصل گتھوں آسی
کپساں اوئی جو سن رائے

اُتّاں ابا ٹُر گئے دوئی
گل اُساں کی کون ہُن لائے

ساون اکھاں بھرنیاں رہنیاں
کہہ دہساں میں حال وے مائے

بیہ تھیں بعد تہیاں پہنیاں کی
کد ملنے فر چاچے تائے



.....انعام الحق بسمک



خوش فہمی بچ گزر گئی یار ساری زندگی
کر گئیاں گمراہیاں بیکار ساری زندگی

غفلتاں بچ دِن جوانی دے گزر گئے دوستو
وقت پیری ہوگئی مسمار ساری زندگی

یاد کر کر کے جوانی کو میں پچھوتا ندا رہیاں
مڑ نہ آئی بچپن دی بہار ساری زندگی

خواہشاتِ نفس کو قابو نہ کر سکیاں کدے
زندگی تھیں میں رہیاں بیزار ساری زندگی

بے وفا کر کے جفا اُجکل بڑا خوشحال ہے
میں رہیاں چھلدا وفا دا مار ساری زندگی

خوابِ غفلت بچ رہیاں انمول نعمت مُک گئی
نہ ہو یا بے کمال کدے بیدار ساری زندگی





اک دن اوہ پچھتاسی ، تکی ہنیاں
کھر مُدی اوہ آسی ، تکی ہنیاں

تہی پُڑاں نی خاطر ابا جی
چڑھسی اک دن پھاسی ، تکی ہنیاں

ویلہ ملیسی گا جد کدے وی
داء اپنا اوہ لاسی ، تکی ہنیاں

ظلم نے جانا ہے ہی اک دن
اُج نہیں کل تہ جاسی ، تکی ہنیاں

جس ویلے نی قدر نہ کیستی شاہ جی
توت گُتے نال کھاسی ، تکی ہنیاں



سنیل پردیسی



کس کی حال سناواں اڑیے
ایو سوچی جاواں اڑیے

بہاراں نے بچ اگاں لا کے
آئیاں فر خزاواں اڑیے

کیہڑا ہور ہے ماہڑا چگری
توں ماہڑا سرناواں اڑیے

اوہ تہ ہے پر کوئی نہ جانے
توں ماہڑا پرچھاواں اڑیے

دُکھ درد سب تہی پُتراں نے
جان سمجھن ماواں اڑیے





کھر بچ پہاٹے پچنے دے
آہٹ گواہٹی بھجے دے

کدھرے سائیاں لکیاں ہوسن
ایویں نیہ اوہ سجنے دے

ہر کوئی بنیا حیوان اتھے آج
سر اپنے کی کجے دے

ہر کوئی لیڈر اجکل دکھو
اک دؤے کی تجھے دے

کہہ کرساں فر پردیسی یارا
تک تک وی نیہ رجنے دے



.....ملک تو قیر النساء



ماہڑے نین سوا لی رہ گئے
لیکن فر وی خالی رہ گئے

توں پردے بچ رہیا سدا ہی
شکر تیرا جے حلالی رہ گئے

لینے والے لے گئے سب گجھ
سُفنے ماہڑے پالی رہ گئے

ہنجو ہر دم بگنے رہنے
نین ماہڑے وی کھالی رہ گئے

کوئی جاء وی خالی نیہہ ریہی
کگو ٹاہلی ٹاہلی رہ گئے





سُکھ نے رستہ اے دشواری ' کہہ کر یئے
ہر منزل اے منزل پہناری ' کہہ کر یئے

طعنے معینے کر دتے ہیں ماہڑے ناں
کرنا رہنا اوہ ہوشیاری ' کہہ کر یئے

کل نی گل اے کتنا سدھا سادھا سیں
توں وی سیکھ لئی دُنیا داری ' کہہ کر یئے

تواہڑے باہجوں جہراں مِگی کھانے پئے
سکھنا بیہڑا ' بوہا ' باری ' کہہ کر یئے

کل تک ساحل لگنا سی پُھل وی پہنارا
جکّی ہندی درداں فی کھاری ' کہہ کر یئے



.....ساحلِ یوسف



پنڈ غماں نی پہناری دِسنی
بیری دُنیا ساری دِسنی

فیشن چکھے پے کے تئو
بے پردہ اُج ناری دِسنی

مہر محبت گُتھے اَجکل
بس مطلب نی یاری دِسنی

ایہجے تہدھ حالات بنائے
جتی بازی ہاری دِسنی

ظلم و جبر نی حالت تئو
سرُنی ٹہناری ٹہناری دِسنی





کھالی کھولی ہا سے دینا
آساں کون دلا سے دینا

اُس بے پراوہ نی کہہ گل دہساں
نہ تولے نہ ماسے دینا

دُکھ دینا اے اُسنی عادت
بس می ہی نیہہ ' ہر پاسے دینا

تواہڑا ہجر فراق ماہڑے کی
رد جے دینا ' خاصے دینا



.....سوامی انترنیرو

ڈنگ

اُچے پہر مئے
چوڑا مٹھا
رتیاں کھا کھاں
اکھیں پراتاں
منکھڑا گول
تواہڑا ہول
پہاویں تول
گجھ تہ بول
چھنڈ نہ ناساں
میں تہ باساں
نکیے بیٹھ
ٹھڈ لے اُپر

بَل ایہہ قہری
ٹنگے نے
کُسے
مکھیر یے ڈنگے نے



اسا ہڑا یار سی مقبول

ادب تہ علم نی دُنیا نا ہک گلزار سی مقبول
سُخن فہم و سُخن سنج ، صاحبِ کردار سی مقبول

پہاڑی قوم بچ اہجیا جنونی میں نیہہ تکیا
پہاڑی قوم نا ہمدرد تہ غمخوار سی مقبول

قلم چلنی سی اُس نی ہر کسے موضوع نی نسبت سنگ
نثر بچ بے مثالی شاعر دمدار سی مقبول

اوہ پہاڑی شاعری ہووے کہانی یا صحافت نا
لکھاری کارواں نا پیش رو سالار سی مقبول

قفس اندر وی ریتی سچ بولیا ڈریا نیہ ہرگز
ایہجا اک جگ نے اندر غازی گفتاری مقبول

مصیبت بچ کسے اگے کھلیرے چھول نہ جیہڑا
اُسی غیرت نے پانی سنگ سدا سرشاری مقبول

کھڑی چھٹ چچ کرنا، کھلنا، رُسی وی جانا سا
مگر دو جے ہی پل فرتھیں ایو دلدار سی مقبول

اُتھے جنت نا مالک بن گیا اوہ نیک عمللاں سنگ
اسا ہڑے کول تہ بس ہک کرائے دار سی مقبول

دِلاں بچ اوہ اساں نے ہر کھڑی زندہ ہی رہسی گا
خلوص ہنر اندر ہک مٹھی تہنار سی مقبول

اوہ مندا سی، اوہ چنگا سی، اوہ پھیرا سی، اوہ سوہنا سی
اوہ جے جیاسی بہتر صورت اسا ہڑا یار سی مقبول



مہنگائی

بڑی ہے زمانے بچ پھیلی مہنگائی
 بے روز گاری وی ہے انتہائی
 ریاست بچ عُربت لایا ہے ڈیرا
 مشکل سنگ کرنی ہے پبلک بسرا
 غریبی ہے لوکاں پُر باہیا نا کھیرا
 کوئی چیز نظر بچ سستی نہ آئی
 غلے نا پہنچا وی بدھنا گیا
 گھی ڈالڈے نا ریٹ چڑھنا گیا
 غریباں پُر پہنار اسنا پینا گیا
 ہوئی گئی ہے حالت ابتر غذائی
 کدے کھنڈ نا جے نشہ آیا
 راشن کارڈ چائی تہ تھیلی بچ باہیا
 کچھے بیٹھ رکھی گلی بچ گھمایا
 پھرے سارے تہ کھنڈ فر وی نہ پائی

مہنگائی تہ اسراں ہے ڈیرا جمایا
 بڑا سوچیا ، پر سمجھ نہ آیا
 سردی نے موسم جاں پھیرا نے باہیا
 اُپر رکھنے واسطے نہ پٹو رضائی
 دیئے فی دہساں تِساں کی کہانی
 سُنایا سا اُس مِگی اپنی زبانی
 رہی تیل فی نہ ہے ماسہ نشانی
 ہر کُہر نے بچ ہے ہنیری ہی آئی
 پڑھائی کیتی فی جہاں نے ہے بی اے
 پولیس بچ وی اوہ پہرتی نہ کیتے
 حقوق اُنہاں نے جیہڑے اوہی نہ دتے
 آکھو لکھ واری نہ فر وی سُنائی
 بے روز گاری ہے اتنا ستایا
 کوئی ہور تہندہ وی نہیں ہتھ آیا
 نہ کوئی سرکار کارخانہ بنایا
 خرچہ ہزاراں نہ پیسہ کمائی
 غریباں نا کوئی سہارا نہیں ہے
 زمانے بچ کوئی اساہڑا نہیں ہے
 چُپ چاپ رہی گزارا نہیں ہے
 افسوس ایہہ ہے عجب رہنمائی

رُشوت کی تلو زوراں پر ہے ہوئی
 اوہلے ہی اوہلے کھانا ہر کوئی
 ملازم وی ہر گز دینے نہ ٹھوئی
 بکچر توڑیں چلسی حرام فی کمائی
 رشوت کی روکو مہنگائی کی روکو
 زمانے فی بے حیائی کی روکو
 ملکچہ چلنی گدائی کی روکو
 ریاست تھیں جائے ایہہ سختی ٹہائی
 سُنے کون میں کس کی سُنائی تہ اچھاں
 ایہہ ابتر جی حالت میں کس کی جادہساں
 ہو یا انسان کھوٹا میں رُواں کے ہساں
 اُس رہیا کدھر نہ خوف خدائی





نانی ناگراں

زندگی گزری گئی اے
 پر نانی ناوہ گراں نیہہ پُہلناں
 اوہ دلچ، اوہ چلہ نیہہ پُہلناں
 تپنی دوپہری کالج چوں منیاں
 خالانی روٹی تہ تازہ سالن نیہہ پُہلناں
 اوہ مکھن، اوہ لسی نیہہ پُہلنی
 بڑی خالانا لاڈ نیہہ پُہلناں
 سردیاں وچ ماموں نی مونگ پھلی
 گرمیاں وچ جوس نیہہ پُہلناں
 سریئے نال باہی وی پپنگ نیہہ پُہلنی
 نانی نی کسی ہوئی چوٹ نیہہ پُہلنی
 ہتھّاں وچ مہندی نی گوگی نیہہ پُہلنی
 لہراں نال بنائی ہوئیاں گڈیاں نیہہ پُہلدیاں

پہر او ایں نیاں دتیاں سوئیاں تہ لاڈ نیہہ پھلناں
 اوہ اخبار جہاں اوہ سارے رسالے نیہہ پھلنے
 اوہ کھڑے ناپانی اوہ اچار نیہہ پھلناں
 اوہ کھلے بیہڑے اوہ بوٹیاں نی چھام
 اوہ عید اں اوہ دشورے اوہ شراتاں نیہہ پھلنیاں
 زندگی گزری گئی اے
 پر نانی نا اوہ گراں نیہہ پھلنا!





مِگی یاد کریا

چلے برہیا آئی
چڑھٹھے
کس چڑیا
مِگی یاد کریا

چلے باہیرہ نیندیو
ٹے پنیو
تہ گھماں تڑکیاں
مِگی یاد کریا
چلے تارہ چڑھیا
تہ فصلاں راہیو
تگڑے دانداں فی جوڑی نال
تہ مِگی یاد کریا

چلے.....جس ویلے

چلے ہاڑ جیٹھ مڑے
تہ کھوہ سکی گیا
تہ پانیے نی کھوئی اُپر لگی باری
تہ مگی یاد کریا

چلے جن چڑھیا
تہ سیسیاں بیو
تہ کنک پکی
چلے عید آئی
مگی یاد کریا

چلے چھت چویا
چلے اٹ ٹھٹھا
چلے باڑی رُہڑی
مگی یاد کریا
چلے گری لایو
چلے نویں کڑے آئے
چلے لنگ کپیو
چلے پلیر دتیو
مگی یاد کریا

چلے تہوتی گرتے آلا کوئی دسیا
 چلے مہرا جے کی بدھیو پگڑی
 چلے شیشہ پیتو تھے چوں
 تہ چلم نویں پہنکھائی
 مگی یاد کریا

چلے لنگتھیو پہلیاں قوراں کولوں
 تہ ناں پڑھن نہ ہووے کہنا وچوں
 چلے ٹٹھے وے کوٹھے تکیو
 تہ خاب رُ لے وے لبھے بیہڑے وچ
 مگی یاد کریا



قوراں..... قبریں

اپنا ہی ٹہارا

سُو گل ماہری دے کا تہیان ہے اپنے ہی ٹہارے تھیں اپنا پہچان
غیراں دے بنگلے تے نہ کرو مان ہے انہاں دے بیہڑے بچ مشکل گزارہ

سوہنا ہے سنگو اپنا ہی ٹہارا

بنینے کو لگدا سرمایہ نیہہ اتھا کوئی منگنے کو ایندا کرایہ نیہہ اتھا
رہندا بھی کوئی پرایا نیہہ اتھا کسے دا مُنہہ اتھا دے نہ پہنارا

سوہنا ہے سنگو اپنا ہی ٹہارا

پہناویں بجن یار ہوون یا رشتہ دار تہیاڑے چار ہی رہندا مٹھا پیار
ایہہ کھیندے نے فر بن کا ڈڈار اکھیاں نال ایہہ بھی ڈٹھا ہے نظارہ

سوہنا ہے سنگو اپنا ہی ٹہارا

.....دلدار (بارغ) کرناہ۔ کپواڑہ

دریاں قالیناں کو لمبے اسیں لاناں نت نواں نواں ستھرا اتھا ڈاہنواں
پُرانے کو باہر کڈھ کا بگانواں لائے پُورے بھی کھیندے ہین لارہ

سوہنا ہے سنگیو اپنا ہی ٹہارا
نویاں ہین بلیاں چُھٹے چُھٹے تھم پیندا اتھا تہنواں تہ لگدے نے ڈم
پہنلا چھوڑے اس سُن سو اُسدے غم بیہڑے بچ گلیاں تک چڑھدا ہے گارا
سوہنا ہے سنگیو اپنا ہی ٹہارا



.....عبدالمجید حسرت

پنجرہ

لو ہے دی سلاخاں دا ہک مضبوط پنجرہ
شہر دے چوراہے تے ٹٹکیا دا
ایہہ قید خانہ بھی نیہہ
آشیانہ بھی نیہہ
ایہہ صیادوی چال ہے
جال ہے
دل کردا ہے اس کو چکنا چور کر کے نکل گجھاں
دور دور ہواواں پنج اڈر گجھاں
پر نہ.....!
ایہہ پنجرہ پکھنے والا تہ نیہہ
رکیاں تن اپنا زخمی کراں
رکیاں پنجرے کو ٹکراں ماراں



.....سرفراؤ گنڈ - گاندربل

کفن دفن

جیہڑے مگی کفن پہنان لئی آئے
 اوہ مگی پریشاں نہ کرن
 ہو رہ نہ مگی کوئی سوال پچھن
 زلفاں نے جال نے بارے جیہڑے گلے اُپر ہین
 ایہہ رازے نی گل اے
 جس کی کسے کی چھوٹا بیہ چاہی نا
 ایہہ ماہڑی باہرلی روح اے
 ایہہ اندر نی روح ناوائے سرائے
 جیہڑی جنت پنج چلی گئی نی اے
 باہرلی روح ماہڑے جسم نے ہصیاں نی راکھی کرسی گی


نوٹ: جان ڈن فی نظم "The Funeral" نا پہاڑی ترجمہ۔

ہور انہاں کی بچ ٹٹ تھیں بچاسی گی
 دماغ کنٹرول کرنا اے
 جسم نے تمام ہصیاں کی
 اکس لڑی بچ پرونا اے
 ماہڑی محبوبہ نے انہاں بالائ سُن
 خُدا کولوں اتبجی قوت حاصل کیتی اے
 جے ایہہ جسم نے تمام ہصیاں کی اکس جائی رکھی سکئی اے
 چنگے طور طریقے نال
 لیکن ماہڑے محبوبہ نے خیال بچ
 ایہہ زلفاں

انہاں ہتھکڑیاں ہاروں ہین
 جیہڑیاں سزائے موت نے قیدیاں کی
 پہنان ہونیاں ہین
 پہناویں اس نامطلب کوئی وی ہووے
 انہاں بالائ کی ماہڑے نال ہی دفن کریو
 کیاں جے میں ہاں
 راہِ محبت ناشہید

اگر انہاں کی ماہڑے سنگ دفن نہ کیتا گیا
 تاں لوک انہاں نی پوجا شروع کری ہنس
 عاجز انہ طورور

میں اس ناباہرلی روح نال موازنہ کیتا
 لیکن محبوبہ نے غرورنی وجہ تھیں
 جے اس سُن مگی موت نی دروٹنی ور پچائی شوڑیا اے
 تاں میں وی اس نے جسم نے
 کسے نہ کسے ہتھے کی اپنے سنگ
 قبری بچ بھنی جاساں گا!
 (انگریزی تھیں ترجمہ: ملک توقیر النساء)



..... حامد عبدالرؤف قریشی



اللہ ہی اللہ

ہائے اللہ
کون ہے منکوڑائے والا
تچھو لگا دا ہے
خاموش
ماہڑے داہر دوڑ دا ہے
کے کراں گرجلاں
ہُن کھنسی
بچاؤ
ہنیرا ہو گیا
گجھ نیہہ دسدا
کوئی مددگار نیہہ
میں کہلا ہاں
آخر ایہہ خوف

..... دلی واڈلار گاندربل

کون کڈھسی

ہائے اللہ

مصیبت ایہہ لوک گر گئے

کوئی آسرا نہیہ

بس اللہ ہی اللہ

چھٹ کھڑی دے بعد میں دکھیا

میں ٹھیک ہاں

صحیح سلامت ہاں

میں میں ہی ہاں

فراہمہ کے تماشا

ہاں سمجھ آئی

ایہہ تہ کالا چہڑھ آسا






بے کار نیہ اے

اگر میں
اک دل وی
پہن تھیں بچا سکیاں
تاں میں سمجھساں گا
جے زندگی ماہری
بے کار نیہ اے
اگر میں
دُکھ درد کسے نا
بنڈی سگاں
یا جانو ہارے
کسے پکھنواں کی
اس نے گھونسلے توڑیں

پہچائی سگاں
تاں میں سمجھساں گا
جے زندگی ماہڑے
بے کار نیہ اے





نہیں

نہیں ہیں
ایہہ الفاظ!
نہ آکھیو مگی کہ بہشت
ماہڑے ہوٹھاں نے بشکار کھلنی اے
ماہڑی چھاتیاں نی وادی بچ
آپے شیطان وی پُہل گیا سی
میں اچھساں گی
ہو راک واری رفر
تواہڑی ساس ساہ پُہری گی
ماہڑے اندر
تواہڑا سپنہ تعمیر ہوسی
ماہڑی مہک نال
تواہڑی زبان بہر اسی گی
بارش بارش

ماہڑے جسمے وراک وار فر بارش
میں گہلی جاسی گی

ہور اس واری

جسے توں آوسیں گا، اوہ چمک ہنی تہ
اپنی اکھنچ

ہور نیواں ہو سیں مگی چاک کرن لئی
تاں نہ رہسی گا تو اہڑے اندر

رتی پھر شک وی

اس کا لے پلے ہاروں جیہڑا چٹھیا
اپنی گھات تھیں

جس سن مسال مسال ماہڑا رستہ کٹیا
ہور شکار بنایا

تو اہڑے بوہے ور بیٹھی نی چڑی کی
حالاں کہ اوہ لم دراز پیئی نی اے
نڈھال، گلی تہ اسیر!

(دری زبان نی نظم نا انگریزی تھیں ترجمہ: ادریس احمد)



..... جوتی کماری



فکر

ہر کوئی ایتھے
فکراں نے وچ
کیہڑا فکر وں خالی
اوہ دربارنا شاہ ہووے جے
یا کوئی سوالی
فکراں وچ ای آنے ایتھے
نال فکراں ہی جانے
ایو ہے مقدر تیرا
اوہ بندیا مغرورا





ندامت

چلو آج گیت گیندے ہاں
 عبادت دے ندامت دے
 محبت دے اخوت دے
 صداقت دے شجاعت دے
 خدا ناراض ہے اَساں تھیں
 خدا کو آج منیندے ہاں
 چلو آج گیت گیندے ہاں
 خدا کو ایہہ دھسدے ہاں
 توہڑے بندیاں تے اے مالک
 جیہڑا مشکل وقت آیا ہے
 توہڑے غیض دا جیہڑا اَساں تے
 درد پھریا سایہ ہے

.....دلدار کرناہ۔ کپواڑہ

تُوں اِسکو ہٹا مولا
 تُوں اِسکو ہٹا مولا
 چلو اِج گیت گیندے ہاں
 خدا دی بالا دستی دے
 خدائی سرفرازی دے
 ہور اپنی طرفداری دے
 تُوں بخش دے اے مالک
 اَساں رُسواء نہ کر مالک
 چلو اِج گیت گیندے ہاں
 دین دی پارسائی دے
 ہور اپنی بے وفائی دے
 اَسیں مصروف رہندے ساں
 بڑے مغرور رہندے ساں
 مگر توہڑی پکڑ سُن اِج
 اساں کو احساس دِتا ہے
 جے توہڑی بے وفائی دا
 جے توہڑی بے اعتنائی دا
 صلہ جو مل گیا اَساں کو
 صلہ جو ملنے والا ہے
 اِسکو ٹال چھوڑ مولا

اس کو ٹال چھوڑو مولا
چلو اج گیت گیندے ہاں
خدا دی پائیداری دے
ہور اپنی رگریہ زاری دے
اساں کو بخش دے مولا
اساں رُسواء نہ کر مولا
چلو اج گیت گیندے ہاں
خدا کو اج منیندے ہاں



اسراں

اسراں لکھ
جسراں پانی اُپر
لکھنی ہے ہوا
اسراں رو
جسراں رانا ہے
بَدَل.....!
ریگستان اندر
اسراں ہنس
جسراں ہنسی ہے
موت.....!
چندیاں لوکاں ور!





عام نیہہ رہن دِتا

میں ہک
عام انساں آساں
ماہڑے عام لوکاں نالوں
دُکھ درد آسے
مُج بڑے بڑے.....!
ماہڑیاں عام لوکاں جیناں
خوشیاں آسیاں
نکیاں نکیاں.....!

پر
توہڑیاں نیناں
مکو عام نیہہ رہن دِتا
عام نیہہ رہن دِتا!



..... سینکھی تو گے



جاپانی نظم

پیو موڑ دیو

ماء موڑ دیو

دادا موڑ دیو

دادی موڑ دیو

گدرے موڑ دیو

گڑیاں موڑ دیو

مگی ماہڑا

اپنا آپ موڑ دیو

ماہڑے نال جڑے انسان

موڑ دیو

ہور جدوں بتکر

آدمی بحیثیت آدمی باقی اے

امن موڑ دیو

کدے نہ ملگن والا امن.....!



(نوٹ..... انگریزی تھیں ترجمہ: رابعہ کوثر)

.....محمد مقبول ساحل



کھٹیاں ، مٹھیاں بیریاں
گجھ تیریاں ، گجھ میریاں
آچل فر بنجاں ! چلیے ندیوں پاروے
ماہی دیاں وطن آئی مست بہاروے
پیار دی منزل دُور بھی ہے
اس نگری دا دستور بھی ہے
جگ جیتن والے جانڈے نے دل ہاروے
ماہی دیاں وطن آئی مست بہاروے
نہ ہجر ، جدائیاں دے چھالے
نہ دنیا ، نہ دنیا والے
بس دودل ہوون اکھیاں ہوون چاروے
ماہی دیاں وطن آئی مست بہاروے

چل میلے سوئی حیاتی دے
 تیرا ناں لکھواساں چھاتی تے
 تیرے لئی لیساں چخری گوٹے داروے
 ماہی دیاں وطناء آئی مست بہاروے
 کشتی کو کنارہ مل جاسی
 بیماراں کو چین آ جاسی
 ہک وار چلا دے دل تے نین کٹاروے
 ماہی دیاں وطناء آئی مست بہاروے
 ہک ہاسے تے قربان گیا
 میں پہنیت دلاں دا جان گیا
 دل بچ اقرار ہے بکلیاں تے انکاروے
 ماہی دیاں وطناء آئی مست بہاروے
 میت کوئی ، نہ کوئی سخی!
 اس باغے اندر چار بکھی
 سر اُپر نجدی ہک ننگی تلوار وے
 ماہی دیاں وطناء آئی مست بہاروے
 کونجاں نالوں گر لاندی ہے
 وعدے کر کے پُہل جاندی ہے
 تہو کھے دیندی ہک چھیل چھیلی ناروے
 ماہی دیاں وطناء آئی مست بہاروے

ہے وطن مرا کشمیر میاں!
 میں اُس باہجوں دلگیر میاں
 فریاد میری نیہہ سُندی ایہہ سرکاروے
 ماہی دیاں وطن آئی مست بہاروے
 عمراں دے ہجر ، بچھوڑے نی
 اس جندڑی دے دن تھوڑے نی
 بے درد نصیبیاں ساحل! دتا ماروے
 ماہی دیاں وطن آئی مست بہاروے





PAHARI

Bi-Monthly
SHEERAZA

Volume: 42 * Issue: 2 * Year: 2020



Published by:

*Jammu & Kashmir
Academy of Art, Culture and Languages*

Printed at Government Press, Srinagar